

# WANTOK

Wan Wik, Oktoba 2 - 8, 2003

NIUSPEPA BILONG OL PNG STRET

Namba 1525 - K1 tasol

**WINIM**  
**K250**  
PAHIM BAL  
RESIS NO 7

**INSAIT**

- Lukim NRL - LPV Tot Toksave long pes 20
- Madang gavman winim kot long rausim ol setlas - pes 12
- Ol Yut bung long ELC-PNG nesenel yut konfrens - pes 19

OL PIPEL BILONG PNG  
STOPIM  
KORAPSEN NAU!

Lukim spots stori bilong NRL gren fainel long baksait



# Gavman i gat namba na strong

...Nogat pret long vot i nogat bilip

YAKAM KELO i raitim


GAVMAN bilong Somare na Marat i nogat birua o pret long vot i nogat bilip taim em i gat bikpela namba long gavman bilong em.

Las wik tasol Spika bilong palamen na lida bilong Pipels Nesenel Kongres Bill Skate i tokaut long sanap bilong em wantaim gavman bilong Somare i strongpela na bai stap strong yet.

Pipels Progres Pati (PPP) i sanap strong wantaim Somare gavman nau taim ol i wok long kisim amamas long ol wok ministri.

Pipels Eksen Pati (PAP) tu i sanap strong wantaim gavman we lida bilong ol Moses Maladina i holim bikpela wok ministri bilong Agrikalsa long gavman.


Pangu pati i sanap strong tu wantaim Somare gavman taim Sir Robbie Namaliu i sindaun gut long sia bilong em long Foren Afeas Ministri na lain bilong Peter Yama long PNG Leba Pati i kisim



• Spika Bill Skate i strongim sapot wantaim gavman bilong Somare.

gutpela amamas tu na i sanap gut long givim sapot long Somare.

Peter Yama i bin man i go pas long kempen egensim olpela gavman na em i bin sapotim grup bilong Somare long kisim gavman. Dispela sapot i soim pinis strong gavman bilong Somare i gat long winim o abrusim wanem kain vot i nogat bilip o wanem kain



• Deputi Praim Minista Dr. Allan Marat, nogat birua o pret long vot nogat bilip.

salens i laik kamap long taim bilong kamapim ol bikpela lo.

Memba bilong Sumkar Mathew Gubag long sait bilong oposisen i tokaut olsem Somare gavman i nogat wanpela samting long pret long en. Bikos ol i gat namba bilong kamapim ol lo o winim vot i nogat bilip.

Igo moa long pes 4



Ol disebel tekova long Maprik Taun. • Long Independens de bikpela amamas i kamap long Maprik taun. Olgeta disebel manmeri long Is Sepik provins i go resis na amamasim Independens de long Maprik.taun stret.Moa stori long pes 5. Foto: Fr. JANUSZ SKOTNICZNY SVD

**TOKSAVE**

Sapos yu laik toktok wantaim Wantok Niuspepa. Tok save i go olsem long nau i go, olgeta tok-save o wanem samting yu laik givim o salim long Wantok niuspepa na Word Publishing Company i mas go long opis bilong Media Council of PNG Sekretariat.

Telepon namba: 320 2979 / 686 0036  
Fax: 320 2978 / 320 2189  
EMAIL: [mediacouncil@online.net.pg](mailto:mediacouncil@online.net.pg)

Menesmen bilong Wantok niuspepa i tok sori tru long dispela bikos i gat bikpela hevi we Telikom yet i ken stretim.

**PUBLIC NOTICE**

Temporary Communication Arrangement

Please be advised that as a temporary arrangement all communication with the Wantok Newspaper and Word Publishing company will be through the Media Council of PNG Sekretariat.

Telephone: 320 2979 / 686 0036  
Fac: 320 2978 / 320 2189  
EMAIL: [mediacouncil@online.net.pg](mailto:mediacouncil@online.net.pg)

The management apologies for this inconvenience but it is a technical matter that only Telikom can resolve.

**iRB**

**RUGBY AUSTRALIA WORLD CUP 2003**

**LAKI SANS BILONG TUPELA**

**LONG SYDNEY NOV**

**Brian Bell**  
Shop with a friend

**B** Premier Retailer na Wholesaler bilong Pawa na Didman Supplies insait long Papua New Guinea.

# PLIS RIPOT

### Nesene! Kapitel:

PLIS i mekim wok painimaut long dai bilong wanpela liklik pikinini Sentrel long las Trinde nait. Nem bilong dai pikinini em Tinoi Samuel na em i gat tupela krismas na em i bilong Sentrel provins.

Ol ripot i tok ol raskol i wok long ronawe long wanpela stil pasin ol bin laik kamapim na dispela birua i bin kamap ausait long Big Rooster hap long las Trinde.

Liklik pikinini boi ya i bin sindaun long baksait bilong ka taim famili i laik draiv i go long haus bilong ol long Koki. Ol ripot i tok famili i bin stop ausait long haus bilong ol long Big Rooster hap na wanpela katres i bihainim ol raskol i bin kisim liklik manki long bros bilong em. Birua i bin kamap long samting olsem 7 kilok Trinde nait.

Ol ripot i tok ol saspek i bin laik stilim ka ausait long Big Rooster tasol wanpela kastoma i bin salensim ol na kisim liklik pikinini ya. Pikinini ya i bilong Tasman na Joyce Samuel. Ol bin kisim pikinini i go long Pot Mosbi haus sik tasol em bin dai. Ol plis i karimaut wok painim long dispela birua nau.

### Is Nu Briten:

OL PLIS long Is Nu Briten i wok long bungim hevi long sait bilong trenspot long helpim ol i karimaut wok bilong ol. Tasol dispela i no stopim ol long karimaut wok.

Mekim na mak long lo na oda hevi long provins i wok long go daun.

Plis ripot long provins i tok wanpela spesel plis operesen i wok long go het bihainim stil pasin long PNG Kakao groas Asosiesen long Septemba 1 na nau nogat stil pasin wantaim gan i kamap. Pastaim i bin save gat tupela o tripela stil pasin i kamap long wanpela de long provins.

Rabaul plis i amamas bikos dispela i soim gut-pela piksa long Krismas taim we i no longwe nau.

# Kot salim wanpela moa long hangamap

WANPELA moa man i wet long hangamap inap em i dai bihain long Nesene! Kot long Wabag i givim mekim save bilong det penelti o lo bilong kilim man i go long em.

Jastis Moses Jalina i bin givim dispela mekim save long Kepaka Langa, wanpela man Enga bihain long kot i painimaut olsem em i bin mekim bikipela rong tru taim em i bin katim na kilim pikinini bilong wanpela pasto wantaim wanpela tamiok long las ya.

Langa em i bilong

Samagares viles klostu long Wabag.

Kot i harim olsem Langa i bin kilim pikinini bilong Pasto Daniel Hopa long bekim bek dai bilong wanpela man, nem bilong em Tonde Langa long Imia viles long las ya.

Ol loya bilong Mista Langa i tokaut pinis olsem ol bai mekim wanpela apil long rausim dispela mekim save bilong Nesene! Kot long hangamapim em.

Langa em i namba sikis man long kisim dispela kain mekim

save bilong kot.

I gat 5-pela moa man i kisim pinis det penelti na Langa bai wetim tasol disisen bilong Suprim Kot sapos ol loya bilong em i putim apil bilong em i go long ol i rausim dispela mekim save.

Mekim save bilong det penelti em i wanpela lo we i bin stap pastaim long indipendens long ol samting olsem trison o mekim wok long bagarapim kantri na long kilim man.

Long 1971, ol i rausim dis-

pela mekim save long pasin bilong kilim man.


Tasol long 1991, palamen i kisim dispela mekim save i kam bek long pasin bilong kilim man o meda.

Namel long 1991 taim dispela mekim save i kam bek inap nau, i gat 5-pela man i kisim dispela mekim save pinis bikos ol i kilim man.

Tasol inap nau, nogat wanpela man i hangamap.

Dispela em bikos i nogat ol komiti o samting i stap long kari-maut dispela mekim save.

## PM tok long sekim tinpis kampani



• Sir Michael Somare.

PRAIM Minista Sir Michael Somare i tokaut long Palamen long Tunde olsem em bai makim ol minista long lukluk long wok bilong RD Tuna, kampani i save mekim Diana tinpis.

Toktok bilong RD Tuna i bin kamap taim memba bilong Bogia, John Hickey i tokim Palamen olsem planti manmeri long Madang yet husat i stap

klostu long dispela kampani i tokim em olsem smel bilong sting tinpis i wok long bagarapim ples bilong ol.

Mista Hickey i tokaut tu olsem sampela lain i bin autim wari bilong ol long ol wok manmeri long dispela kampani i no save kisim gutpela pe na pe ol i kisim i daunbilo long pei ol plentesin wokman i save kisim.

Em i askim Sir Michael sapos em i save olsem planti wokman bilong dispela kampani em ol manmeri bilong ovasis na ol i wok long holim wok we ol PNG manmeri inap long holim.

Narapela hevi we Mista Hickey i kamautim em olsem ol wokman bilong dispela kampani i save rausim ol samting bilong bus na karim hait i go aut long kantri, na ol i save kisim ol kain kain strongpela dring bilong ovasis na haitim na kisim i kam insait long PNG.

Mista Hickey i tok ol yanpela mangi i wok long kisim dispela dring na spak na bagarapim laip bilong ol.

Sir Michael i tokim Palamen olsem ol dispela samting em i bikipela tru long laip bilong ol pipel long Madang, na em bai askim ol minista bilong Envaironmen na Konsavesen, Leba na Agrikalsa long sekim ol dispela samting Mista Hickey i autim.

Em i tok olsem sapos ol bisnis i laik kam wok insait long PNG, ol i mas luksave long ol lo bilong mipela na mekim gut bisnis na noken bagarapim ples.

## Ol Wes Irian sumatin soim kalsa



• Stail tumbuna danis na naispela bilas bilong ol dispela Wes Irian sumatin long De La Salle na Marianville Hai Skul ausait long Pot Mosbi i bin kukim ples las Sarere long Kalsere! De bilong De La Salle Hai Skul. 19-pela singsing grup i bin soim kalsa na pasin tumbuna bilong PNG we planti papa mama na pablik long Mosbi i bin amamas long lukim.

Poto: JOE IVAHARIA

## Helikopta kapsaitim bensin long Tolukuma

OL PIPEL bilong Tolukuma long Sentrel provins i kisim taim gen bihain long wanpela helikopta bilong Heviliift i abrus na kapsaitim bensin klostu long Karame viles long Auga Veli long tupela wik i go pinis.

Las wik NGO Environmental Watch Group (NEWG), wanpela grup i save putim was long wok bilong ol main na ol arapela kampani i wok long graun, wara na diwai, i tokaut olsem dispela helikopta i karim bensin bilong Tolukuma Gol Main i bin abrus na bensin i bin kapsait long klostu long Karame viles.

NEWG i tok taim bensin dispela helikopta i karim i kapsait, em i mekim wanpela hul long graun i go daun 3 mita na maus bilong em 9 mita. Ol i tok bensin i karamapim

bikipela hap tru inap long 2.5 skwe kilomita.

NEWG i tok dispela em i namba tu taim nau we wanpela kain bikipela hevi olsem i kamap long ol pipel i stap klostu long Tolukuma Gol Main.

Long mun Mas long ya 2000, wanpela helikopta i karim 1000 kilogram cyananide o marasin nogut bilong wok maining i bin kapsaitim dispela marasin long het bilong Yaloge wara.

Long mun Septemba long ya 2000, wanpela arapela helikopta gen i abrus na kapsaitim 4000 lita disel bihain long em i kirap lusim Veimauri, ausait long Pot Mosbi.

Ol i tok olsem pasin we main i yusim helikopta long karim bensin na ol marasin nogut i no gutpela long laip bilong ol pipel long hap.

**TRAIN FOR SUCCESS!** Your CIC Certificate, Diploma, or Degree

Gain professional, accredited qualifications with expert British Training. Rapidly gain top jobs and high pay!

**Accredited Diplomas (£130 or US\$210):**

- \*English, Management, Personnel, Sales, Stores
- \*Accounts, Purchasing, Marketing, Advertising, PR
- \*Business, Hotels, Tourism, Computers, Secretarial

**Advanced, Honours & Post Graduate Diplomas:**

- \*Business, Accounts, Hospitality, Marketing, H.R.

**International Degree Programmes:**

- \* BBA and MBA in Business Administration

CIC is fully accredited in Britain and internationally by: ODLCQ, ICDE, BAOL, ASET and is Approved by the Papua New Guinea Ministry of Labour & Employment

For a FREE Prospectus write, fax or email to:

**CAMBRIDGE INTERNATIONAL COLLEGE**

PO Box 53, Southampton, SO14 0JY, Britain

Email: info@cambridgetraining.com

www.cambridgecollege.co.uk

Fax: +44 2380 337200

Name: \_\_\_\_\_

Address: \_\_\_\_\_

Age: \_\_\_\_\_

Fees include everything you need for success: Manuals, Exams, Guide, Tests, Assessment, Awards

**100**

TORO KAIKAI PLAN TI BUAI STRET NA TIT BILONG EM I PEN NA MAUS I SOLAP KRANGI STRET...

BAGA KISIM TAIM STRET NA TOKIM KOLE LONG RAUSIM TIT I PEN LONG EN...

AAH, KOLE... KAM RAUSIM TIT BILONG MI VAHH... EM I PEN VAHH!!

PILIM NAU! KAIKAI BUAI TUMAS!

NAU KOLE KISIM PLAIES NA GO RAUSIS TIT BILONG TORO...

OPUA MAUS! UAHN! I LUK DISEM OLBETA I BAGARAPVA!

AAH! RAUSIM LONG BAKSAIT!

TORO I TOK LONG RAUSIM TIT I PEN LONG BAKSAIT, TASOL KOLE RAUSIM TUPELA GUTPELA TIT LONG FRAN...

EU! MI RAUSIM TUPELA WANTIM STING TRU YAH!

AAARRGG!! INO LONG FRAN!!

MAN, TORO I KROS NOGUT TRU NA BRUKIM OLBETA TIT BILONG KOLE...

AIVOO MANIA!

YU BLARY GAKAN BAGARAPIM STAIL BILONG AII!!



**Madang Nesenel Kot tok eviksen bai go het**

NESENEL Kot long Madang i rausim kes bilong ol Tari pipel long pasim eviksen oda long rausim ol setelmen lain long Madang taun.

Dispela i kamap bihain long Madang provinsel gavman i winim wanpela kot oda long rausim olgeta narapela kot oda i kam long ol setelmen lain long pasim eviksen ekasesais long Madang taun.

Jastis Don Sawong i tok olsem tupela man i kisim oda long kot long pasim eviksen ekasesais, Joe Tipaija Tari na James Hela Pora, i no givim inap evidens long soim olsem ol i makim maus bilong olgeta Tari pipel long Madang.

Em i tok dispela tupela man i no givim inap evidens long soim olsem dispela eviksen ekasesais i stapim ol raits bilong ol, olsem na wanem samting ol i laikim i no kla.

Jastis Sawong i rausim kes bilong tupela man na dispela i givim tok orait

long Madang provinsel gavman long go het wantaim dispela eviksen ekasesais.

Long Tunde, loya i makim Mista Tari na Mista Pora, Jacobus Puringi, i tok olsem em i gat sans inap long 30 dei long putim wanpela apil egensim dispela kot disisen bilong Jastis Sawong.

Mista Puringi i tok olsem ol bai tokim kot olsem ol i bin askim kot long sekim dispela eviksen notis i kam long Madang provinsel gavman las yia bikos ol i tok dispela notis pepa i makim tasol ol 'Tari pipel' na i no ol lain bilong ol arapela ples i stap long ol setelmen long Fins rot na Humade setelmen long Madang taun.

Toktok i kam long opis bilong Gavana bilong Madang, James Yali i tok em i wok long singaut long ol lain famili husat i gat rait long sindaun long graun long Madang long givim nem bilong ol long opis bilong em, na ol arapela lain long stat long muv aut.

**Ileksen bilong Gavana Jenerel i go long Suprim kot**

OMBUDSMAN Komisin i tokaut long las wiken olsem ol i mekim pinis wanpela askim i go long Suprim Kot long sekim ileksen bilong Gavana Jenerel, Sir Albert Kipalan.

Sief Ombudsman Komisina, Ila Geno i tok olsem Komisin i bin kisim helpim i kam long Klak bilong Palamen Ano Pala taim em i givim ol proposel fom bilong 9-pela kandidate husat i bin resis long ileksen bilong Gavana Jenerel.

Mista Geno i tok olsem ol i bin sekim ol dispela fom na ol i bin painim sampela samting we i no stret long taim ol i putim ol proposel bilong ol


kandidate long resis long ileksen. Em i tok sampela samting we i no stret em:

- Sampela memba bilong Palamen i sapotim moa long wanpela kandidate long taim ol i makim ol bilong sanap;

- Sampela memba i bin rausim sapot bilong ol long wanpela kandidate na senisim i go long narapela bihain long ol i sain pinis long sapotim namba wan kandidate bilong ol;

- Wanpela man husat i no moa memba i sainim fom olsem sapota bilong wanpela kandidate; na

- sampela proposel fom i no stret aninit long Ogenik Lo.



**LONG siti olsem Pot Mosbi, telefon em i wanpela bikpela samting long ol manmeri i wok long ol opis. Long Tunde ol telefon long planti hap bilong Mosbi siti i bagarap na planti wok manmeri i kisim taim long mekim wok bilong ol. Planti man i kisim tingting olsem ol dispela bikhet lain long Telikom i mas kirapim sampela das.**

Tasol bos bilong Yunion i tokaut olsem ol lain bilong em i no mekim dispela bikhet na bagarapim planti wok manmeri long kantri. Mipela i laik save, olsem wanem na em i save olsem i no ol lain bilong em? Husat gen bai save long we bilong bagarapim ol kain samting olsem ol waia na kebol bilong telefon?

Sapos yu gat EMTV na yu save laik lukim nius long 6 kilok long olgeta apinun, long Sande long dispela wiken i kam, yu mas lukluk bihain long EMTV nius long save husat laki man o meri i vot long dispela ileksen long makim namba wan NRL ragbi pilaia stret long PNG. Dispela laki man o meri bai winim sans bilong go long lukim namba wan NRL ragbi lig gem bilong neks yia long Sydney.

I luk olsem Mosbi siti i wok long painim planti hevi nau wantaim ol samting olsem telefon, wara na long sait bilong benk tu. Wanpela kain samting olsem ol waia bilong telefon tasol i bagarap na mipela olgeta kisim taim. Telikom wantaim ol plis i mas lukluk gut long ol kain samting we inap bagarapim ol pipel bilong kantri na noken larim i kamap gen.

Planti manmeri long PNG i save nau long yusim intanet na e-mail, tasol sampela i no save yet. Wanpela meri long Lae i salim wanpela email i go long poro bilong em long Mosbi na i ring long askim sapos em i kisim tu o nogat. Draiva boi bilong opis bilong poro bilong em i kisim telefon na meri ya askim em "Mi salim wanpela email ya, yupela kisim tu o nogat?" Draiva boi ya i mas paul liklik na bekim "Ah, ol i kisim pinis na putim long kabod." Ol PNG tu ya!

**Telikom wokmanmeri lusim wok**



OL WOK manmeri bilong Telikom PNG i bin lusim wok long dispela wik bikos ol i no amamas long Independen Pablik Bisnis Koporesen (IPBC) i no stretim ol wari bilong ol hariap.

Ol Telikom wok manmeri, aninit long Komyunikasin Wokas Yunion (CWU) i bin lusim wok stat long Mande na ol i tok olsem ol bai no inap long wok hapde inap IPBC i sindaun wantaim ol na stretim ol hevi bilong ol.

Long Mande nait long dispela wik, sampela lain i bin kapsaitim bensin i go insait long ol paip bilong ol telefon kebol na laitim paia.

Olgeta kebol na lain bilong ol telefon long olgeta gavman opis na ol bikpela bisnis long Mosbi siti i nogat wanpela telefon i stat long Mande nait inap nau.

Sampela hap long Mosbi siti tasol olsem Mosbi taun na Boroko i bin gat telefon.

Planti wok manmeri insait long Mosbi siti i bin kisim taim long Tunde taim sampela benk i kisim taim long wok bikos ol benk sistem bilong i no wok. Ol



• Ol wokman bilong praivet telekomyunikesen kampani i wok long stretim kebol i paia na givim hevi long ol manmeri long planti hap long Mosbi.

ATM o benk masin bilong kisim mani tu i no wok bikos ol wokman bilong Telikom i lusim wok.

Menesing Dairekta bilong Telikom, Martin Veisame, i tokaut long Tunde olsem olgeta komyunikesen servis long siti i bin bagarap long Mande nait wantaim ol telefon lain i go long ovasis tu.

Ol telefon, mobail fon, intanet na feks i bagarap

tu. Wanpela mausman bilong Telikom menesmen i tok ol praivet kontrak kampani i wok long wok hat long stretim dispela hevi wantaim ol telefon.

Em i tok tu olsem ol lain husat i kukim ol telefon kebol ya em ol lain husat i save gut tru long wanem hap bilong kebol long go na putim masin long en, na i no ol raskol nabaut.

"Ol lain i mekim dispela

samting i save gut tru long dispela. Ol lain husat i no save long wok bilong Telikom bai i no inap long mekim dispela," em i tok.

Presiden bilong Komyunikesen Wokas Yunion, Bob Magaru i bin tokaut long Tunde olsem ol union memba bilong ol i no bin mekim dispela samting.

Em i tok olsem em i bin tokim olgeta memba bilong ol olsem ol i noken bagara-

pim wanpela samting bilong wok komyunikesen i stap aninit long lukaut bilong gavman.

Ol praivet teknisen kampani husat i wok long wok long stretim hevi wantaim ol telefon kebol i tok olsem ol dispela waia em i hat tru long stretim na i luk olsem bai ol i wok long en inap long tupela wik yet.

**Lukim moa toktok long Telikom long Komentri long pes 14.**

**ORIGINAL INTERTRACTOR UNDERCARRIAGE COMPONENTS**

**Itrac Track Links      K-loc Master Link      Pro Itrac Track Link      Track Shoes**

<b>NIUGINI LIMITED</b> EXPECT GREAT THINGS	<b>PORT MORESBY</b>	<b>LAE</b>	<b>KOKOPO</b>	<b>LIHIR ISLAND</b>	<b>VANIMO</b>
	Phone: 325 5766 Fax: 325 0805	Phone: 472 2444 Fax: 472 3342	Corner of Tokua and Gelagela Road Phone: 982 1488 / 982 2048 Fax: 982 1489	Phone/Fax: 986 4194	Phone: 857 1437 Fax: 857 1437

# Kopirait lo bai helpim ol atis

WANPELA woksop long Copy Right and Neighbouring Act 2000 i bin luksave olsem dispela lo i stap long lukautim raits bilong ol atis olsem ol musik manmeri, ol raita, ol lain i save wokim ol droing, kaving, hendikraf, ol samting i sut long kalsa na ol arapela samting moa we ol manmeri yet i wokim long han na save bilong ol.

Palamen i bin tok oraitim Copy right na Neighbouring Ekt o lo long yia 2000 tasol em i no go hetim strong yet. Tu, planti manmeri i no klia long dispela lo na wanem samting em i sapos long lukautim.

Dairekta bilong Nesenel Kaisarel Komisn Dokta Jacob Simet insait long wanpela woksop Komisn i bin go pas long en i bin tok Copy right lo em i bilong mekim pipel na ol bisnis i luksave olsem i gat lo i stap long lukautim ol samting ol i wokim, ol samting we ol i raitim kamap long save bilong ol yet, lukautim ol tumbuna kalsa na samting long ol narapela na tu ol ausait

lain i kisim nating na yusim long en.

Em i tok woksop we Komisn i bin ranim em long strongim aweanes long ol lain i papa long ol kopirait na ol lain i save yusim ol samting na tupela grup wantaim i ken klia long lo we i karamapim ol.

Em bin tok long kamap wantaim fainol lo i lukautim kopirait, gutpela wok bung na sapot i mas kamap long makim ol fi we ol bai sasim long ol lain i yusim ol papa bilong ol kopirait. Na ol grup bai wanbel long dispela ol fi na ol arapela samting moa we i sut long kopirait.

Aninit long kopirait lo, narapela man, bisnis, kampani na ogenaisesen i noken mas yusim ol musik, stori, piksa, peinting, kaving, wok na ol kalsa samting bilong narapela inap long ol i tok-save long ol na ol i kisim tok orait long ol. Na ol kampani we i save yusim ol musikman na ol arapela atwok i mas peim sampela fi long ol.

Biknem meri atis long PNG em

Julie Mota long makim ol PNG atis i bin autim wari olsem planti ol atwok bilong PNG em ol i yusim long ovasis wantaim nogat luksave long ol atis. Olsem na i moa gutpela long PNG i go hetim dispela kopirait lo.

Em i tok sapos nogat, ol arapela lain bai yusim ol atwok bilong PNG na mekim mani long em taim ol atis na kantri i no kisim wanpela gutpela samting.

Long wankain taim tu, wari bilong Edukesen Dipatmen em i olsem kopirait lo i noken mas kamapim hevi long sait bilong lainim tasol em i mas helpim long lainim ol sumatin long edukesen.

Tru, dispela lo i gat hap we i givim spesel sans long Edukesen Dipatmen, em i no klia, wanpela bikman i makim edukesen long woksop i bin tok.

Em bin tok Edukesen Dipatmen i save yusim bikpela mak long ol samting long kopirait na Neibaring Ekt long yusim long ol skol.

# Sapot long kilim dai ol bikhet man ... tasol ol i mas kilim ol yet


Veronica Hatutasi i raitim

SAPOT i wok long kamap long lo bilong kilim dai ol bikhet man insait long PNG.

Sir Matiabe Yuwi em wanpela bikman bilong Sauten Hailans na i bin memba bilong Tari long 14 krismas inap long 1982 i wanpela long ol i sapotim lo bilong kilim dai ol bikhet man husat i save kilim dai nating narapela, bagarapim ol meri na wokim ol bikpela kraim o nogut rong pasin.

Na em i laikim bai bikhet man yet i onim pawa long kilim em yet long pablik long soim ol arapela i ken kisim skol long em.

"Planti pipel long ol komyuniti, ples na kantri i les pinis long planti pasin bilong kilim dai man i wok long kamap na go het insait long kantri bilong yumi. Long nau, pasin bilong kilim dai ol meri na pikinini i wok long kamap. Dispela i no bin stap long pasin tumbuna bilong yumi. Aninit long kastam lo, wanpisin i no inap long tasim ol meri na pikinini long taim bilong hevi. Ol man i mas pait namel long ol yet na pait i no save kalap i go long ol meri na pikinini. Tu taim ol i pait, ol i mas kilim dai ol birua na i no ol wan pisin. Tu long taim bilong pait, lo i bin stap olsem ol i noken kukim haus. Tasol olgeta ol dispela samting i wok long kamap bikpela nau.



• Sir Matiabe Yuwi sapotim lo bilong kilim man.

"Tru lo bilong God i tok noken kilim dai man. PNG i save kolim em yet long wanpela Kristen kantri tasol ol bikpela hevi nogut stret i wok long kamap na go bikpela. Dispela em pasin we Kristen kantri i save mekim? Nem em i olsem bilasim windua tasol bikos pasin long kilim dai narapela na ol bikpela bikhet pasin i go het yet. Tru, samting olsem 20 pesen manmeri long kantri em ol i prektisim Kristen pasin na samting olsem 80 pesen i nogat.

"Ol bikhet man i nogat luksave long lo bilong God. Planti gutpela manmeri i stap tasol planti bikhet lain tu i stap na wokim nabaut na kilim na bagarapim ol arapela," Sir Matiabe i tok.

Em i laikim bai ol bikhet man i kilim ol yet na nogat man bai karim

hevi na wari na tu, ol arapela bikhet lain i lukim dispela na stopim pasin nogtu bilong ol.

"Mi wanbel long lo bilong hangamapim na kilim dai ol bikhet man. Tasol i no narapela man i kilim, em yet i mas kilim em yet na kisim laip bilong em.

Na bipo em i kilim em yet, em i mas tok sori long pablik long rong pasin em bin wokim na wanbel long dai. Bihain long em i tokaut long ol dispela samting, em i mas presim pawa baten na dai. Long dispela rot, nogat narapela man i pret long ai bilong bikman o long peibek long ol haus lain na famili bilong em. Kilim na hangamapim ol bikhet man i mas kamap long pablik na ol arapela i ken lukim na pret. Na lusim bikhet pasin bilong ol," Sir Matiabe i tok.

# Gavman i gat namba na strong

I kam long pes 1

Mista Gubag i tok long sait bilong oposisen em ol i gat 8-pela memba tasol. Na olgeta namba i stap long gavman sait na ol i ken winim olgeta vot long floa bilong palamen. Olsem na gavman i noken seksek bikos em bai sanap strong yet na go het long wok bilong em.

Las mun gavman i bin kamapim ol senis long wok bilong ministri na givim wok long ol arapela memba bilong ol pati i stap long gavman. Bire Kimisopa bilong Goroka husat em lida bilong Yunaitet Pati i kisim wok olsem Ministri bilong Plis o Intenel Sekyuriti, Roy Biyama husat em memba bilong ol independen grup i bin kisim ministri bilong Sains na Peter Yama i kisim wok bilong Leba na Emploimen.

Long sait bilong hailans rijon tu planti hailans lida i holim wok ministri long gavman bilong Somare na dispela i stapim ol toktok nabaut olsem gavman i bin givim wok long ol Momase lida tasol na ol hailans i nogat. Nau dispela toktok o komplem i pinis nau. Ol Ol Sauten Hailans ministri em Peter O'Niell, Enga ministri em Don Polye, Kappa Yarkka, Westen Hailans em William Duma na Melchior Pep, Isten Hailans em Bire Kimisopa. Ol dispela senis i mekim hailans rijon i gat gutpela bel wantaim Somare gavman. Wankaintu long ol Niugini Ailan rijon, Momase rijon na Sauten rijon.

Planti lain i tok dispela lukluk na wokbaut bilong gavman long ekspot driven polisi we i sut long kamapim moa samting hia long graun bilong PNG na salim

olsem kago i go long ovasis maket em gutpela tru. Bikos dispela bai pulim mani i kam long kantri insait long planti taim i kam bihain taim ol maining i pinis.

Dispela i sut long wok agrikalisa o didiman long planim na salim moa kakao, kopi, kopra, wel pam, vanila na planti arapela moa.

Dispela em gutpela polisi na lida yet wantaim ol wokmanmeri bilong kantri na ol bisnis i laikim. Dispela i soim sapot na wanbel bilong sapotim na strongim gavman long go het na mekim kamap ol dispela polisi o wok em i laik kamapim.

Palamen i stap nau long wok bilong kamapim namba tri rit bilong mekim dispela vot i nogat bilip i kamap long tripela yia. Namba wan rit i kamap pinis.



# Man Hailans yet mas kisim Gavana Jenerel

WANPELA man Hailans yet i mas kisim ples bilong Gavana Jenerel sapos kot i rausim Albet Kipalan long dispela posisen bihainim ol toktok i kamap long dispela olsem em i no stret long makim em long dispela posisen.

Sir Matiabe Yuwi em wanpela bikman long Sauten Hailans husat i gat luksave long komyuniti i bin wokim dispela toktok.

Na em i redi long sanap resis na givim nominesen long dispela posisen sapos em i kisim sapot bilong ol palamen memba.

Sir Matiabe i tok Palamen i bin bihainim demokresi taim ol i votim Mista Kipalan tasol bihain gen, ol toktok i kamap long Ombutsmen olsem sampela samting i no

stret longrot we ol memba i bihbainim long vot. Na tu long sampela samting we Mista Kipalan i bin wokim taim em i Woks Ministri.

Taim em i sapotim Mista Kipalan long kamap olsem Gavana Jenerel, em i tok bai kantri i wetim ripot bilong Ombutsmen na Kot long wanem samting tru bai kamap. Em i tok sapos olsem wanem na vot i kamap gen long makim Gavana Jenerel, dispela man i mas kam long Hailans rijen.

"PNG i gat narakain kalsa na kantri i bruk long foapela rijen em long Sauten, Niugini Ailan, Momase na Hailans. Long nau, yumi gat ol bikman lida i kam long tripela rijen. Sir Michael i holim top posisen olsem Prais Ministri na em i makim

Momase rijen taim deputi bilong en em Alan Marat bilong NGI. Spika Bill Skate i makim Sauten rijen na Gavana Jenerel em Sir Silas Aropare em Hailans man i bin holim.

Tasol nau em i aut na Albert Kipalan em ol i makim em tasol i gat sampela asua long em. I moabeta long makim man i kam long Hailans rijen long dispela posisen bilong GG na gavman bai balens na fea. Sapos nogat, yuniti bilong kantri bai stap long hevi," Sir Matiabe i tok.

Long laik sanap resis long dispela posisen em i tok, "mi bilip olsem mi inap long mekim wok bikos mi stap olsem wanpela politisen long 14 yias. Na mi stap tu olsem namel man i makim ol Hailans na Papua pipel.



# Disebel i winim Maprik Taun

Fr. Janusz Skotniczny  
SVD

MOA long 100 ol disebel manmeri bilong Is Sepik provins i bin bung wantaim long Maprik Town bilong amamasim Independens De. Ol i kam long Wewak, long Maprik Distrik, long Wosera.

Sampela i kam long PMV na sampela i mas wokabaut planti aua. Bagarap bilong bodi bilong ol i no inap stopim ol long kam bung wantaim na go insait long ol ektiviti.

Ol i statim dispela de wantaim mas o wokabaut. Ol i singim national anthem na ol pulim antap flag bilong Papua Niugini. Singing tumbuna tu i stap.

Bihain long ol toktok ol i go insait long ol pilai sport olsem: 100 mitas ron bilong ol yaupas na aipas, wilsia resis, tromoi spia, na planti arapela pilai.

Tingting bilong redim dispela de i bin kamap namel long ol memba bilong Callan Services long Wewak. Callan Services em wanpela oganaisesen husat i save lukatim na helpim ol

disebel.

Mista Robert Nugue, provinzel CBR (Community Based Rehabilitation) kodineta, i tok, Papua Niugini i stap independent inap long 28 krismas, tasol yumi no save toktok long disabiliti o bagarap bilong bodi em wanem samting. Na yumi no save long wanem samting i save kamapim disabiliti.

Olsem na astingting bilong wok bilong Callan Services em long mekim laip bilong ol disebel manmeri na pikinini i kamap moa gutpela.

Longpela taim bipo mipela i tingting long redim dispela kain de bilong ol disebel na nau long Independens De samting i kamap tru.

Dispela samting i no inap kamap sapos i nogat sapot bilong komyuniti. Yut lida bilong Kunjingini Peris David Yukundu i tok, "mipela i mas soim respek long ol bratasusa bilong mipela husat i gat kain hevi o bagarap olsem ol dispela lain i kam pilai long Maprik".

Wanpela Fraide, long makim ol disebel, mipela Katolik yut bilong Kunjingini

Peris wantaim Callan Services Voluntia woka mipela i pusim wilbaro long rot na maket na askim ol gutpela manmeri long done-sen.

Disepla moni i helpim nau long baim PMV na kaikai bilong ol disebel.

Mista Jacob Guken, husat i stap planti yia long wok voluntia bilong CBR insait long Wosera, i tok, "mi givim fri taim bilong mi long ol disebel pikinini bikos mi laik soim na mekim gutpela pasin long ol.

"Mi voluntia, mi no save kisim pe, sampela taim i nogat tok tenkyu, tasol mi no wari, mi Katolik, mi soim bilip bilong mi long dispela wok".

I no gat narapela ples insait long Wosera na Maprik Taun i gat sampela bung wantaim na amamas bilong tingim betde bilong Papua New Guinea.

Ol disebel tasol i soim strong bilong bodi na spirit. Ol i pulim planti manmeri long amamasim Independens De.

Ol i resis namel long ol yet, tasol samting tru ol i winim, em Maprik Taun.



• Ol disebel meri i redi long wilsea bilong ol long resis. Moa long 100 disebel manmeri bilong Is Sepik i bung wantaim long Maprik taun long amamasim Independens de. Ol i kam long Wewak, Maprik na long Wosera long mekim dispela de i kamap nambawan de tru.

## Skaut i holim trening long Madang

Michael Novingu i raitim

LAS wik ol Skaut bilong Madang i holim wanpela trening bilong ol inap long wanpela wik ogeta long Skaut Hol long Madang.

Man i go pas long rereim na givim dispela trening Mista Morea Lohia i tok dispela kos em i bilong ol Skaut lida trening stets tri long kisim lid beids. Antap long dispela trening ol i lainim tu menesmen, publik relesens, komuniti sevis olsem klinaton, HIV/AIDS na we long lainim

ol komyuniti bilong ol long abrusim ol kainkain sik na hevi long kamap.

Long taim bilong pasim dispela trening Deputi Siv Komisina bilong ol Skaut long PNG Mista Mike Pearson i tok tenkyu long ol patispipen long kamap long dispela trening. Em i tok olsem dispela trening yu kisim igo bek long komuniti bilong yu long halivim yu yet na narapela manmeri long stretim sindaun bilong ol.

Long wankain taim tu Madang provinjal skaut Komisina Mista

James Noke i skruim tok igo moa long ol patispipen olsem dispela wok em i nogat pe, em i voluntia wok o wok halivim na yu mas rispekt long yu yet, ol narapela manmeri na soim gutpela pasin. Yu mas wokim wok bilong yu long komuniti bilong yu aninit long lo bilong skaut. Moto bilong ol Skaut em Hona long God, Pipel bilong yu na kantri bilong yu.

Mista James Noke i singaut igo long ol yangpela manmeri long joinim skaut bai igat inap han long givim sevis igo long ol komyuniti.

## Madang kalsa so i stail tru

MADANG provins i bin amamasim 28 Independens Anivesari wantaim kalsa so we nogat hevi i bin kamap.

So i soim ol kainkain kalsa na ol turis husat i kam long ovasis long lukim i amamas tru na i tok olsem dispela so emi wanpela bilong ol top so long wol.

Klostu long foapela ten (40) singsing grup i kamap long amamasim so na soim stail bilong ol long Laiwaden Oval. Ol singsing grup i kamap ol Hailans provins, Madang, Morobe, Sepik na Niugini Ailans. Na rokso i amamasim ol pipel long nait igo tulait stat long 13/09 igo inap long

16/09.

Dispela so em Smugglers Inn long Madang i sponsaim na Madang Provinzel Gavman i givim K40,000

Long apinun long 16th Septemba, 2003 Minista bilong Leba na Emploimen na Memba bilong Usino Bundi Peter Yama i pasim dispela kalsa so.

Em i tok long nainpela yia nogat so. Dispela em i namba wan taim gen i kamap. Em i tok olsem yia i kam bai so i senis i go long nem Maborasa So. Em i go moa yet na askim ol pipel long wok bung wantaim gavman bilong Madang long kamapim

gutpela sindaun na bringim ikononik sevis igo long ol pipel. Minista Yama i singaut tu long ol narapela memba bilong Madang provins long givim halivim na wok bung wantaim em na ol pipel bilong Madang na kamapim gutpela sindaun. Minista Yama i tok em yet bai givim K50,000 long yia i kam (2004) Maborasa So.

Siaman bilong so komiti Steven Francis i skruim tok i go moa na askim ol pipel na bisnis komuniti long halivim long kamapim gutpela so long 2004.

Mista Francis i tok kalsa so bilong dispela yia em i top na stail tru.



## Dukduk danis i kukim Vanimo selebresen

Ari Haba i raitim

DUKDUK danis bilong Wes Niu Britan i bin pulim moa long 1500 pipel long Vanimo Spots graun long amamasim 28 Independens Anivesari bilong Papua Niugini.

Olsem long planti hap insait long kantri ol Is na Wes Niu Britan komyuniti long Vanimo i bin kamapim bikpela singsing tumbauna wantaim ol stail danis bilong ol. Wantaim dukduk danis bilong ol ol i karim traipela kokonas basket

bilong ol na paitim strong paksait bilong ol wantaim ol bus pitpit.

Dispela kain stail danis bilong ol dukduk i namba wan stret wantaim pairap bilong kundu we ol pipel i lukim na amamas stret. Ol lidaman bilong dukduk i givim stori tu wantaim taim ol i danis.

I gat save olsem ol lain husat i laik danis dukduk em ol lain husat i bihainim stret lo bilong stap pastaim na bihain danis. Man nating i no inap danis dukduk.

Foto: ARI HABA

## Yut show long Kaugia bai kamap long dispela wiken

Fr. Janusz Skotniczny SVD i raitim

OL yut bilong Kaugia Peris insait long Wosera Distrik, Is Sepik provins, bai i holim yut so long dispela Sarere Oktober 4.

Em i namba siks taim nau ol bai soim kalsa bilong ol wantaim ol kain kain pilai bilong ol yut grup.

Bai i gat taim bilong

drama na krietiv danis na kwaia. Planti string bend tu bai i resis.

Bai i gat ol spot pilai wantaim volibal resis.

Ol yut bai i soim kristen pasin na Katolik bilip bilong ol long taim bilong Misa na Pre miting na long Baibel Kwis.

Tasol bikpela samting bilong so bilong ol em taim bilong serim samting bilong tumbuna: stori tumbuna na singsing tumbuna.

Na long mekim dispela so i namba wan na i narakain long ol narapela ol so i bin kamap bipo, ol yangpela man bai i karim kangal, em samting tru bilong Wosera.

Ol yut i amamas long invaitim olgeta manmeri long bung wantaim ol long dispela foapela de.

Na ol i tok, olgeta manmeri bai i painim samting tru bilong amamas.



# Polye tokim ol Kandep lida long strongim wok lo na oda ...Noken helpim ol paitman

MEMBA bilong Kandep na Minista bilong Sivil Eviesen, Don Polye i bin singaut long ol lida long ilektoret bilong em long lukluk gut long pasin bilong ol wanwan na helpim long strongim wok lo na oda.

Mista Polye i mekim dispela tok taim em i bin go raun long ilektoret bilong em long tupela wik i go pinis.

Em i tokim ol kaunsol presiden, viles kot mejjstret na ol arapela lida bilong ples olsem ol i mas mekim gutpela wok na pasin bai ol pipel inap long bihainim ol.

Mista Polye i tokim ol lida olsem hevi bilong lo na oda em i namba wan bikpela hevi na narapela bikpela hevi em hevi bilong rot na bris.

Em i askim ol lokel lida long strongim wok pis na gutpela sindaun taim ol i holim wok olsem ol lida na em bai lukluk long stretim ol rot, bris na ol ples balus.

Mista Polye i tok ol lida olsem em bai i no inap long lukluk gut long ol lida

husat i save givim helpim long ol paitman insait long ol bikpela pait namel long tupela ples.

Mista Polye i bin mekim bikpela senis long ples bilong em taim em i stretim ples balus long Kandep bihain long ples balus i bin sindaun nating long 15 yia i go pinis.

Em i tok olsem dispela ples balus bai helpim ol pipel bilong Kandep long kisim ol kain samting olsem ol gaden kaikai bilong ol i go aut long ol arapela hap bilong kantri.

Mista Polye i tokim ol pipel bilong em olsem nau em i wok long lukluk long silim rot long Laiagam na Kandep na stretim rot i bungim Kandep na Mendi long Sauten Hailans provins.

Em i bin bung wantaim ol pablik seven insait long distrik bilong em na tok tenkyu long ol long helpim bilong ol i go long kamapim developmen insait long distrik.



**Amamas long planim diwai - Wok bilong planim kopi em i bun stret bilong ol manmeri long Hailans, tasol nau wangepa viles long Henganofi long Isten Hailans, ol i kolim Fagonofi, i wok long planim arapela kain diwai.**

Ol i laik kamapim forestri projek bilong ol olsem na ol i smail na amamas long planim ol diwai bai ol inap long statim forestri projek bilong ol long bihain taim.

Dispela em i wangepa gutpela we long lainim ol pikinini long lukautim ol diwai.

Poto: SAPE METTA

## Sinasina pipel kisim wara saplai

OL PIPEL bilong Sinasina long Simbu provins i mekim bikpela amamas long makim nupela wara saplai projek long ples bilong ol em gavman bilong Australia i mekim.

Aninit long Komyuniti Developmen Skim (CDS) bilong AusAID, sampela lain bilong Hailans rijonel opis wantaim man i go pas long ol,

Francis Kupp, i bin go antap long Sinasina long sainim agrimen namel long ol pipel na CDS.

AusAID i givim inap long K40,000 long mekim dispela wara saplai projek.

Ol fil woka bilong CDS i bin mekim wangepa wok painimaut long sekim gutpela ples long pamim wara na ol i putim long wan-

pela pepa bilong kisim mani bilong projek we CDS long Simbu i givim tok orait long en.

Wara saplai i stap long Ku viles, wangepa ples ol i save kolim Ku model moden viles.

I gat 2500 manmeri i stap long Ku viles na planti long ol famili i stap long hap. Planti long ol i slip insait long ol pemenen haus na ol i save kisim pawa.

## MP kros long sevis

KOROBA-Lake Kopiago memba bilong Palamen, Petrus Thomas, i kros olsem ol sevis i no save go long ol rurel hap.

Em tok i luk olsem planti sevis na infrastrakta olsem rot na bris i save go long ol eben eria tasol.

Mista Thomas i tok ol sevis na infrastrakta we i stap pinis long ol rurel eria tu ino gutpela olsem ol rot na bris i bagarap.

## Ol konstraksen kampani stat long stretim Hailans Haiwe

OL KONSTRAKSEN kampani i stat pinis long wok long Hailans Haiwe long stretim ol hap rot we i gat bikpela hevi long en.

Shorncliff, Downer, TSE na Global Construction i wok long go het long stretim ol hap rot long Hailans Haiwe wantaim helpim mani i kam long nesenel gavman, gavman bilong Australia, mani i kam long Porgera join vensa takis kredit skim, gavman bilong Japan na Esien Developmen Beng.

Hailans Haiwe rot i go olsem long Isten Hailans i nogat moa hul long ol, na Kassam na Daulo Pas i orait nau.

Ol dispela kampani i wok long karim aut wok bihainim Hailans Haiwe i go daun long Morobe provins tu.

Rot long Wotara is long Isten Hailans i wok

long go het i go olgeta long Morobe na Lae siti.

Ol hap long Markham Veli i bagarap olgeta, em Global Konstraksen kampani i wok long stretim i stap.

Gavman bilong Japan i mekim tupela bris pinis long Bitija na Leron.

Haiwe i go olsem lusim Nadzab epot em i stret pinis i go inap long Yalu wara. Tasol ol dispela hap wok long Hailans Haiwe i no inap long stretim olgeta.

Las wik, olgeta memba bilong ol Hailans provins i bin sainim wangepa pepa i askim nesenel gavman long luksave long wok bilong Hailans Haiwe.

Ol memba i askim gavman long putim mani insait long baset bilong neks yia long go long dispela stretim bilong haiwe.

# Wol Tred Senta na 'Ground Zero' long Goroka

James Kila i raitim

NOKEN guria o tingting planti sapos yu harim dispela nem 'Wol Tred Senta' o 'Ground Zero' sapos yu raun long Goroka taun.

Yes, dispela tupela nem em ol yangpela na ol manmeri husat i save bungim pes olgeta taim long Kakaruk Maket long Goroka i givim long ples ol i save mekim ol liklik bisnis bilong ol long kisim mani.

'Wol Tred Senta' bilong Goroka taun em wangepa ples bilong salim buai klostu tasol long bikpela Goroka maket. Planti taim dispela ples i save pulap tru long ol manmeri husat i save go salim buai, ais-blok, salim gras kakaruk na ol narapela samting.

Dispela ples i stap daunbilo liklik long maunten na ol manmeri i putim narapela

nem gen olsem 'Ground Zero'.

Papagraun bilong dispela hap graun long Wol Tred Senta em ol lain asples yet bilong Asaroiufa viles i stap insait tasol long Goroka taun.

Ol lain papagraun i save kisim liklik toea long ol manmeri husat i go salim ol kaikai na samting long dispela Goroka Wol Tred Senta.

Ol tu i save klinim ples na mekim gut long ol manmeri i ken go na salim kaikai na ol samting long hap.

Olgeta dispela ol kain stail nem em ol i givim bihain long bikpela hevi we ol lain teroris i bin bomim Nu Yok Siti long Amerika.

Ol i bin bomim Wol Tred Senta na dispela nem i pas long tingting bilong ol manmeri olsem na ol i givim dispela nem

long dispela bikpela ples bilong mekim bisnis na salim samting long Goroka bihainim dispela nem.

Tru tumas, dispela Wol Tred Senta long Goroka i gat kain kain ol samting i stap.

Sapos yu laik baim ol samting bilong stua, yu bai painim long hap.

Ol mama tu i save kukim kaikai na salim ol lem fleps mit long sait. Yu bai ino inap hangere sapos yu raun long dispela Goroka Wol Tred Senta.

Sapos yu raun long Goroka Wol Tred Senta yu bai lukim ol sampela yangpela man i karim ol siot na trausis na singaut singaut na salim.

Prais bilong ol dispela samting em daunbilo tru na i no wankain olsem prais bilong stua.

**Caterpillar's timely response to the demands of forklift operators - and owners alike.**

**1.5 ton to 3.5 ton**

Caterpillar's new series of forklifts respond both to the needs of operators for comfort and convenience and to owners' demands for high productivity. Even in the most demanding applications, indoors or outdoors, the new Cat forklifts can do anything and do it better.

The reasons become obvious when you compare the new series against any machines of similar rated size. By any and every measurement, they come out years ahead in performance, response and dependability.

**Hastings Deering**



PORT MORESBY  
Phone: 300 8300  
Fax: 325 0141

LAE  
Phone: 472 2355  
Fax: 472 1477

TABUKE  
Phone: 548 9045  
Fax: 548 9155

RABAUL  
Phone: 982 1244  
Fax: 982 1129



# Roteri helpim Galp

## 30-pela bet, 100 desk na ol buk

OL sikman long Kerema Distrik Haus Sik bai slip gut nau bhain long Roteri Klap bilong Pot Mosbi i givim ol tripela ten bet bilong haus sik.

Roteri em i wanpela ogenaisesen we i save lukaut long sindaun bilong ol pipel na i gat ol han long planti kantri.

Roteri Klap long Pot Mosbi wantaim wanpela lokel kampani we i save mekim raba, Galley Reach Holdings, husat i helpim wantaim trak bilong ol, i karim ol bet wantaim 100 skul desk na ol boks pulap wantaim buk tu i go long dispela distrik long helpim ol skul long hap.

Ol bet i bin kam long Roteri Klap Pot Mosbi long ol narapela Roteri Klap long Germeni.

Sampela bet ol i salim i go pinis long Wewak Haus Sik long Is Sepik provins na Cheshire Home long Pot Mosbi yet.

"Dispela em i soim gutpela piksa

bilong we Roteri i save wok," Presiden bilong Roteri Klap Pot Mosbi, Dick McCarthy, i tok.

"Bikos ol bet i save sot long Kerema Distrik Haus Sik, dispela donesen i go long ol em i bikpela samting tru, donesen tu bilong ol desk na ol buk i bai helpim long kamapim gut moa o sans bilong ol sumatin bilong Galp long skul gut," em i tok.

Mista McCarthy i tok olsem bikpela tenkyu i mas go long Galley Reach Holdings long helpim bilong ol na tu long ol wokman bilong Roteri long ol rurel hap.

Roteri Klap Pot Mosbi yet i mekim ol desk wantaim helpim bilong ol lokel kontrakta. Ol i givim pinis 2500 desk i go long ol skul long Papua Niugini.

Mani bilong ol dispela kain wok i save kam long fanraising bilong ol memba na ol donesen i kam long ol Roteri Klap long ovasis.



• Ol pipel bilong Abia Oreke i karim Mista Mona i go long opim nupela komyuniti skul klostu long Bereina Stesen.

SENTREL provins yut lida na memba bilong Provinsel Asembli, Daniel Mona, i opim Abiara Oreke Komyuniti Skul long Bereina gavman stesen long Independens wiken.

Mista Mona i makim gavana bilong Sentrel provins, Alphonse Moroi, husat i no bin inap long go.

Dispela skul em stap long nambis bilong Bereina na wok long skul i bin stat long yia 1991 we wok hat bilong ol manmeri wantaim ol komyuniti lida i kamapim dispela skul.

Mista Mona i tokim ol manmeri olsem em i amamas tru long hat-wok bilong ol. Em i tok skul em i bikpela samting na ol papama ma i mas lukautim ol haus bilong skul na ol tisa long givim save long ol sumatin bilong ol.

Em i tok Sentrel provins gavman i putim infrastrukta olsem

rot na bris olsem nambawan wok bilong ol, bhain long infrastrukta em agrikalasa, edukesen na helt.

Mista Mona i tok rot long provins i stap na ol yut i mas wok long gaden long kisim kaikai i go long Mosbi long salim long kisim mani.

Em i tok pasin bilong askim long mani nating long gavman i mas stop na ol manmeri i mas wok long graun bilong ol.

"Papua Niugini i kisim Independens long 28 yia i go pinis nau na ol pipel long Kairuku na Sentrel provins i mas sanap long tupela lek bilong ol na wok bung wantaim," Mista Mona i tok.

Em i tok amamas long Katolik Sios insait long Bereina Daiosis long wok bilong ol long skul na haus sik.

Mista Mona i tok amamas tu long Pater Peter Miria husat i kam olsem mausman bilong


Bisop bilong Bereina na Katolik Edukesen Sekreteri, Joe Amenai.

Em i tok olsem Gavana Moroi i bin sapotim Bereina Pramerai Skul wantaim tupela dabol klasrum long K57000 na K3000 long pinisim narapela klasrum tasol nogat wok i kamap. Em i tok ol bai kot long Pablik Akauns Komiti long provinsel gavman.

Pater John Naime i tok amamas long ol pipel bilong em long wok ol i mekim long kirapim wok bilong skul na tok gavman bai helpim ol pipel husat i wok hat.

Em i amamas long bikpela singsing grup na welkam ol yut, mama na ol pipel i mekim long welkamim ol mausman bilong Gavana Moroi.

Mista Mona i opim klasrum na ol pipel i kilim tupela pik na givim wanpela i go long em.



**Noken tingim mi, tingim Richard** • Bipo top rana bilong Briten, Steve Ovett, i givim toktok long wanpela bung bilong Papua Niugini Etlektiks Yunion (PNGAU) long resim mani bilong neks Saut Pasifik Gems long Samoa.

Planti man i amamasim em, tasol em i tok ol i mas tingim olsem em i kam long wokabaut long Kokoda Trek long resim mani long ol lain husat i gat sik kensa long BloomHill Kensa Kea Senta Help Senta long Brisbane, Australia.

Mista Ovett i statim wokabout bilong em pinis long Sande wantaim 3-pela arapela man Australia na wanpela meri PNG. Dispela wokabaut em i driman bilong gutpela poro bilong Mista Ovett, Richard Thompson, wanpela man husat i gat kensa na i bin sik ken bipo long ol i bai kam long hia long mekim dispela wokabaut.

Mista Ovett na ol poro bilong em i tok ol i bai mekim dispela wokabaut long nem bilong Richard. Foto: PNGBD.COM

MINISTA bilong Sosel Dvelopmen na Welfea. Ledi Carol Kidu, i wok long tok strong long ol trenspot atoriti long stretim ol hevi bilong ol manmeri long Pot Mosbi husat i save yusim PMV (Pablik Moto Vihikel) bas long i go kam.

Ledi Kidu i tok i gat wanpela bikpela nid long kamapim wanpela ekspres bas sevis o wanpela bas sevis we i save wok hariap na gut long Poreporena Friwe.

Ledi Kidu husat em i Memba bilong Palamen bilong Mosbi Saut elektoret i raitim wanpela pas pinis i go long dipatmen bilong Trenspot long askim ol long senisim ol rut ol PMV i save kisim taim ol i ron.

Em i tok olsem ol pipel olsem ol dispela long hap bilong Konedobu i save kisim 3-pela bas long kamap long Waigani na baim pe bilong bas 3-pela taim.

Ledi Kidu i tok olsem wankain samting i save kamap long ol pipel husat i save kisim PMV long Waigani i go long Konedobu.

"Sapos ol i wokman em ol i save baim 3-pela pe bilong bas, tupela taim long wanpela de olgeta wik," em i tok.

Em i tok olsem nau yet lo i tok ol bas i no inap ron long friwe long wanem nogot ol i givim hevi long ron bilong ol narapela kar.

Tasol em i tok em i laikim wanpela rut we ol PMV i ken kisim ol pasindia long taun i go long Konedobu plis hetkwata na bhainim friwe i go long Waigani Draiv we ol i ken lusim ol pasindia long Waigani eria na ron i go ken long Godens long lusim ol narapela pasindia.

"Sapos ol trak karim ol kontena i ken ron long friwe, mi no lukim wanpela as long stopim ol PMV long ron tu," em i tok.

# Wouldn't you rather buy a Toyota?

FORGET ABOUT THE REST BUY THE BEST!

# HILUX

DOUBLE CAB 2WD 2.4L DIESEL

*Drive Away Price!*

## K68,938

PRICE INCLUDES 10% VAT & ON ROAD COSTS WITH A FREE AIR CONDITIONING.

## Ela Motors

TOYOTA

15 BRANCHES NATIONWIDE

PORT MORESBY PH 3229400 LAR 4781800 KOKOPO 9829100  
 MADAMU 8522188 GOROKA 7321644 MT HAGEN 5421888  
 WEWAK 8562255 KAVIENG 9842788 KIMBE 9835155  
 TABURIL 5489060 VANIMO 8571254 PORGERA 5479367  
 BUKA 9739915 LILIN 9864099 ALOTAU 6410100

www.elamotors.com.pg

OFFER EXPIRES 11th OCTOBER, 2003.

15 BRANCHES NATIONWIDE

40 YEARS TOYOTA EXPERIENCE IN PNG

THE ONLY QUALITY ASSURED DEALER IN PAPUA NEW GUINEA

EXTENSIVE RANGE OF PASSENGER, COMMERCIAL & 4WD VEHICLES

TOYOTA HISTORY DURABILITY, RELIABILITY AND RESALE VALUE

TOYOTA GENUINE PARTS & QUALITY SERVICE NATIONWIDE

# Sigabai bris bai helpim Bogenvil pipel long salim kaikai

OL MANMERI bilong Buin long Saut Bogenvil bai inap long kisim ol gaden kaikai bilong ol i go long maket long salim bihain long wanpela nupela bris long Sigabai i op long las wik.

Gavman bilong Australia i bin mekim dispela bris aninit long Bogenvil Coastal Trunk Road Maintenance Projek bilong ol.

AusAID, wanpela aid ejensi i bin karim aut dispela wok long mekim dispela bris long Sigabai wantaim helpim i kam long ol wokman bilong Bogenvil provin-sel gavman, ol lokal komyuniti grup na Barclay Mowlem-QCPP join vensa.

Ekting Bos bilong AusAID

insait long PNG, Jane Lake, i tok olsem dispela bris i pinis na nau bai i givim bikpela helpim long ol pipel long Sigabai.

"Nau bris i stap na em bai isi tru long ol manmeri long go kamap long Kangu nambis. Olsem na ol bai inap long salim ol samting bilong ol i go long sip na i go stret long ol ovasis maket," Mis Lake i tok.

Em i tok olsem prais bilong mekim dispela bris i no bikpela tumas bikos planti hap long dispela bris i bin stap pinis long han bilong Bogenvil provin-sel gavman long bipo yet.

Em i tok tu olsem AusAID i skruim dispela rot mentenens

projek i go long neks yia bai ol inap long karim aut wok long rot long Not Wes Bogenvil na long Buka Ailan tu.

Dispela bai inapim stret 480 kilomita rot i stap aninit long lukaut bilong dispela AusAID projek. Bai ol i lukluk tu long stretim sampela moa bris na ol bikpela paip wara aninit long rot.

AusAID bai lukluk long givim K20 milien moa i go long stretim ol bris long Buka na Kangu bilong ol sip long kam sua.

Dispela bai helpim ol pipel bilong Bogenvil long mekim bisnis wantaim ol sip i kam na i go aut long Bogenvil.



• Narapela projek we AusAID i stretim stap em Buka ring rot. Dispela rot i bagarap tru na sapos ol i stretim em bai helpim ol lain manmeri long Buka.

## Ol sumatin go long haus bihain long eksem

WANPELA olpela bod memba bilong Kokopo Sekenderi Skul (KSS) long Is Nu Briten i no amamas long skul i salim ol sumatin i go bek long ol haus bilong ol las wik.

Dispela olpela bod memba, Michael Hoimi, i tok olsem dispela pasin i bin kamap bikos ol sumatin i no baim ol projek fi.

Mista Hoimi i tok olsem olgeta pikinini i gat rait long edukesen na skul i noken rausim ol nating.

Tasol prinsipel bilong Kokopo Sekenderi Skul, Patrick Jerome, i tok olsem ol dispela tok bilong Mista Hoimi i no tru.

Mista Jerome i tok ol sumatin i bin sindaun long ol eksem bilong ol we i bin pinis long las Trinde na skul i tok orait long ol i go long ol haus bilong ol.

Em i tok skul i no rausim rait bilong ol pikinini long edukesen.

Long planti ol arapela skul long kantri ol sumatin i wok long go long haus bihain long ol eksem bilong ol.

## Kaputin bai resis long ACP opis

OLPELA Memba bilong Palamen bilong Rabaul, Sir John Kaputin, bai resis long kisim opis bilong Sekreteri Jenerel bilong ogenaesen Afrika Karibien na Pasifik (ACP).

Man husat i holim dispela opis nau yet bai pinis long Febueri 2005.

Nesanel Eksekutiv Kaunsil (NEC) i tok orait na givim sapos bilong ol long Sir John long resis long kisim dispela opis las Fraide.

Dispela em i nambawan taim Pasifik rijen bai resis long kisim dispela opis.

14-pela kantri bilong Pasifik rijen husat i

kamapim Pasifik Forum i kamapim tu Pasifik han bilong ACP.

Praim Minista Sir Michael Somare i tok gavman i makim Sir John long resis long dispela opis bikos em i save mekim bikpela wok long strongim prensip bilong PNG na Yurop.

## Nu Ailan gavman bai strongim ol teknikel na vokesenel skul

NU AILAN provin-sel gavman bai lukluk long kamapim na strongim wok bilong ol teknikel na vokesenel skul i stap aninit long lukaut bilong ol sios.

Nu Ailan provin-sel gavmana, Ian Ling-Stuckey i tokaut long las wik olsem provin-sel gavman bai lukluk long ol dispela kain skul na sekim sapos ol inap long senisim ol i go long ol gavman skul.

Em i tok olsem sapos provin-sel gavman i go het wantaim dispela samting, ol skul bai stap yet aninit long lukaut bilong ol sios, tasol ol bai inap long kisim ol sumatin husat i no inap kisim posisen long ol arapela gavman skul.

Mista Ling-Stuckey i tok olsem namba bilong ol sumatin insait long Nu Ailans provins i wok

long go antap na i nogat inap ples bilong ol long go skul long en.

Olsem na em i tok sapos Nu Ailan provin-sel gavman i laik statim ol nupela skul, em bai hat liklik na bai kisim longpela taim long mekim.

Mista Ling-Stuckey i tok wanpela rot em bai provin-sel gavman i paitim toktok wantaim ol sios na painim rot long kisim developmen i go long ol dispela skul na wok bung wantaim bai ol sumatin insait long provins bai i no inap painim hat long kisim posisen long ol skul.

Mista Ling-Stuckey i bin mekim ol dispela toktok taim em i toktok long ol tisa na sumatin bilong Mongop Hai Skul long Is Kos Kara Nalik long Kavieng ilektoret bilong em.



• Amamas. Ol tisa na sumatin bilong wanpela skul long Sentrel Nu Ailan i amamas bihain long ol i kisim K5000 long Nu Ailan Gavana, Ian Ling-Stuckey. Mista Ling-Stuckey i wok long raun na toktok long ol skul long provins aninit long ol Komyuniti Developmen kibung bilong em. Foto: ALOIS ROBIN

## Ol SDA skul long Nu Ailan kisim sabsidi

OL SEVEN De Adventis (SDA) skul long Nu Ailan i kisim helpim long ol edukesen skul sabsidi inap long K70,000 i kam long Nu Ailan provin-sel gavman.

Dispela mani bai helpim 628 sumatin i skul long 11-pela SDA skul wantaim ol top ap skul long Webster insait long Kavieng taun na Boliu long Mussau ailan.

I gat 22 tisa olgeta i tis long ol dispela 11-pela skul.

Memba bilong Nu Ailan provin-sel gavman i makim maus bilong ol sios long provin-sel asembli, Mitchel Aipau, i tilim aut pinis olgeta sek mani long dispela ol sabsidi i go long wan wan skul.

Mista Aipau i tok klia olsem ol skul husat i kisim ol dispela sabsidi em Boliu (K16,286); Webster (K14,634); Rongoe (K10,480); Konkavul (K5700); Ediwa (K4,760); Palakau (K4020); Loaua (K3710); Lovarang (K3160); Lomana (K3100), Loma (K2170); na Saio (K1980).

Mista Aipau i tok olsem em i namba wan taim we provin-sel gavman i givim ol skul sabsidi i go stret long ol skul i stap aninit long lukaut bilong ol sios.

Em i tok olsem ol dispela skul bai wok wantaim provin-sel gavman long kamapim gutpela wok bung wantaim na long strong wok edukesen insait long ol skul insait long provins.

## Kavieng kamap hetkwota bilong was long rip

KAVIENG taun long Nu Ailan provins i kamap Papua Niugini hetkwota bilong ol lain husat i save was long ol rip long solwara, nem bilong ol Reef Check.

Dispela grup i save was long ol rip long solwara long olgeta hap long wol. Het opis bilong ol i stap long California (US), tasol ol i gat wan wan opis long ol kantri we ol i save ol bikpela rip i stap gut yet na i no bagarap.

Ol i mekim Kavieng olsem hetkwota bilong ol insait long PNG bikos ol rip long solwara raurim Kavieng na Nu Ailan provins i no bagarap yet, na bikos

Nu Ailan i stap long wanpela hap we ol kain kain kaikai bilong solwara i pulap i stap.

Dokta William Kienie na Profesa Gregor Hodgson, husat i save lukautim wok bilong Reef Check long olgeta hap long wol, i bin go long Kavieng long opim opis bilong ol long hap.

John Aini, wanpela man Kavieng yet, em i Kantri Kodineta bilong Reef Check insait long PNG.

Reef Check i bin stat long 1995 olsem wanpela grup bilong was long ol rip long wol.

Nau Reef Check i stap na wok long moa long 60 kantri long wol.

Wok ol i save mekim em long skulim manmeri bilong pablik long ol rip na we long noken bagarapim ol kilim ol rip.

Ol i save kisim ol manmeri husat i laik helpim ol long wok bilong ol tu, na ol i save helpim komyuniti long lukautim ol solwara rip bilong ol.

Planti grup nau i save wok long helpim ol manmeri long luksave olsem ol i mas lukautim solwara. Ol Yunivesiti ov Papua Niugini sumatin long tupela wik i go pinis i bin lonsim wanpela buk tu we skulim ol manmeri long kalsa bilong painim pis na lukautim solwara.

## Kimbe skul holim stail kalsa so

KIMBE Intenesenel Skul long Wes Nu Briten i holim wanpela De ov Intenesenel Kalsa Selebresen.

Dispela em i olsem de we ol i amamasim kalsa bilong ol kainkain kantri long de bipo long 28 Indipendens bilong Papua Niugini.

Moa long 300 pipel i kamap long dispela de we i soim ol kalsa bilong ol narapela kantri tasol tu i soim ol kainkain kalsa bilong Papua Niugini yet.

Skul i kamapim dispela de long pinisim wanpela stadi olgeta klas long skul i wok long mekim long kalsa.

Long dispela de i bin gat ol singsing na samsam i kam long ol grup bilong ol narapela Pasifik Ailan na ol danis ol i save kolim Haka i kam long wanpela grup bilong Nu Zilan. Planti ol skul i wok long luksave nau olsem kalsa em i bikpela samting.



Ol ripot bilong Wimen's Raits Konfrens em Barbara Tomi i raitim

# Kirapim ol skul bilong ol meri na ol manki tasol

PLANTI meri i save lusim skul bilong wanem ol papamama i no gat mani long salim ol i go long skul.

Planti taim, sapos famili i gat pikinini man na meri i go skul, bai ol i larim meri i stap bek long haus na baim skul fi bilong pikinini man tasol long go skul.

Long stapim dispela kain pasin, apim namba bilong ol pikinini i go insait long ol skul long primeri i go long teseri na review mak o kriteria bilong seleksen na mekim olsem i mas gat wankain namba bilong ol pikinini man na meri i enrol long skul.

Wanpela Katolik Sista husat em i wok longtaim long kaintri olsem hai skul tisa na nau em lukautim Nesenel Kristen Edukesen bilong Katolik Bisop Konfrens Sista Helen Warman i tok gavman i mas tingting long kamapim sampela skul bilong ol meri na man tasol, na i no miks.

Em i tok long save

bilong em olsem wanpela tisa (em i bin tis longpela taim long Hagita Hai Skul long Alotau, Milen Be provins) ol skul bilong ol meri tasol i save wokim gut tru. Bikos em skul bilong ol meri tasol, ol i save mekim olgeta samting long strong bilong ol yet na ol i save mekim gut moa i no olsem ol narapela skul meri i skul wantaim ol manki.

Piksa em givim em taim i save gat ol skul kanivel o debit o paitim tok resis namel long ol hai skul long Milen Be provins, em i lukim olsem ol meri long Holy Name Skul i save mekim gut tru na ol meri long skul olsem Hagita bai ol i tok maski larim ol manki i stap insait long dispela resis.

Em i tok skul bilong ol meri tasol i save givim ol meri strong na kirapim tingting bilong ol long stadi na luk-save long sans bilong ol long kisim save.

Sista Helen i tok singaut bilong em long

gavman i mas kamapim sampela skul bilong ol manki tasol na skul bilong ol meri tasol we olgeta pikinini bai i gat sans long skul na kisim save.

Dispela kain tu bai daunim pasin we ol mangi i save bagarapim na daunim ol wan-skul meri bilong ol.

Bipo i bin gat planti skul bilong ol manki na ol meri tasol. Planti nau i wok long kisim ol meri na manki olsem Bugandi long Lae, Morobe provins, Matyrs Memorial long Popondetta, Oro provins na Holy Name long Dogura, Milen Be.

# Kamapim posisen bilong kaunsela long ol skul

OL meri i stap insait long Wimen's Raits Konfrens tupela wik i go pinis i singaut long ol bikman meri insait long Edukesen Dipatmen long putim kamap wanpela posisen bilong ol kaunsela long ol skul.

Ol i tok kaunseling i mas stap insait long karikilam bilong Edukesen long olgeta level, start long ol primary skul i go inap long ol univisiti na teknikel skul.

Planti ol meri olsem Mary Toliman husat i go pas long Gender Equality wantaim


Edukesen Dipatmen na wanpela tisa Mary Udu bilong Pom Grammar skul i tok kaunseling em i wanpela bikpela wok na ol tisa tasol i no inap long mekim, i mas gat ol lain i gat save long dispela wok i mas mekim.

Ol i tok ol kaunsela long ol skul bai helpim ol manki na ol meri long makim wanem kain stadi ol ken mekim long kisim wok ol i laikim bihain taim na tu sapos i gat sampela hevi, em ol dispela kaunsela i ken lukluk long en na traime long stretim long rot bilong rul bilong skul.

Sampela tok piksa em sapos ol wanpela manki i mekim trabel long skul, dispela hevi bai kaunsela bai stretim wantaim dispela manki na bihain bai em i toksave long ol tisa na papamama.

Ol i kain pasin bilong dring bia, smok na pait namel long ol sumatin i bikpela long ol skul na sapos i gat ol kaunsela i stap bai ol i ken toktok wantaim ol wanwan pikinini i save mekim dispela kain ol pasin na soim ol rot we ol i ken bihainim long stapim ol dispela rabis pasin.

## Kisim trening long save gut long ripot long ol stori bilong ol meri



• Anna Solomon.

OLPELA Edita na bos bilong *Wantok Niuspepa* Anna Solomon i tokim ol meri long ol i mas kamapim ol lobi grup na save long yusim midia (em ol niuspepa, radio na Telivisen) long autim ol wari bilong ol.

Misis Solomon tu em i wanpela olpela niusmeri na i ritaria pinis i tok ol meri lobi grup i mas save gut long yusim midia long winim sapot bilong

publik long strongim ol toktok bilong ol.

Em i tok long las mun tasol wanpela bikpela samting i bin kamap long kantri, em long aweanes bilong Limited Preferensel Voting sistem na we bilong vot.

Misis Solomon i tok ol meri i no mekim sampela askim o raitim pas long edita long ol niuspepa na putim ol askim bilong ol long we bilong dis-

pela sistem bai wok.

Em i singaut tu long ol nius man na meri long kisim gutpela trening long ripot ol stori bilong ol meri gut.

Em i tok stori bilong ol meri em i no long wimen's felosip na fan resing tasol, i gat ol bikpela isu i save sut long rait bilong ol meri we ol midia ripot i no save karamapim long ol radio, niuspepa na TV.



## SAMPELA TOK TRU BILONG SIK TB

### SAVE I KEN ABRUSIM BIRUA!!

Sik Tubakolosis o TB emstrongpela kus i stap longtaim na skin lus i wanpela bikpela sik i save kilim planti manmeri na pikinini insait long Papua Niugini long olgeta yia.

Tasol gutpela nius i olsem, yumi ken oraitim sik TB wantaim marasin. Sapos yumi luksave gut long sikTB na we long kisim marasin, yumi inap long stopim sik TB.

### • SIK TB I SAVE KAMAP OLSEM WANEM?

Ol liklik binatang i save kamapim sik TB. Sik TB i stap long win yumi save pulim. Sik TB i save kalap long narapela manmeri taim husat i gat sik TB i kus, pulim win na spet. Olgeta wanwan man meri o pikinini long wanhaus lain haus inap kisim sik TB sapos ol i stap wantaim man i sik wantaim TB husat i no kisim marasin long daunim ol binatang bilong sik TB.

### • SIK TB I SAVE KALAP ISI TRU LONG NARAPELA

Sik TB inap kalap isi tru long narapela taim husat i gat sik TB i mekim olsem.

- Kus na i no karamapim maus.
- Ples bilong ol narapela maus.
- Nais i save apat wantaim graun.

### Pasin bilong stopim TB

- Olgeta sik TB man meri o pikinini i mas karamapim maus bilong ol taim ol i kus na rausim win.
- Noken spet. Dispela bai halivim long stopim ol arapela sik wantaim sik TB.
- Yumi mas save olsem i mas i gat win i kam insait long haus ol long ples bilong wok. Binatang bilong sik TB bai dai kwik sapos windo i op na planti win i kam insait long haus o ples bilong wok, na tu strongpela san inap kilim binating bilong sik TB.
- Ol pikinini i no inap kisim sik TB sapos ol i kisim bebi sut. Olgeta pikinini mas kisim bebi sut bilong TB taim mama i karim ol.

### Ol sain bilong TB

Ol bikpela sain bilong TB em:

- Kus i stap inap tripela wik na i no save pinis wantaim marasin.
- Kus wantaim blut.
- I no laikim kaikai na i kamap bun nating.
- Ol solap long nek o anilit long han i no save kamap orait wantaim marasin.
- Sapos i gat sampela lain long famili i isupes long ol liklik yet.

SAPOS WANPELA MAN, MERI O PIKININI I GAT OL DISPELA BIKPELA SIK TB, I MAS KAMAPIM MAUS BILONG OL TAIM OL I KUS NA RAUSIM WIN. OLGETA WANWAN MAN MERI O PIKININI LONG WANHAUS LAIN HAUS INAP KISIM SIK TB SAPOS OL I STAP WANTAIM MAN I SIK WANTAIM TB HUSAT I NO KISIM MARASIN LONG DAUNIM OL BINATANG BILONG SIK TB.



Kuk Kona wantaim MERI WANTOK

Dispela em wanpela isi we long kukim cabbage we bai em teist nais tru

### Yu mas i gat:

- 30g bata
- 240g anian
- 1-pela pinga galik
- hap kap o 125ml kakarul stok
- 500g pis (i no inap long baim stret long maket, baim long frisa long stoa

### We long kukim:

- Katim ol anian i go longpela na liklik na memeim galik wantaim naip
- Hatim bata long frai pen na kukim anian na galip inap ol i malumalu
- Kapsaitim kakaruk stok i go insait na bihain putim ol pis
- Daunim paia na larim i boil isi isi inap 10 minut.

Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.

Meri Wantok i laik save sapos yupela i save laikim ol stori mipela i save printim. Rait i kam long Meri Wantok, Word Publishing Company, P O Box 1982, Boroko, NCD o ring i kam long telipon 3252500 na toktok long Veronica Hatutasi o Barbara Tomi. Yu ken salim ol stori tu long feks namba: 3252579 o email: word@global.net.pg.



Fr. Paul Liwun SVD



TAIM yumi harim sampela lain i kam long lukim yumi, bel bilong yumi i save amamas tru. Na yumi save amamas moa sapos husat i kam em i wanpela bikpela man o man i gat namba long laip bilong yumi.

Tasol sampela taim tu yumi save wari long kain kain samting olsem wanem kain kaikai o dring o presen bai yumi givim long ol.

Ruth, em i wanpela meri i wok long wanpela bikpela siti. Long ples bilong em, ol pos opis man i save kam long haus na bringim ol pas na lusim long leta boks long fran bilong haus bilong ol.

Wanpela Sarere apinun, taim em i kam bek long wok, Ruth i lukim wanpela envelop i stap long leta boks bilong em. Pas ya, i nogat stemp, nogat stemp bilong pos opis tu.

Em i tingting planti, husat i salim dispela pas. Taim em i opim, em i bin ridim olsem:

"Dia Ruth, nau apinun bai mi raun kam long lukim famili klostu long haus bilong yu. Na mi laik stop long haus bilong yu tu long stori liklik wantaim yu.

Laikim yu, Jisas

Taim em i ridim dispela pas, em i seksek tru. Em i putim pas antap long tebol na i tok: "Bilong wanem Jisas i laik kam na lukim mi. Mi nogat samting long givim em long dring o kaikai."

Em i hariap na sekim mani bilong em. Em i gat K5.75 tasol i stap. Wantaim dispela liklik moni em i go long stoa na baim liklik bret na dring long givim long Jisas. Taim em i wokabaut i kamap long haus bilong em, em i bungim tupela marit i lapun pinis i wokabaut long rot na stopim em na tokim em olsem: "Meri inap yu helpim mipela? Mi pela i no bin kaikai inap long faipela de i go pinis. Inap yu givim mipela liklik kaikai?" Ruth i wari na i tokim ol olsem, "Sori, mi nogat kaikai. I gat liklik bret na dring hia tasol em i bilong spesel visita bilong mi."

Tasol taim em go na tanim bek, em pilim sori na i tok: "Yupela ken kisim dispela bret na dring. Mi bai painim narapela samting na givim long visita bilong mi". Na taim em i lukluk i go long meri, em i pilim sori tru, bikos kol win i bagarapim em stret. Olsem na Ruth i tok: "Yu ken kisim dispela jaket bilong mi". Tupela marit i amamas na tok tenkyu na lusim Ruth.

Nau Ruth i wari tru, wanem samting bai em i givim long Jisas? Tasol taim em i kamap long haus, em i lukim wanpela pas gen long leta boks bilong em. Em i kisim envelop na i nogat stem tu. Em i opim na rit:

"Dia Ruth! Mi amamas long lukim yu ken. Tenkyu tru long bret na dring. Tenkyu tu long naispela jaket bilong yu.

Laikim yu oltaim, Jisas

• Tingim gut. Taim yumi dai, God bai kotim yumi bihainim wanem samting yumi bin mekim long ol brata susa bilong yumi.



### "Ol aposel i olsem ol sospen graun"

God i bin sori long mipela na i givim dispela wok long mipela, olsem na mipela i no save slek long mekim dispela wok. Nogat. Mipela i givim baksait pinis long olkain pasin nogut ol man i save hait na mekim. Mipela i no save wokabaut long pasin bilong giaman. Na mipela i no save senisim tok bilong God. Nogat. Mipela i save autim tok tru long ples klia, bai olgeta man i ken skelim pasin bilong mipela na long bel bilong ol, ol i ken save olsem mipela i mekim stretpela wok long ai bilong God.

2 Korin 4: 1 - 3

## Het Bisop tokim ol yut long holim strong bilip na wok

HET Bisop bilong Evanjelikel Luteran Sios bilong PNG (ELCPNG) Dokta Wesley Kigasung i bin tok strong long ol yut husat i memba bilong sios long sanap strong long bilip na kamap olsem lait long ol narapela.

Dokta Kigasung i bin wokim dispela toktok long namba 11 bung bilong ol yut we i kamap nau long Laloki Hai skul klostu long Pot Mosbi.

Moa long 500 yut i kamap long bung na Dokta Kigasung taim em i tok amamas long ELCPNG Sauten rijen seket long lukautim long namba wan taim.

"Yupela i mas sanap strong long bilip na bihainim filosofi o ol

bikpela lo bilong Luteran Sios.

"Yupela i mas soim lait bilong yut i go long ol arapela sios memba.

"Tu yupela i mas wok strong long rausim ol kain korap pasin na gutpela samting i mas stap long stiaim ol manmeri bilong God," Dokta Kigasung i bin tok.

Sampela ol bikman bilong sios, gavman na ol arapela moa i bin kamap long opening bilong konfrens na olupela Sief Jastis Arnold Amet i wanpela long ol.

16-pela ELCPNG yut grup long Morobe, Madang, Hailans, Papua distrik na ol arapela hap bilong kantri i stap long dispela kon-

frens.

Sampela long ol em Simbai, Emanuel, Madang, Hagen, Goroka, Kote, Mumeng, NGI, Ukata, Yabim, Boana, Papua, Jiwaka, Karkar na ol arapela moa.

Sampela ol yut long Madang na Morobe i bin taitim wokabaut i kam long rot long bikpela konfrens bilong ol we i kamap nau long Laloki Hai skul klostu long Mosbi siti. Dispela em bikos i gat hevi long sait bilong trespot.

Ol yut bilong Madang, Mumeng na Ukata Distrik i bin katim bus na bihainim Kokoda i kam olgeta long Mosbi.

### Sanap strong

OLPELA Sief Jastis Arnold Amet long toktok bilong em long ol Luteran Sios yut i bung long Laloki i bin tokim ol olsem sapos ol i laik kamap ol gutpela lida, ol i mas givim ol yet long wok na dau-nim ol yet.

"Olsem Jisas Kraus em Pikinini bilong God i karim hevi na pilim pen na wok hat tru long sevim ol manmeri bilong graun," em i bin tok. Sir Arnold tokim ol yut long noken tubel na ting olsem ol i man nating. Ol i mas sanap long tingting na plen bilong Bikpela.

## Konfrens kisim sapot

NESENEL Yut konfrens bilong ol ELCPNG yut i kamap long laloki ausait long Mosbi siti long dispela wik i bin kisim helpim long sampela ol bikman na grup insait long siti.

Olpela Praim Minista Sir Mekere Morauta i bin givim K200 long helpim go hetim dispela konfrens.

Ol Luteran Sios memba long Palamen i bin givim K3,000 we Siaman Michael Mas i bin prisenim i go long ol bikman bilong konfrens. Sosei Welfea na Dvelopmen Dipatmen i bin givim K1,000 na prisenim i go long siaman bilong konfrens.

Ol Luteran kongrike-sen insait long Mosbi i sapotim gut tru konfrens wantaim mani na tu, long kukim kaikai na helpim ol long ol narapela samting we ol i laikim long konfrens inap long bung bai pinis long dispela Sarere Oktoba 4.

Nazarin sios i bin sapotim tu konfrens taim em i givim ol tent o kenvas haus i go long ol.

Ol SDA yut na ol arapela Kristen sios yut memba i sapotim ol ELCPNG yut na ol bin bung na toktok wantaim ol long kamapim wanbel pasin na rot bilong stretim hevi long level bilong ol.



• Ol yut bilong Goden Luteran Sios i soim laik bilong ol long Bikpela long 1982 long dispela wokabaut long Pot Mosbi. FAIL POTO

## SDA sios mekim wok long Raikos

### Ari Haba i raitim

SEVEN De Adventis sios (SDA) long Madang i surukim wok misin bilong em moa yet na nau ol i mekim wok long Raikos distrik.

Ol i mekim wanpela senta bilong ol long ples Saure, namba tri Raikos. SDA i kamap long dispela ples 7-pela yia i go pinis. Dispela i mekim na ol 7-pela arapela ples long Tapen i laikim bai misin i mekim wok long hap bilong ol tu.

Tapen em we het kwata bilong Luteran sios i stap long en. Na i gat skul, sab-helt senta na ples balus. I nogat rot bilong ka na olsem i hat long ron long ka. Tapen em

i stap antap long het bilong maunten na long nambis i gat ol ples olsem Malalamai, Bonga, Kali, Ronji, Saure, Seli, Yakomi na Rur.

SDA i bin mekim wokabaut bilong em long las yia Oktoba na Novemba na ol i painim aut olsem ol pipel i laik harim tru tok bilong God. Ol dispela hap i save stap aninit long lukaut bilong Luteran sios. Nau ol i laik lusim Luteran sios na kamap memba bilong SDA sios.

Nau yet sampela elda bilong SDA sios i stap pinis long Tapen long givim skul long ol manmeri long ol i ken kisim baptais.

Sampela ol lidaman bilong Raikos i tok

i gutpela long ol man i kisim tok bilong God i go na ol manmeri i harim na bihainim tasol long pulim ol man i go insait long narapela lotu em ol dispela lotu i mas mekim wantaim kimpela pasin.

"Wok bilong sios i no bilong wok politik bilong sios o tok baksait tasol long mekim wok stret bilong God. Ol sios i mas helpim ol manmeri long painim gutpela laip na sindaun gut wantaim bel isi," sampela ol komyuniti lida i tok.

Ol i tok tu olsem bipo long ol manmeri i kamap nupela memba bilong narapela sios ol i mas save gut long kamap bilong ol dispela lotu na ol skul na pasin bilong em bipo long ol i go bung wantaim ol.

## Tupela meri bisop bilong Yunaitet Sios long Amerika i raun long PNG

OLGETA sios long wol i mekim wanpela wok tasol na dispela em long autim tok na pasin bilong God long ol pipel na Yunaitet Sios i no narakain, Reveren Samson Lowa em Modoreta bilong Yunaitet Sios i mekim dispela toktok taim em i welkamim tupela hetmeri bilong Yunaitet Sios long Amerika husat i bin mekim wokabaut bilong ol long kantri las wik.

Dispela tupela hetmeri em Residen Bisop Anne Sherer husat i makim Missouri Konferens na Liaz Fener siameri bilong Global Ministris bilong Yunaitet Sios.

Long amamasim kam bilong tupela na long toksave long tupela, Modoreta Reveren Lowa i tok: "Yumi olgeta (sios) long dispela graun i bung wantaim," long karim aut gut nius bilong Jisas Kraus.

Na long bekim tok bilong Reveren Lowa, Bisop Anne i tok em i gutpela long yumi wok olsem brata na susa

tru.

"Sapos yumi bilong Afrika, Amerika o Yurop yumi i gat wanpela gutpela man em yumi olgeta i save bihainim," Bisop Anne i tok.

Yut grup na Sande Skul Ministri bilong Korobosea Yunaitet Sios i bungim Bisop Anne wantaim Fener.

Ol i presenim wanpela drama ol i kolim Ruatoka. Na drama i soim we em Gut Nius bilong Jisas Kraus i kamap long ples bilong ol long 131 yia i go pinis.

Dispela drama i kamap gut tru na i mekim bel bilong Misis Fener i kirap na em i tokaut olsem em i amamas long lukim ol pipel i gat bikpela laik long soim olupela sindaun bilong ol na i no pret.

Tupela meri i go tu long Yunaitet Sios Nu Britan rijon na amamasim Independens selebresin bilong kantri bipo long ol i go bek long Amerika long Mande Septemba 22.

## Famili i stap long helpim arapela

### Martha Wame i raitim

OL famili i stap bilong helpim narapela long taim nogut, em Jeneral Seketeri bilong Kaunsel bilong Wol Misin (CWM) bilong Yunaitet Sios, Dokta Desmond Van Der Water i tok taim em i kam long Papua Niugini long wik i go pinis.

Em i kam long hia long kamap long Misin Program Sapot Fan (mani) Konsaltensi we em i mekim wokabaut long Is Papua Mailen na Nu Briten.

Dispela Konsaltensi bung i kisim tripela de olgeta na ol bikman i stap long bung i kam long Australia, Solomon Ailan na PNG yet.

Modereta bilong Papua Niugini, Reveren. Samson Lowa i tok bung i kamap bilong Kaunsel bilong Wol Misin long luksave long ol mani na long ol wokman we i ken helpim wok bilong sios insait long PNG na Solomon Ailan.

Em i tok olsem CWM i komyuniti bilong 31 protestan sios husat i pasim tingting long helpim ol yet long mani, wokman na save bilong mekim wok bilong God.

Dispela grup i kamap long 1977 na bung wantaim London Misinari Sosaiti (1795), Komanwal Misinari Sosaiti (1836) na Inglis Presbeterian Bod bilong Misins (1847).



# Smok nogut kamap pinis long PNG

**Cyril Gare i raitim**

DRAG o smok nogut ol i kolim long kokein i kam pinis long Papua Niugini, ol wokman bilong Nesenel AIDS Kaunsil Seketeriat i tok. Marasin etvaisea bilong Nesenel AIDS Kaunsil Seketeriat (NACS) Dokta Joachim Puntamari i tok ol man we planti ol yangpela, i yusim drag long givim sut long ol yet. Ol i putim wara bilong dispela smok long tiub bilong givim sut na wantaim nil bilong sut ol i pamim dispela wara i go insait long bodi bilong ol. Ol i

mekim dispela olsem wanpela spak pasin.

Dispela kain pasin i wok long kamap long Vanimo, bik taun bilong Sandaun provins.

Dr Puntamari i kamapim dispela toktok long taim em i givim wanpela pablik toktok long HIV AIDS long Divine Word Yunivesiti i no long taim i go pinis.

Tru i nogat yet wanpela ripot long ol man i kisim bagarap long dispela drag tasol Dr Puntamari i tok em i pret nogut ol man na komyuniti bilong yumi i kisim taim nogut long wanem pasin bilong

kisim dispela drag i wok long go bikpela.

Long dispela drag i kam insait long kantri em i sutim tok long gavman long em i no lukautim gut ol boda ples na olsem planti ol Asia man i kam insait na kisim dispela drag wantaim ol.

Em i wari tu long kamap bilong wanpela grup ol i kolim Man i Silip wantaim narapela Man Asosiesen.

Em i tok ol mausman bilong dispela grup i bin autim wanpela tok pepa long soim olsem grup bilong ol i nogat rong.

Dispela tokaut pepa bilong ol i no kamap

longtaim bipo long em i givim toktok bilong em long yunivesiti.

Dr Puntamari i tok yusim drag long nidel o sut na grup bilong man i pren wantaim narapela man em tupela nupela samting long kantri we bai mekim sik AIDS i gro hariap long kantri na bagarapim kantri.

Ol narapela wei we AIDS i ken kisim man em man na meri i silip wantaim narapela, mama i givim long pikinini taim em i karim em na blut bilong man i gat AIDS i pas long sua bilong narapela man o meri.



**Medikel rises em i bikpela samting • Ol sampela nes husat i bin stap insait long PNG Neses Rises kibung long Goroka long las mun. Foto: SAPE METTA**

## Ela Motors sapatim Seif Madahud

KAMPANI we i save salim ol kain kain kar Ela Motors i sapatim kempen bilong dipatmen bilong Helt long promotim seif madahood o gutpela sindaun bilong ol mama i gat bel long karim pikinini.

Dispela kempen i wok long traim long stapim ol planti dai i save kamap long olgeta yia long ol mama i no

save karim pikinini gut. Sampela taim mama i save dai, sampela taim pikinini i save dai na sampela taim tupela wantaim i save dai.

Maketing menesa bilong Ela Motors, John Swaysland, las wik i givim sampela katon t-siot wantaim toktok "seif madahud" long ol i go long spots komiti bilong dipatmen.

Ol dispela t-siot i stap insait long sponsasip bilong Ela Motors i go long wan de spots resis bilong dipatmen bilong helt we i bin kamap las Fraide.

Em i nambawan taim dispela kain helpim i kam long kain bisnis haus olsem Ela Motors i go long seif madahud kempen.

## Ritrit i strongim ol nes bilong Wewak Daiosis

• Ol komyuniti helt woka bilong Katolik Helt Sevis bilong Wewak Daiosis i amamas long ritrit bilong ol.



**Fr. Janusz Skotniczny SVD i raitim**

OL NES na ol komyuniti helt woka bilong Katolik Helt Sevis bilong Daiosis bilong Wewak ol i pinisim wanpela ritrit bilong ol. Ritrit i bin kamap long Tangugo Pastoral Senta na i bin i stap inap long tripela de.

Katolik Daiosis bilong Wewak i lukautin 20 helt senta na etpos. Bikpela namba bilong ol i stap long ol nongwe ples.

Planti helt senta i nogat rot. Ol nes i mas i go long balus o long kanu o ol i mas wokabaut planti aua. Ol wok na MCH patrol bilong ol i karamapim bikpela hap bilong East Sepik provins.

Helt Seketeri bilong Katolik Daiosis bilong Wewak, Sista Celine Yakasere i tok, em i laik bai olgeta nes na komyuniti helt woka bilong daiosis, namba bilong ol 105, ol i ken kisim strong long spirit bilong ol long olgeta yia. Kain wok ol nes i save mekim long ol ruel helt senta inap pinisim strong bilong bodi na spirit. Olsem na i mas i gat taim bilong strongim ol. Taim bilong malolo na taim bilong ritrit.

Tupela taim em i singautim Sista Grace Domani, Superia Jeneral bilong ol Rosari Sista long givim dispela ritrit. Wanpela taim long mun Julai na narapela nau long 11 de bilong Septemba.

Dispela tupela ritrit i bin karamapim 78 manmeri i wok nes long ol ruel etpos na helt senta. Het tok bilong ritrit em "Kamap Strong Long Pasin Kristen".

Long taim bilong pasim ritrit ol nes i harim tok olsem, gutpela wok bilong ol i olsem lait bilong Kraus. Na tu ol i olsem sol bilong graun, olsem na ol i no ken slek long wok bilong ol.

Nes Karmel Bukia i tok, em i wok nes planti yia na em i no save lusim sans long kisim ritrit. Na dispela ritrit em i wanpela gutpela ritrit. Sista Grace i helpim em long gutpela skul na i mekim em i amamas long go bek long sevim ol pipel long Kunjingini Helt Senta.

## Dokta singaut long gavman tok oraitim pasin pamuk

**Cyril Gare i raitim**

WANPELA sinia edvaisea bilong Nesenel AIDS Kaunsil Sekretariat i singaut olsem i mas tok orait long pasin pamuk long kantri taim em i bihainim tingting bilong ol narapela long singaut bilong ol.

Dokta Joachim Puntamari i tok sapos gavman i tok orait long pasin pamuk dispela bai helpim ol long bosim na save long mak bilong AIDS olsem em i gro olsem wanem long kantri.

Tasol em i tok dispela tingting em i bilong em yet na i no makim tingting bilong Kaunsil.

Em i mekim dispela toktok taim em i bekim askim bilong ol sumatin bilong Divine Word Yunivesiti we em i givim wanpela pablik toktok long AIDS i no long taim i go pinis.

Tasol het dokta bilong Sekretariat Dokta Ninkama Moiya i tok long ol wok painimaut AIDS i no save kamap bikpela long pasin pamuk. Na olsem pasin pamuk tu i no gutpela laip.

Em i tok nau yet NACS i wok long redim wanpela pepa we bai tokaut olsem gavman i no mas tok orait long pasin pamuk long kantri.

Em i tok long pasin pamuk i wok long kamap long ples hait i moa gutpela long gavman i givim luksave bai ol manmeri husat i mekim dispela pasin bai dokta i ken sekim ol sapos ol i gat sik o nogat bipo long ol i go gen na mekim dispela pasin.

Tasol long bekim tingting bilong Dr Puntamari, Misis Brenadette Aih, wanpela tisa bilong yunivesiti, i hariap na tok sapos gavman i tok orait long pasin pamuk dispela bai i tok olsem pasin bilong man na meri i silip wantaim em i bilong amamas tasol. Em i tok God Papa i kamapim dispela pasin bilong man na meri i kisim pikinini. Olsem dispela pasin i bilong marit tasol.

Wantaim long dispela Misis Aih i tok sapos gavman i tok orait long pasin pamuk dispela bai no inap soim na tokaut long Papua Niugini i krsten kantri.

## Sik AIDS i bikpela

WOL Helt Oganaisesen i tok Papua Niugini i wanpela long ol kantri we man na meri inap long kisim sik AIDS isi tasol, Dokta Joachim Puntamari i tok.

Em i tok mak bilong man i kisim sik i ken kamap long pikinini taim mama i karim em i go inap long bikpela man. Na olsem sik i ken kamap long olgeta man.

"Long olgeta yia yumi save lukim 1000 pikinini i kamap wantaim AIDS na dispela i mak nogut long yumi we i gat 5.2 pipel long kantri," Dokta Puntamari i tok.

## St Benedict treni tisa wokim prektikel

**Fr. Janusz Skotniczny SVD i raitim**

OLGETA sumatin bilong St. Benedict's Teachers College long Wewak i pinisim taim bilong traim save o skills bilong ol.

Long foapela wik, stat long mun Ogas i go inap long namba 18 de bilong Septemba, ol i bin lusim desk na ol i sanap long klasrum long narapela sait.

Em long sait bilong tisa. Sampela bilong ol sumatin husat i mekim namba wan yia bilong stadi i sanap long narapela sait bilong desk bilong namba wan taim.

Dispela praktis bilong ol, ol i mekim long ol longwe komyuniti na praimer skul long Is Sepik provins.

Bikpela grup bilong ol St. Benedict's Tisa Kolis studen i bin stap na wok long Kunjingini Praimeri Skul insait long Saut Wosera Distrik. Namel long 18-pela studen i bin i gat 9-pela man na 9-pela meri.

Na tu 9-pela ol i studen bilong namba wan yia, na 9-pela bilong namba tu yia. Ol namba wan yia studen i bin wok wantaim ol pikinini bilong gret 3 na 4 na 5, na ol studen bilong namba tu yia, husat i redi long gretuesen i kisim ol top-ap pikinini.

Taim bilong praktis i mekim sampela sumatin i strong long vokesen bilong tisa. Het tisa bilong Kunjingini Primary School, Anton Kruak, i harim sampela studen i tok, ol i laik graduet na statim wok tisa nau

tasol. Ol i les long go bek na sindaun gen long klasrum olsem ol sumatin.

Olgeta fultaim tisa bilong skul i soim amamas bilong ol long wok bilong ol tisa-sumatin na ol i redim pati o bung kaikai long laspela de bilong praktis.

Skul inspekta bilong Wosera-Gawi, Mista Jack Malken, long toktok gutbai bilong em i tok, "Yupela i bin mekim gutpela wok tru. Tasol ol wok bilong yupela i kamap aninit long supavaisa.

"Neks yia sampela bilong yupela bai i graduet na bai yupela i go long skul i no gat supavaisa, nogat inspekta, het tisa bai i no sanap long klasrum.

"Orait long dispela taim yupela tu i mas mekim wankain gutpela wok tisa."

**Natnat i wok long Bagarapim yu? Yu wari tumas long Sik Malaria? OL TAUNAM BILONG SALIM**



**Rotary i pait egens Malaria Kam lukim mipela long 6 mile o Ringim - 325 8900 Prais i daunbilo na i gutpela stret-Yu ken baim planti long wanpela prais DEPT OF HEALTH - WHO - UNICEF**



# Madang gavman winim kot long rausim ol setlas

Cyril Gare i raitim

ODA bilong rausim ol setla long Madang nau bai go het bihain long Madang Provinsel Gavman i winim Nesenel Kot long rausim ol.

Madang Gavman i winim dispela kot long las wik bihain long ol i mekim apil long bipo kot oda we ol setelas i kisim oda na stapim gavman long em i noken rausim ol.

Ol kot oda bilong 7 na 14 Mas, 2003 we ol setla i kisim i stapim Gavman long rausim ol we Gavman

i bin makim 9 Mas olsem em i de bilong rausim ol.

Tasol nau olsem Gavman i winim dispela kot oda i luk olsem moa long 10,000 manmeri na pikinini bai kisim hevi.

Long ol dispela manmeri na pikinini Gavman i luksave long sampela 4,000 man we em i save olsem ol i trupela setla na olsem ol bai i stap yet.

Long painimaut bilong em Jastis Don Sawong, jas husat i stap long Madang, i painim olsem Joe Tipaija Tari na James Hela Pora i no kamap na soim tru olsem tupela i mausman

bilong ol Tari pipel o nara-pela man husat i stap long Finch Road na Hemuda Setelmen (Madang taun) na kisim kot oda bilong stapim Madang Gavman long noken rausim ol.

Tupela man hia i kamap na tokaut olsem tupela i stap long graun bilong gavman na olsem tupela i no inap long mekim wanpela toktok.

Dispela tokaut i soim olsem tupela i no inap long pait long raits bilong ol setelas long wanem samting Plis i mekim long ol long rausim ol.

"Wanem fridom i bruk,

wanem rait em ol man i no luksave na aninit long wanem lo em yupela i laik kisim helpim long em?" Jastis Sawong i askim.

Em i tok long dispela as tupela man hia i no save long wanem samting gavman i laik kamapim (bihain bilong rausim setelas) na aninit long wanem lo tupela i laik kisim helpim long em.

Long dispela as Jastis Sawong i rausim olpela kot oda we tupela man i kisim na stapim Gavman long em i no ken rausim ol setelas na givim tok orait long gavman nau i ken go het na rausim ol.

## Pawa bruk bagarapim ol marasin long Yagaum Helt Senta

Michael Novingu i raitim

PNG Pawa ino stretim pawa lain hariap long pawa igo bek long Yagaum Helt Senta. Dispela hevi istap moa long 24 auas.

LONG dispela wik wanpela bikpela diwai i pundaun na brukim pawa lain igo long Yagaum Helt Senta na stopim sevis igo long ol pipel bilong dispela eria.

Ol marasin istap insait long kula o bokis ais i bagarap pinis bikos ol wokman bilong

Dairekta bilong Nesing long Yagaum Helt Senta Gaulum Bhida itok em bai askim ol save man bilong lukautim haus marasin long Modilon Hausik long sekim ol marasin sapos i bagarap ogeta bai ol i kukim o tromoi.

## Lilau singsing grup i kukim ples long Goroka So

... ol i no amamas long Sir Peter Barter

LILAU singsing grup long Bogia insait long Madang provins i bin brukim tru lewa bilong planti manmeri, pikinini na ol turis long olgeta hap bilong wol husat i bin kamap long Goroka So long tupela wik i go pinis.

Na ol i laikim tu memba bilong ol na Inta Gavman Rilesen Minista Sir Peter Barter long luksave long kalsa bilong ol. Ol dispela liklik manmeri i bin givim yu vot na sapot long kisim pawa na noken tanim beksait long ol. Yu mas go het long helpim ol na noken toktok tasol. Givim han na sapot em namba wan samting," wanpela memba bilong Lilau singsing grup i tok.

Madang memba na Inta Gavman Rilesen Minista Sir Peter Barter long helpim, ol i no bin kisim wanpela gutpela ansa, tasol ol yet i bin stretim rot na go kamap long Goroka So na kamapim gutpela nem bilong Madang provins.

"I gutpela long Minista i sapotim ol liklik manmeri bilong Madang long holim pasin kalsa bilong ol. Ol dispela liklik manmeri i bin givim yu vot na sapot long kisim pawa na noken tanim beksait long ol. Yu mas go het long helpim ol na noken toktok tasol. Givim han na sapot em namba wan samting," wanpela memba bilong Lilau singsing grup i tok.

# Namba wan sikman bilong ol nes sumatin

Fr Janusz Skotniczny SVD i raitim

OL sumatin bilong Lutheran School of Nursing bilong Madang i pinisim tupela mun praktis bilong wok nes. Itenpela wan (11) bilong ol i bin i kam long Is Sepik Provins. Ol i wok praktis aninit long Katolik Helt Servis bilong Wewak Daiosis. Long namba 22 de bilong mun Septemba, ol i sindaun gen long skul insait long kiasrum na redi long graduesen.

Ol sumatin i mekim gutpela wok. Ol i bungim namba wan sikman, namba wan emejensi, namba wan bebi mama i karim, na ol yet i mas lukautim ol. Ol i stap "on call" na ol i go long MCH patrol. Ol i pusim Ambulans long rot nogut, ol i go patrol long Sepik Wara. Ol i praktis, na tu ol i kamap trupela helpim bilong ol sikman.

OIC bilong Kunjingini Helt Senta insait long Saut



• Ol nes sumatin bilong Lutheran Skul ov Nesing bilong Madang i kam praktikel long Wewak. Nambawan de long wok ol i bin lukautim ol fes sikman bilong ol na givim marasin na karim nambawan bebi long mama bilong em long wok lainim bilong ol.

Wosera Distrik, Magdaline Tromani, i amamas long sumatin nes Mathilda Masil i stap wantaim em.

Kunjingini HC i save lukautim bikpela lain manmeri na namba bilong ol wokman bilong Helt Senta i no inap tru long dispela lain sikman. Olsem na ol

sumatin i bin mekim planti wok na inapim tru program bilong praktis.

Helt Seketereri bilong Wewak Daiosis, Sr.Celine Yakasere, i tok, em i redi oltaim long kisim ol nes sumatin. Em i helpim ol long painim gutpela ples bilong praktis: ol longwe

helt senta we i gat planti wok, kainkain wok nes na i gat gutpela supavaisa. Na em i laik bai ol sumatin i save gut tru long wok nes na wok bilong Helt Servis bilong Wewak Daiosis. Na taim ol i pinisim skul ol i mas kam bek na kisim wok insait long Ejensi.

# Sir Matiabe i egensim pamuk lo

Veronica Hatutasi i raitim

I NO gutpela long lo i tok oraitim pasin pamuk insait long PNG bikos dispela i brukim kastom, sios na luksave long gutpela pasin we yumi wan wan i gat.

Sir Matiabe Yuwi em wanpela bikman husat i gat luksave na olpela palamen memba bilong Tari/Pori long yia 1968 inap long 1982 i tok.

Sir Matiabe i singaut long ol sampela bikman i mekim long mekim pasin pamuk i kam aninit long lo bilong daunim sik HIV/AIDS i no gutpela na i no rot bilong stopim dispela sik.

Em i tok manmeri i gat

tingting, save na ol i mas kontrolim ol yet na tu, luksave long gutpela pasin. Na taim ol i go egensim dispela na wokim bikhet pasin, sik nogut olsem AIDS i save kisim ol.

"Long sait bilong kastom, sios na mipela wan wan yet, i no gutpela long tok oraitim pasin pamuk i mas kamap aninit long lo.

Papamama i mas skulim ol pikinini long gutpela pasin. Bodi em i haus holi bilong God na manmeri i noken mekim nabaut. Bikos sapos nogat, belhat bilong Bikpela bai pundaun antap long manmeri na nogat marasin tu bai oraitim dispela sik.

"Sik AIDS em i kros bilong Bikpela i wok long pundaun antap long yumi.

Mipela i save olsem tru rot long kisim dispela sik AIDS em long pasin pamuk.

Em i sosel sik. Na yumi wanwan i ken kontrolim long pas wantaim wanpela patna na noken slip nabaut wantaim planti narapela.

Em i tok sapos lo i tok oraitim pasin pamuk, bai em i kamapim moa sosel hevi long famili long wanem potnait mani ol man i kisim em ol bai yusim long pamuk haus, olsem pilai poka masin tasol.

Olsem na em i askim ol atoriti i glasim gut tru ol samting bipo ol i go het long lukluk long pasin pamuk insait long kantri.

"Long ol yangpela, yupela i mas lukautim yupela yet na pas long

wanpela patna. Noken wokim bikhet pasin.

"Mi save ol yangpela i save laik amamas long danis, dring na soselais. Wantaim ol moden teknoloji, ol nupela samting olsem TV, piksa, muvi, internet, ol samting we i save stap long ples hait na ol pikinini i no save lukim na harim i kamap long ples klia.

Tasol bikpela samting em long yusim tingting, gutpela pasin we yumi lainim long papamama, sios na kontrol.

Yusim kondom tu i no gutpela bikos dispela i mekim ol yangpela na ol arapela manmeri i yusim dispela long i no wari na skruim bikhet pasin moa," Sir Matiabe i tok.

## Spot helpim ol pikinini lainim Bahasa

Ari Haba i raitim

OL SKUL mangi bilong Vanimo, Sandaun provins nau bai gat sans long lainim Bahasa, tokples bilong Indonesia.

Dispela em bihain long Sandaun Gavana Carlos Yuni i toktok wantaim konsul bilong Indonesia long Vanimo.

Yuni i mekim dispela toktok bihain long ol spots manmeri long Vanimo i askim sapos em wantaim edukesen advaisa bilong em, Ignas Wunum i mekim wanpela agrimen namel long Sandaun Provinsel na Edukesen Dipatmen na ol lain long Jayapura, Indonesia long putim kamap sampela spots bilong ol skul pikinini namel long tupela taun.

Ol i laikim sapos i gat spots eksens program namel long tupela taun.

Yuni i tok em i kamapim pinis sampela samting long strongim dispela tingting.

Em i toktok wantaim Konsulet bilong Indonesia long Vanimo na tupela wantaim i raitim sampela toktok long kain program i mas kamap.

"I gat plen pinis i stap long skul pikinini bilong Vanimo na Jayapura i kam bung na kamapim ol pilai wantaim. Tupela pilai mipela i lukluk strong long em em soka na volibal," Yuni i tok.

Na em i tok konsulet bilong Indonesia i amamas long dispela tingting. Tasol em tok olgeta samting bai kamap bihain long olgeta pepa wok i stret.

Mista Wunum i tok i gat pikinini spots program long edukesen plan na sapos ol i kamapim kain pilai namel long tupela taun em ol bai bihainim tasol.



• Skul bois bilong Vanimo praimer skul i ready long grand fainel kik-off. Edukesen Advaisa i sanap long namel. Foto: ARI HABA



# UPNG na Sentrel provins sainim agrimen long strongim wok bung

Veronica Hatutasi i raitim

YUNIVESITI bilong Papua Niugini (UPNG) Waigani kempus na Sentrel provins i sainim pinis wanpela agrimen pepa long wok bung wantaim na sapotim wanpela arapela long givim helt sevis i go long ol pipel.

Sentrel Provins Gavana Alphonse Moroi na Vais Sansela bilong UPNG Les Eastcott long las Trinde i bin sainim agrimen long skruim Rurel Blok program we bai ol sumatin long UPNG i stadi long kamap dokta bai go aut long ol rurel helt senta long Sentrel provins na Sentrel provins bai lukautim ol long ol haus bilong slip na karimaut ol wok prektikel na

rises long en.

Aninit long dispela program, ol dokta na helt woka bai stap na wok namel long komyuniti na long dispela rot, ol bai kisim strongpela tingting long wok insait long ol haus sik insait long rurel eria taim ol i pinisim skul bilong ol.

Dispela program i kam aninit long Senta billong Pablik Helt we UPNG Skul bilong Marasin i bin kirapim tasol long las yia. Na UPNG i bin wokim agrimen pinis long las yia wantaim Galp na Sauten Hailans provins long karimaut program olsem tu long tupela provins.

Malaua Haus sik long Galp na Pimaga insait long Sauten Hailans em tupela helt senta we ol provin-

sel gavman bilong ol wan wan provins ya i bin tok orait pinis na ol sumatin i karimaut wok long sevim komyuniti na long wankain taim tu, karimaut ol wok rises.

Saining bilong las wik namel long Sentrel provins na UPNG i givim tok orait long ol UPNG dokta sumatin long go slip insait long ol haus bilong provinsel gavman na mekim wok long helpim ol sik manmeri na pikinini insait long ol komyuniti.

Orait, dispela program bai karamapim Moreguina, Veifa, Kwikila, Bereina, Tapini na Kupiano.

Gavana Moroi long taim bilong sainim dispela agrimen pepa i bin tok aninit long dispela

Memorandum ov Agrimen (MOA) gavman bilong em i tok orait pinis long larim ol dokta na ol sumatin husat i stadi long kamap ol dokta long givim ol haus bilong slip long en na wok wantaim ol helt opisa na nes long givim medikel sevis, developim ol helt sevis na promotim helt olsem em i bikipela samting long provins.

Em bin tok tu olsem divisen bilong helt long ol distrik bai lukautim sefti na sekjuritii bilong ol dokta na sumatin taim ol i wok i stap long hap.

Em bin tok tu olsem Divisen bilong Helt bai peim rot bilong ol dokta long taim ol i wok insait long foapela rurel helt senta long Sentrel provins.

Helt Sevis Sapot Program bilong AusAID i fandim dispela program.

Vais Sansela Eastcott i bin tok em i amamas tru long go insait long dispela program bikos em i lukim olsem dispela bai strongim wok bung namel long UPNG na Sentrel provins.

Em bin tok long lukluk bilong UPNG, tupela sait i win na dispela tu bai mekim UPNG i glasim ol wok bilong em insait long komyuniti na tu, ol sumatin bai ekspiriansim trupela laip situesen.

Em i tok em i amamas olsem UPNG bai givim sevis i go long ol rurel pipel na long wankain taim tu, ol sumatin bai kisim gutpela ekspirians long wok insait long rurel eria.



Trening long kamap dokta • Tupela dokta sumatin long Skul of Marasin wantaim UPNG Medikal Fakalti i sekim wanpela sikman taim Dokta Kevau i putim was i stap. Foto: JOE IVAHARIA

## Wok lukaut long painim banis sut bilong sik nimonia

...10,000 pikinini long PNG save dai olgeta yia

PNG Institutu ov Medile Rises (PNGIMR) bai karimaut ol rises wok long panim banis sut long sik niunionia we i save kilim dai planti pikinini long PNG.

Moa long 10,000 pikinini insait long PNG we krismas bilong ol i stap aninit long faivpela yia i save dai olgeta yia long sik niunionia.

Yu ken luksave long sik niunionia taim manmeri ol pikinini i kisim bikipela tuhat na strongpela kus.

PNG Institut ov Medikel Rises (PNGIMR) bai kamapim wanpeal rises wok long painim marasin bilong daunim dispela sik we i wanpela top sik i save kilim dai man long PNG.

PNGIMR i bin winim mani gren inap long K5.2 milien long wanpela medikel tras grup long Inglan bilong karimaut rises wok long sik niunionia long faivpela yia.

Dairekta bilong PNGIMR em Profesa John Reed i tok ogenaisesen bilong em i laki long winim dispela gren mani wantaim narapela 11-pela grup long wol. Samting olsem 130 kantri i bin putim aplikesen long dispela gren mani na PNGIMR i wanpela laik grup stret.

Em bin tok niunionia em i wanpela sik we i save kilim dai bikipela mak bilong ol manmeri na pikinini long PNG.

Em i tok long olgeta 100 pipel, 16-pela i save dai long sik niunionia. Planti em ol liklik pikinini na ol bebi i gat tripela mun.

Em bin tok hevi long dispela sik i bikipela moa long Hailans rijen.

PNGIMR bai wok wantaim Child Health Rises grup long Australia bilong karimaut dispela rises long painim anti niunionia banis sut long givim long ol yangpela pikinini na ol bebi.

## Ol Lutheran yut kisim salens

Paulus Tali i raitim

OL Lutheran yut i kisim salens long sapotim kalsa we bai strongim wok bilong sios, komyuniti na turis long ol ples na kantri.

Ol i kisim salens tu long wokim ges haus olsem ol arapela sios olsem Katolik na Salvesen Ami i gat long en na ol turis i ken slip long en

Ekting Jenerel Menesa bilong Turisim Promosen Atoriti (TPA) Erigire Singin i bin salensim ol yut insait long bung bilong ol i kolim long ELC/PNG, Nesenel Yut konfrens i kamap nau long Laloki Hai skul klostu long Mosbi.

Em bin tokim ol yut olsem ol i mas

lukautim gut environmen o graun, bus na wara we God i givim long yumi.

Em bin tok planti turis i save kam long kantri long karimaut ol wok bisnis, malolo na amamas raun lukim ples na ol pren na hauslain.

Em bin tok ol turis ya i save laik lukim kalsa bilong PNG, netja o ol samting long bus, graun na wara na ol arapela moa samting olsem na taim em i salensim ol ELC/PNG yut, em bin tok God i gat plen long yumi long kamapim wok na ol i noken mas slip.

Em bin tok ol yut long senis long mekim ol wok we bai kamapim ol gutpela samting.

## Saina bai helpim UPNG

GAVMAN bilong kantri Saina bai lukluk long ol rot we em i ken wok wantaim ol edukesen institusen na Yunivesit bilong PNG.

Bos bilong wanpela delegesen o grup bilong Saina i mekim wanpela lukluk raun i kam long PNG em long Liu Yunsihan i bin tok taim em bin lukluk raun i go long UPNG.

Mista Liu em i memba bilong Politisens Biuro long Sentrel Komiti bilong Komyunis Pati wantaim Ministri bilong Pablisiti Dipatmen long Saina i bin wokim dispela tok-tok long bekim askim bilong Ekting Vais Sansela bilong UPNG Profesa mathias sapuri.

Taim em i welkamim grup, Profesa Sapuri i bin tok UPNG i laik wok bung wantaim Saina long sait bilong rises

wok na eksens sumatin program wantaim ol yunivesiti long Saina.

Em bin tok dispela em i histri wokabaut long wanpela grup bilong Saina i lukluk raun long UPNG na em i yusim dispela sans long bildim gutpela wok bung namel long ol bikipela skul long tupela kantri.

Delegesen i bin raun lukim Niugini Koleksen seksen long Sir Michael Somare laibreri na Nesenel Fiseris Koleksen long UPNG.

Profesa Sapuri i tok olsem bikipela skul long kantri, UPNG i laik go het long sanapim ol gutpela bilding na kamapim gut ol akademik program bilong em. Na wok bung wantaim ol arapela institusen bai strongim ol tingting long karim kaikai.

Ol eria we Profesa Sapuri i bin tok Saina i ken helpim wantaim em long eksens sumatin na ol woklain program, helpim long putim olgeta ripot long komyuta na sapotim long lukautim Fiseris koleksen bilong UPNG.

Mista Liu i bin tok PNG na Saina i gat gutpela wok pren na dispela i wok long kamap strong moa yet.

Stat long neks yia, bai i gat eksens program namel long tupela kantri na namba wan lain bilong PNG bai go skul long Saina neks yia.

Gavman bilong Saina i bin donetim tu 200 buk i go long Michael Somare Laibreri. Dispela em i namba tu donesen. Namba wan donesen em ol bin mekim long 1985.

## Strongim DOTS program - PNG stap namba faiv long sik TB

Veronica Hatuasi i raitim

WOL Helt Ogenaisesen (WHO) i askim strong ol kantri wantaim bikipela mak bilong pipel i gat sik TB long skruim DOTS program (Dairek Obvesen Tritmen) na ol sotpela kos long inapim gol long 100 pesen tritmen bilong sik inap long yia 2005.

Ripot bilong WHO i soim olsem sik TB i save kilim dai 1,000 pipel long olgeta de insait long Westen

Pasifik rijen.

Tasol sapos rijen i luksave long 70 pesen ol manmeri i gat dispela sik na mekim orait 85 pesen long ol siklain, ol bai inapim taget mak long yia 2005.

Dokta Shingeru Omi em i Wol Rijinel Dairekta bilong Westen Pasifik i bilip olsem inap long yia 2010, ol i ken katim i go daun mak long haf mak bilong ol manmeri na pikinini i save dai long sik TB.

Ripot i tok Westen Pasifik we

PNG i wanpela long ol kantri long rijen, i kamap namba tri long wok olsem wanpela long ol eria we i gat sik TB bihain long Kamboia, Saina, Laos, Mongolia, Filipins na Vietnam.

"Ol memba kantri i mas strongim ol woklain na ol i ken mekim ol wok long kontrolim sik TB.

Ol i mas bildim ol strongpela menesmen yunit long inapim taget bilong kamap orait ol i putim rijen ya long kamap long en," Dokta

Omi i bin tok.

Em bin tok moa olsem ol memba kantri i mas glasim gut ol poveti isu o pasin bilong sot long ol samting na ol i ken kisim marasin i go long ol lain i sot o ol ino inap long baim ol marasin. Na tu ol i mas givim fri tritmen na tes long ol lain i gat sik TB.

Long yia 1999, ol bin tokaut olsem Westen Pasifik i gat kraisim o hevi long sik TB. Na long yia 2000, ol bin kamapim spesel pro-

jek long stopim sik TB.

Tru i gat hevi yet i stap long sait bilong mani long karimaut ol projek, marasin i wok long go gut long sevenpela kantri long wol wantaim bikipela mak long manmeri i gat sik TB.

Sikapela kantri i gat bikipela mak long pipel i gat sik TB bai kisim moa helpim mani long pait egen-sim sik AIDS, TB na malaria i kam long Global Fan. Helpim ya bai sapotim gut tu DOTS program



# WANTOK KOMENTRI

## Straik bilong ol Telikom woka i givim hevi

OL gavman opis na ol bisnis long Waigani eria long Mosbi na arapela hap tu long Papua Niugini i bin bungim bikpela hevi long Tunde na Trinde taim olgeta telepon na ol rot bilong salim toktok na walis i go i kam i no bin wok.

Dispela em bikos i gat ripot olsem ol wokmanmeri bilong Telikom i bin straik long olgeta hap bilong Papua Niugini.

Dispela straik i kamap bikos long ol wok bilong salim Telikom i go long praivet bisnis o kampani aninit long praivetaisesen progrem i no kisim gut tingting na belisi bilong ol wokmanmeri bilong Telikom.


Ol wokmanmeri bilong Telikom i bin askim long sampela samting we i sut long wok bilong ol olsem long pinis pe bilong ol, ol haus ol i stap long en, baim sea wantaim Telikom taim Gavman i salim na arapela hevi na wari bilong ol we ol i askim Gavman long kam bungim ol na tokim ol.

Dispela hevi i kamap long olgeta opis long Waigani na Boroko eria long Mosbi we olgeta rot bilong toktok na mekim wok o bisnis i bin bagarap tru long aste na Tunde.

Dispela em i wanpela bikpela hevi insait long Mosbi siti na ol arapela hap long provins na i mekim ol wok na sevis i no kamap gut long sait bilong gavman na ol praivet kampani na bisnis long dispela wik.

I gat ol ripot olsem Telikom yunion i tok long dispela straik bai i stap yet inap tupela wik. Sapos olsem, tru tumas bai planti bisnis na kampani long Waigani eria bai kisim bikpela hevi tru long wok bilong ol. Ating olgeta gavman opis long Waigani tu bai i no inap wok. Olsem na gavman i mas hariap sindaun wantaim ol wokmanmeri bilong Telikom na toktok gut long dispela hevi na kamap wantaim rot bilong mekim isi bel bilong ol wokmanmeri bai telefon sevis i ken ron gen long planti lain i ken mekim gut wok bilong ol.

Gavman i bin tokaut pinis olsem ol bai salim sampela hap wok bilong Telikom na hap bai i stap yet long han bilong gavman. Dispela hevi bilong ol wokmanmeri i kamap bikos ol i bin luksave na kisim piksa pinis wanem samting ol i mekim long ol wokmanmeri bilong PNGBC benk taim ol i salim benk long las yia.



## Autim tingting long Lo bilong kilim man Kamapim lo bilong kilim raskol man

**Dia Edita,**

Mi wanpela ples manki bilong Papua Niugini tasol wanwan taim mi save raun i kam stap long taun wantaim susa bilong mi na famili bilong em long Goroka.

Mi bin ritim *Wantok Niuspepa* long Septemba 4 we het lain long fran pes i tok wanem taim bai lo i hangamapim man?

Dispela lo bilong hangamapim man em bikpela samting tru long kantri i mas

skelim gut na kamapim bikos nau yet planti raskol man i wok long kilim ol manmeri nating.

Taim ol i stilim samting bilong ol gutpela manmeri pinis, orait ol i kirap na sutim ol long sotgan gen na kilim ol i dai. Mi skelim dispela i no gutpela tru bikos taim yu kisim ka o mani o kago bilong wanpela man o meri, ino stret long yu kirap na kilim laip bilong em gen. Tasol ol stilim i no pret long kilim dai ol manmeri.

Olsem na mi wanbel long

gavman i mas kamapim dispela lo bilong hangamapim ol raskol i save kilim dai ol gutpela manmeri.

Maski dispela lo i no inap pinisim o stopim hevi bilong kilim man i dai, tasol bikpela samting em yumi mas rausim ol man i gat nem long kilim dai arapela manmeri.

Sapos lo i no inap kilim dispela kain man, orait givim pawa long plis long kilim dispela kain man taim ol i ronim em na holim em. Kilim em hait

tasol long bus o hap rot na karim i go long mog.

Tude em fridom bilong ol manmeri na pikinini long wokabout long stua na maket o pilai graun i no moa gutpela nau. Bikos long raskol pasin na pasin bilong kilim man tasol i mekim na pret i kisim olgeta pipel tude. Gavman i mas kisim eksen long dispela lo nau na i no ken toktok tasol.

Em tasol na husat i laik bekim em laik tasol.

**John Paul**

## Tingim mama na susa bilong yu

**Dia Edita,**

Mi wanpela mama na mi save pret na tu belhat nogut long harim o ritim nius bilong ol man nogut i save bagarapim ol meri na kilim ol i dai. Mi lukim ol dispela nius na mi save pret tru na mi save tingting tasol olsem ol dispela man nogut i gat mama na susa bilong ol o nogat? Sapos mama i karim ol, ating ol i save laikim tru mama bilong ol na tu ol i save wari long mama bilong ol olsem na ol i no inap mekim olsem long ol arapela mama na meri.

Ating mama bilong ol i no bin putim ol i go long Sande skul taim ol i bin liklik yet o skulim ol long gutpela pasin na sindaun insait long famili bilong ol yet taim ol i bin liklik boi yet. Olsem na ol i abrus tru na kamap ol trabel man insait long komyuniti.

Yu save olsem ol mama na susa bilong yu i no strong na

ol man i save soim strong bilong ol long pretim na bagarapim ol. Tasol yupela ol man i mas save olsem God i wokim dispela graun na putim man na meri tu. Olsem na yupela ol raskol i mas tingim tasol laip bilong ol mama na susa bilong yupela na noken bagarapim o kilim ol meri.

Lo bilong kilim o hangamapim ol raskol man i gutpela tasol ating lo bilong katim hap lek na han tu i mas kamap bai yumi ken save olsem man i nogat hap lek o hap han em bikos em i bin kilim dai man o meri o em i bin bagarapim meri olsem na lo i givim mak long em.

Em tasol tingting bilong mi na husat arapela mama na ol susa i gat tingting antap long dispela i ken tokaut na yumi skelim wantaim.

**Pelengo Darius Morobe provins**

**Dia Edita**

Wantok Niuspepa P.O. Box 1982, Boroko NCD - Phone: 325 2600

Fax: 325 2679

Email: word@global.net.pg

## Kristen pasin kilim planti kristen pipel

**Dia Edita,**

Mi wanpela olpela kaunsil memba na mi save belhat nogut tru long harim nius bilong ol raskol i kilim dai ol gutpela manmeri.

Mi harim nius bilong ol raskol i kilim dai wanpela gutpela plisman long Bulolo taun na tu kilim dai wanpela gutpela tisa long Wau konyuniti skul na bel bilong mi i kaskas tru.

Mi no laikim kain pasin olsem i kamap na bagarapim nem bilong gutpela ples bilong mipela.

Lo bilong kilim o hangamapim ol raskol i save kilim ol gutpela manmeri i mas kamap.

Yumi em kristen kantri tasol sapos yumi strongim tok kristen i stap bai moa kristenibrata na susa bai i wok long i dai yet long han bilong ol raskol.

Bipo mipela i bin wanbel long ol plisman i mas sutim ol raskol wantaim sotgan na

kilim ol sapos ol i bungim ol.

Yumi oraitim pinis dispela pasin long kamap tasol ol raskol i no pret long ol plis bai kilim ol. Olsem na ating ol i laikim narapela lo gen long salensim ol.

Orait yumi traim dispela lo bilong hangamapim ol. Gavman i gat wok bilong lukautim na sevim laip bilong ol pipel bilong em.

Wankain tu gavman i gat wok bilong senisim laip bilong ol dispela raskol lain.

Tasol sapos wanpela i no yusim het na sindaun isi na mekim samting stret orait gavman i ken pait wantaim dispela pasin nogut we wok long kamap long bagarapim ol pipel bilong em.

Mi sapot na mi ting yupela olgeta pipel tu bai sapotim dispela lo long kamap insait long kantri bilong yumi.

**Kelly Geam Mosbi**

# WANTOK

Publishing Weekly, Wednesday, for Word Publishing Company Ltd. P.O. BOX 1982, BOROKO, NCD PAPUA NEW GUINEA

TELIPON: 325 2500

FEKS: 325 2579

EMAIL: word@global.net.pg

PE BILONG WANPELA YIA 52 NIUSPEPA

PLES	AIR
PNG	K140.00
OSTRELIA	US\$67.00
ESIA PASIFIK NA JAPAN	US\$80.00
AMERIKA NA YUROP	US\$150.00

General Manager: Jeremy Burgess

Editor of Wantok: Yakam Kelo.

Printed and Published by Jeremy Burgess, at Allotment 2, Section 209, Spring Garden Road (Poreporena Highway), Hohola, for Word Publishing Co. Ltd.

OL PAS



# Senisim pasin na ranim gut kantri

**Dia Edita,**

Papua Niugini i mas i gat gutpela saveman bilong em yet nau long dispela taim bilong ranim gut olgeta wok ministri bilong gavman insait long dispela nupela taim.

Mi no inap long mekim dispela tok sapos taim bilong graun i no bin senis. Graun wantaim olgeta samting i stap antap long en i gat taim na progrem bilong ol yet wanwan na dispela tu i save inapim

laip bilong man tu. Man i no inap stap long wanpela hap eria tasol o wanpela level tasol. Yu yet wanwan i ken skelim gut kamap bilong yu long pikinini yu no bin stap pikinini tasol nogat.

Yu bin kamap gut i kam antap olsem wanpela bikpela man o meri. Orait insait long dispela kamap bilong yu yu bin lainim wanem samting bilong helpim tingting na save bilong yu i kamap

strong. Ating sampela samting yu laikim i gutpela, sampela samting yu lainim i no gutpela tumas long wanem i gat tok lukaut bilong em i stap. Sampela samting yu i gat lo bilong mekim i pretim yu bai yu noken tokaut o mekim olsem.

Nau yumi mas tingting gut na skelim na kamapim gut taim na ron bilong dispela graun i bihainim wok mak na progrem bilong em yet insait long dispela nupela taim o

milienium. Ol saveman i save luksave gut long taim bihain ol i save mekim olgeta wok bilong ol i kamap stret bihainim taim bilong ol wanwan.

Sapos yu dispela opis man o yu dispela skul pikinini ating yu save bihainim taim na go kam long skul na wok bilong yu tu o nogat em yu mas tingting gut long dispela na skelim gut tok mi mekim long taim bilong dispela graun. Sapos yu

save wok long wanpela kampani orait bosboi bilong dispela kampani bai tokim yu olsem yu mas kam long taim bilong wok stret olsem 8 kilok bikos yu mas bihainim taim bilong dispela kampani yet olsem waitman i tokim yu.

Em tasol tingting bilong mi.

**Manki PNG  
Mosbi**



**Rait Brasben bilong Delaselle haiskul.** • Ol fes lain long opim Kalsarel de bilong ol long Delaselle long las wiken Sarere. Pairap bilong ol tu i winim Brasben bilong ol Plis. Foto: JOE IVAHARIA.

## Not Waghi i nogat sain

**Dia Edita**

Mi wanpela mangi Banz insait long WHP. Lukluk bilong mi ino stret long memba ino ministri Maikel Maskal. Em i no save long wanpela samting bilong wanem na yu kamap memba nating bilong Not Waghi. Rot long Banz igo long Nondgul em wara ron long rot na amaspela bris bagarap pinis.

Mipela ol man karim ol samting na wokabaut igo ikam na planti samting moa mi les long raitim. Memba Maski long Kimil tu Ga nau istap long han bilong yu tasol yu no save long wanpela samting. 14-

pela mun o wanpela yia na tupela mun i lus nating. 1997 tu 2003 mipela ibin lusim ol kainkain samting ating long dispela taim igat moni nau nogat.

Papa God antap makim yu wanpela wok

em i bilong yu noken dabolim tupela wantaim nogut ples yu save tok nogat long en bai yu sikirapim tit.

**Anton Tap  
Banz, WHP**

**OL PAS**

**Dia Edita**

Email: word@global.net.pg

Wantok Niuspepa  
P.O. Box 1992, Boroko,  
NCD

Ph: 326 2500  
FAX: 326 2579

## Gavman i mas sapatim wok didiman

**Dia Edita**

Inap yupela givim mi liklik spes na bai mi ken autim komplek bilong mi igo aut long *Wantok niuspepa*.

Komplek bilong mi igo olsem, Gavman bilong Somare-Marat yupela imas lukluk na sapatim ol wok bilong graun olsem wok bilong agrikalsa o wok didiman o didimeri.

Plis nau long dispela taim gavman imas putim wok agrikalsa olsem nambawan long olgeta kain wok.

Dispela long wanem olgeta liklik man na meri bai ken kisim

helpim long lukautim ol yet wanwan long ples bilong ol yet.

Arapela samting em olsem olgeta yangpela man na meri bilong ples ino nap igo kam long ol bikpela siti na ol taun bilong painim wok mani na sem taim tu ol wan pisin bilong ol tu isave bihainim ol na stap wantaim ol long hap na istap kamapim planti bikhet pasin long ol bik siti na biktaun bilong yumi long kantri bilong yumi.

So nau yet mi olsem sitisen bilong dispela kantri planti taim mi save harim long redio na ridim long niuspepa wantaim lukim long EMTV na mi lukim olsem

wanpela we long daunim ol dispela hevi gavman imas sapatim wok agrikalsa na strongim wanwan manmeri long wok strong long graun na bai ol ken lukim kaikai bilong wok ol i mekim na ol bai amamas na stap lukautim ol yet.

Yes gavman imas strongim wok bilong agrikalsa imas stap nambawan long olgeta kain wok.

Husat man o meri i laik egen-sim rait tasol long *Wantok* na bai mi ken lukim.

**Benjamin A. Wep  
Vanimo, Sandaun provins**

## SHP i nogat gavman sevis

**Dia Edita**

Mi laik autim wari igo long *Wantok niuspepa*. Papua Niugini kisim independens long 1975 na i kam inap 2003. 28 yia gavman bilong dispela 7-pela praim ministri ino mekim wanpela samting long Sauten Hailens provins.

Populesen bilong SHP i winim narapela PNG provins tasol SHP

inogat gavman sevis olsem rot, skul na hausik i bagarap olgeta. Em i min olsem 7-pela praim ministri i go i kam na ol i bagarapim SHP.

Sauten Hailens provins i mas lusim PNG na igo joinim Austrelia na 5-pela yia Austrelia gavman bai lukautim SHP na long 2010 SHP bai kisim independens.

Dispela long wanem PNG gavman na 7-pela praim ministri ya igo ikam na bagarapim SHP pinis. Sampela liklik lain saveman meri bilong SHP i stap o nogat? Lukluk long dispela samting igo het. PNG gavman bai bagarapim SHP.

**Jon Manda Apa  
Mendi, SHP**

## Leit Laura Martin em i ain meri bilong Sepik

**Dia Edita**

Long Fonde 4/9/03 em funerel sevis bilong Leit Laura Martin husat i kamap olsem mama na tumbuna bilong olgeta Sepik taim em i hatwok long bringim developmen long Wewak na ol narapela distrik.

Indai bilong em long 82 krismas i soim tru tru bel na lewa olsem em i kam long 1950 long helpim Sepik na bringim gutpela sindaun long bihain.

Olgeta lida bilong provinsel gavman, na ol politik man, ol Sepik pipel na Praim Ministri Sir Michael Somare

istap long idai bilong mama Laura na ples i pulap tru long Wirui Katidral.

Mi hamamas long toktok blong sekretari bilong Plening Mista Valentine Kambori i tok em i wanpela "Petriak - mama blong ol Sepik" na foma primia Alex Anisi i tok "Em i givim planti wisdom long Sepik".

Long mi yet mama Laura long idai bilong em mi tok em i wanpela histori o lejen.

**John Kriosaki  
Wewak, Is Sepik provins**

## Komplek long werim trausis

**Dia Edita**

Mi wanpela mangi Madang tasol nau mi stap long Igoro Oil Pam blok long Popondetta, Oro provins.

Komplek bilong mi i olsem mi save lukim planti ol meri putim o werim "6" poket longpela na sotpela trausis, kat jin long jin trausis, siot o kola siot.

Okei bai yumi senis na putim sket, dres na meri blaus wantaim laplap. Ating i gutpela long meri werim ol klos bilong ol man na man werim bilong ol meri.

Yumi tok PNG develop tasol PNG ino develop. Ating develop em dispela kain dresing tasol.

Bipo tru taim bilong ol tumbuna ol meri ino save pasim malo na ol man putim purpur. Nau long sait bilong

wait man na meri em ol meri i werim trausis nating na raun.

Plis inap long Praim Ministri rausim Ministri bilong Kalsa na Turisim long Kabinet. Westim nating mani bilong ol pipel. Mi laikim Ministri i mas lukluk long dispela bilas kwesten i olsem; Kalsa em wanem samting, pasin wait o pasin PNG tumbuna turisim o turis wait i kam raun o yumi PNG lukluk raun.

Inap gavman i lukluk long dispela nau. Bai yumi ol man werim wanem bilas, sket o trausis.

Em tasol mi amamas tasol long yu husat i laik sapatim o egensim. Yu ken rait tasol long *Wantok niuspepa*.

**Jerry Urari  
Popondetta, Oro provins**

## Plis ol brata noken trip nabaut

**Dia Edita**

Tok i stap pinis olsem lukautim diwai kakao na diwai kakao bai lukautim yu. Dispela em wanpela bikpela askim i kam long yumi wanwan manmeri.

Mi bilong KFC insait long Bewani sub-distrik. Mi laik apil na askim ol brata na susa husat i save trip nabaut long olgeta hap graun long painim ples bilong sindaun.

Mi save harim sampela ol brata ol i save krol long nait na stilim ol buai bilong ol nambis man na salim long kisim mani.

Yupela save mekim rabis pasin long narapela manmeri. Dispela tok i sut long Kilmeri brata na susa. Mi istap long ples kaikai gut tasol mi sem tru taim ol nambis itoktok planti long rausim yupela ol Kimeri long hap.

Yupela mekim wanem samting tru long graun bilong narapela lain?

Yupela painim wok o mani? Plis ol brata na susa lusim ol na kam bek long ples. Graun istap nating na sting pinis long mekim wok.

**Madman  
Vanimo, Sandaun provins**

## Somare Sil Soka Tonamen i no ken paulim Independens de

**Dia Edita**

Mi laik autim dispela wari bilong mi insait long pepa bai ol Sepik pipel i lukim na skelim olsem Somare Sil Soka Tonamen ino ken kamap long Independens De 16 Septemba na brukim selebren bilong makim dispela de.

Planti ol Sepik ino save hamasim independens de bikos Somare soka i save bagarapim de bilong ol pipel.

Mi ting dispela soka pilai i mas kamap long de bilong em yet na independens ol pipel mas selebretim wantaim tumbuna singsing na ol narapela pilai.

Ol ogenaisim komiti mas toktok long muvim dispela Somare Kap igo long narapela de na ino long independens.

**John Kriosaki  
Wewak, Is Sepik provins**



# Las dring wantaim kantri singa Slim Dusty



• Dusty i dring wanpela bia long Iron Duke Hotel long Sydney long lonsing bilong Not So Dusty albam bilong em long Septemba 1998.

Foto: THE WEEKEND AUSTRALIAN

**L**ONG ol taun na long bus ol manmeri i tingim em na harim ol singsing bilong em wanpela moa taim.

Slim Dusty, nambawan biknem kantri singa long Australia i dai long 9:10am long Fraide, 19 Septemba. Dai bilong em i bihainim dai bilong narapela biknem kantri singa bilong Amerika, Johnny Cash.

Tru tru nem bilong Dusty em David Gordan Kirkpatrick, nem mamapapa i bin givim em long bon de bilong em long June 13, 1927. Dusty i bin raitim nambawan singsing bilong em taim em i bin gat 10-pela krismas tasol long 1937, na i bin singsing long redio long nambawan taim long 1942. Namel long dispela taim em i bin senisim nem bilong em i go long Slim Dusty.

Nambawan bikpela singsing bilong em we planti manmeri i bin laikim i bin *Pub With No Beer* we i bin kamap long 1957, na las bikpela singsing bilong em i bin *I love to Have a Beer With Duncan* we i bin kamap long 1980. Tasol Dusty i no bin stop long raun long pilai long ol narapela ples o rekot

na i bin lonsim namba 104 albam o kaset bilong em las yia.

Dusty husat i bin gat 76 krismas, i bin dai long haus bilong em long Sydney bihain long wanpela longpela pait egensim sik kensa.

Em i wok long kisim marasin na helpim bilong ol dokta long haus sik long ol mun i go pinis bihain long ol dokta i rausim wanpela kidni bilong em las yia na hap kensa long 2001.

## *Nambawan bikpela singsing bilong em we planti manmeri i bin laikim em *Pub With No Beer* we i bin kamap long 1957...*

Meri bilong em Joy, pikinini meri bilong em Anne Kirkpatrick na pikinini man bilong em David i bin stap klostu long bet bilong em taim em i dai.

Long Fraide nait (19 Septemba) ol i tok orait long askim bilong gavman bilong New South Wales (NSW) long givim wanpela stet funerel long Dusty.

Ol tok sore i kam long olgeta sait bilong politiks na olgeta sait bilong musik indastri tu.

"Kantri musik long Australia i no olsem bipo.

Mi sore olsem yumi bai i no inap gat Dusty wantaim yumi moa," deputi praim ministra na Nesenel Pati lida, John Anderson, i bin tok.

Oposisen lida, Simon Crean, i tok olsem em i "sore tru" long dai bilong dispela singa.

Em tok Dusty i bin wanpela biknem man Australia husat i save soim piksa bilong Australia

bilong em i go long olgeta kona bilong Australia.

Maski Dusty i bin sik, em i bin wok long namba 106 albam bilong em long studio bilong em long haus long ol wik i go inap taim em i dai.

Em i bin stap wantaim sem rekot kampani EMI long taim em i bin stat rekot i kam inap taim em i da na planti manmeri i save tok olsem "em tasol i kamapim EMI.

Planti manmeri bilong Australia i save laikim ol stori insait long ol singsing bilong em na laikim we em i save pilai gita na singsing.

Dusty i bin stat long raun na singsing long ol so long NSW long 1940s. Long 1951 em i maritim Joy McKean, wanpela kantri singa na bung bilong em i bin wanpela gutpela bung, long sait bilong marit na long singsing tu long ol 52 yia bihainim marit bilong ol.

Dusty i bin wanpela bilong ol top singa bilong Australia husat i bin singsing long opening seremoni bilong Sydney 2000 Olimpiks. Em i bin wokabout raunim trek long stedium na singim *Waltzing Matilda*.

Alistair Jones, wanpela niusman wantaim *The Australian niuspepa* na man husat i save raun wantaim Dusty long ol ples long singsing tu i tok: "Dusty i bin wanpela top singa tasol bikpela samting em em i bin wanpela gutpela poro husat yu ken dring bia wantaim na tok pilai wantaim."

long ol stori insait long ol singsing bilong em.

Dusty i bin amamasim namba 60 eniverseri bilong em olsem wanpela rekoting atis long dispela yia na i bin salim 6 milien albam namel long dispela taim.

Em i bin nambawan singa bilong Australia long winim gold-en rekot long singsing bilong em *Pub With No Beer* we planti manmeri i bin baim long setpela taim tru long 1957. Dispela singsing i

"Dispela de em wanpela de we mipela i sore tru. Dusty em i bin wanpela man husat i bin makim tru ol pasin na laip bilong Australia. Atang yumi ken tok olsem Dusty i bin Australia," sif eksekutiv bilong EMI, John O'Donnell, i bin tok long de Dusty i bin dai.

Dusty i bin bon long liklik taun bilong Nulla Nulla, klostu long Kempsey long noten NSW, i bin kamap wanpela biknem kantri singa na i save karim musik



# OL Pipel bilong PNG: SAPOTIM WOA LONG KORAPSEN!

Bihain taim bilong Papua Niugini i stap long han bilong yupela. Yupela wanwan i save long rait na rong. Yupela bin kisim hevi long korapsen, o yupela i sapotim korapsen.

**NAU em i taim bilong strongim jastis na klinim het.**

**YU inap long mekim senis.**

**YU inap long stapim korapsen, tude.**

Soim sapot bilong yu long Woa long Korapsen na bung wantaim Komyuniti Kolisin Egens Korapsen.

Komyuniti Kolisin Egens Korapsen em i kisim tok orait na sapot bilong Midia Kaunsol bilong PNG.

**Midia em i olsem wasdok bilong yu.** Midia em i wanpela 'was dok' i save lukluk long korapsen na stil pasin insait long komyuniti.

Olsem na mipela i no inap long tokaut long husat manmeri i helpim mipela long stapim korapsen. Lo i lukautim wok na pasin bilong ol ripota long PNG i tok klia olsem:

Ol nius ripota i mas haitim nem bilong ol lain long pablik husat i givim helpim o stori long ol aninit long ol agrimen ol i pasim tok long en.

(PNG Midia Kaunsol Jenerel Kod ov Etiks bilong Nius Midia 12c)

Midia long Papua Niugini i wok pinis long bungim sampela nius ripota long mekim wok painimaut bilong helpim ol manmeri bilong PNG.

**Long autim toktok bilong yupela ol pablik, mipela i laikim ai na iau bilong yupela.**

Mipela i laikim YU long RIPOT long korapsen. Mipela i laikim SAPOT BILONG YU long dispela Wo long Korapsen.

Raitim dispela pepa o fom i stap long dispela pes na salim long pos opis i go long:

**Media Council of Papua New Guinea  
P. O. Box 135 Port Moresby.**

Sapot bilong yu bai helpim mipela long stretim gutpela sindaun long bihain taim bilong olgeta manmeri long PNG.

**Bung wantaim Komyuniti Kolisin Egens Korapsen na Stapim Korapsen Nau!**

## Stopim Korapsen Nau!

### Kamap memba bilong Komyuniti Kolisin Egens Korapsen Nau!

Plis pulapim dispela fom na salim i go long:

**Media Council of Papua New Guinea  
P. O. Box 135, Port Moresby**

Nem bilong yu na olgeta ripot yu givim bai i stap hait.

**1. Yu save sapotim dispela Wo long Korapsen?**

Yes mi sapotim

Nogat mi no sapotim

**2. Korapsen i save givim hevi long yu? Sapos i tru, olsem wanem?**

Raitim liklik stori long dispela inap long 50 wod.

.....  
.....  
.....  
.....  
.....  
.....

**3. Yu laikim bai ol i stretim hevi bilong yu?**

Yes mi laikim.

Nogat mi no laikim.



Ol Pipel bilong PNG

Nem

Telepon

Taun/Viles

Krismas

Man (M)

Meri (F)

Adres na bihain bai mipela rait i kam long yu

.....  
.....

Woa long Korapsen em wanpela han wok bilong Midia Kaunsol bilong Papua Niugini

Media Council of Papua New Guinea, P. O. Box 135 Port Moresby

Phone: 320 2973 Fax: 320 2973 Email: mediacouncil@online.net.pg

**OLGETA TOKTOK MIPELA I KISIM BAI I STAP HAIT**



# Ol trangu man bai go bek long ples

Bangkok:

OL ATORITI i wok long redi long salim ol trangu man bilong Cambodia i go bek long ples bilong ol long mekim siti i luk gut long Asia Pasifik Ikonmik Ko-operesen bung we i bai kamap neks mun.

Foren Minista, Surakiart Sathirathai, i tok ol i bai bungim olgeta ol dispela trangu man na salim ol i go long ples bilong ol bihain long Embesi bilong Kambodia i givim ol tok orait olsem ol dispela man i bilong Kambodia stret na i no ol giaman man.



Ol opisal i wok long rausim ol dok husat i nogat papa na i wok long raun nating long rot na i wok long strongim sekyuriti long siti.

# Turis ronawe long paitman

Santa Marta:


bilong ol na lusim 5-pela, tupela husat i bilong Australia.

WANPELA bilong ol 7-pela turis ol paitman i bin stilim long ol maunten bilong Kolombia tupela wik i go pinis i ronawe long ol.

Ol Indian i bungim em, givim em kaikai na lukautim em inap wanpela ami patrol i painim em.

Dispela man, Mathew Scott, i tok em i no save ol wanem paitman tru i stilim ol.

Taim ol paitman i bin bungim ol long Septemba 12 ol i bin stilim 7-pela



# Pikinini i pait



Kolombia:

KOLOMBIA i gat planti ol pikinini husat i stap insait long ami bilong ol. Planti bilong ol dispela pikinini i gat krismas aninit long 15.

# Lukim na lainim



Australia

BEN Halsall, husat i gat 9-pela kris-mas, i lukluk long wanpela bilong 9-pela weil husat i kam sua long wanpela nambis long Westen Australia. Ol man nogut i bin bagarapim ol dispela weil long stilim tit bilong ol long salim na ol weil i dai long dispela nambis.

# Man kisim det penelti

Bhubaneswar:

WANPELA spesel kot long Orissa long India i givim det penelti long wanpela man Hindu, Dara Singh, na laip kalabus long 12-pela arapela man husat i bin kilim wanpela misineri bilong Australia, Graham Staines, na tupela pikinini man bilong em.

Staines, husat i bin wok wantaim ol man husat i gat leprosi long India inap long 30 yia i wok long slip long kar bilong em wantaim ol pikinini bilong em taim ol dispela man husat i bin holim ol tamiok i kukim kar bilong ol na stopim ol long kam ausait.



Meri bilong dispela misineri, Gladys Staines, i tok em i no bel kros long ol man i kilim man bilong em.

# Noken danis o paitim han long lotu

Vatican Siti:

VATICAN i wok long redi long stopim ol lotu we ol man i save danis long sios, paitim han o yusim ol alta gel i no ol alta boi, Roman Katolik megesin Jesus i bin ripot.



Megasin i ripot olsem Vatican i givim toksave pinis long ol manmeri long toksave long ol sapos ol dispela kain samting i wok long kamap long haus lotu bilong ol.



# Masta bilong senisim pes

Kathmandu:

WANPELA man bilong kilim man na meri long bipo taim Charles Sobhraj i nau stap long han bilong ol plis long Katmandu. Charles Sobhraj em wanpela man husat i kilim planti manmeri long 1970s na save hait na senisim pes bilong em long ol plis. Em i bin go hait long Paris na ol plis i paul olgeta long wanem hap em i stap. Sobhraj i bin kilim 20-pela turis long India, Thailand, Afghanistan, Turkey, Nepal, Iran na Hong Kong long 1972 na 1982.

Em i bin kalabus long 21 yias long Tihar haus kalabus long New Delhi long givim drag long ol turis na stilim moni bilong ol na bihain kilim ol.

Ol i rausim na salim Sobhraj i go long France long 1997 long hap em i wok long mekim moni insait long wanpela haus kaikai long wanwan niusman long peim \$5000 long husat i laik kisim stori bilong em long raun na kilim ol turis. Em i bin salim stori bilong em long \$15 milien i go long wanpela French muvi produsa Yver Renier. Plis i holim em gen long idai bilong wanpela meri Kanada Laddie Du Parr na America gelpren bilong em long 1975 long taim ol i painim ol bun bilong ol.



# Ol yut bung long ELC-PNG nesenel yut konfrens

## Yakam Kelo i raitim

**EVENEJELIKOL** Luteran Sios bilong Papua Niugini (ELC-PNG) i kamapim bikpela nesenel yut konfrens bilong em long Mosbi long las wiken we i lukim moa long 1000 manmeri bilong Mosbi na Papua rijon na klostu 500 yut manmeri i kam long 16 distrik insait long Papua Niugini.

Dispela em namba 11 nesenel yut konfrens we i save kamap long olgeta tupela krismas insait long Papua Niugini.

Na Papua distrik em namba wan taim bilong em long lukautim dispela yut konfrens bihain long dispela konfrens i bin kamap 32 krismas i go pinis.

Sampela i wokabaut na planti i kam long balus na sip long bung long Laloki long las wik Sarere we Papua Distrik i pulim ol delegets bilong narapela distrik i kam insait long ples bilong konfrens.

Ol yut lida na deleget bilong ol i kam olsem long ol Hailans provins, Momase rijon, Niugini Ailan na tu long Papua rijon yet.

Ol yut bilong Mumeng na Ukata long Kabwum long Morobe provins i bin kamap pastaim wantaim sampela deleget bilong Jiwaka long Westen Hailans na Hagen distrik na planti moa i kam long balus long Sarere na Sande long las wiken long sindaun long dispela 8-pela de yut konfrens.

Ol boi bilong Mumeng i bin kamap long opis bilong Wantok niuspepa na stori long wokabaut bilong ol long Wau i kam daun long

Kerema na bungim ol yut long Kerema na ol bung wantaim na go long Mosbi siti.

Wanpela bikpela tingting ol yut bai lainim em long rot bilong kamapim nupela senis long wok bilong ol.

Ol i noken holim yet olupela pasin tasol ol i mas kamapim nupela senis bihainim ol senis bilong tude long sait bilong laip na sindaun.

Dispela em bikos ol yut bai karim sios i go het long bihain taim na ol yet i mas kamapim senis bilong sios i go insait long en long bihain taim planti samting long dispela graun long laip na pasin i senis long bihain taim.

Long dispela rot ol yut i mas redi long kamapim senis na karim senis i go het long bihain taim.

Insait long dispela konfrens bai ol yut i tokaut long ol ripot long wok bilong ol na wanem kain wok ol i bin mekim long distrik bilong ol.

Na tu bai ol i tokaut long ol hevi na ol nupela rot bilong ELC-PNG i ken bihainim long bihain taim long kirapim na strongim wok bilong yut insait long Papua Niugini i go het na strong long bihain.

Dispela konfrens tu bai givim bikpela save na tingting long ol yangpela long lainim na save long wok ol narapela yut i wok long mekim insait long distrik bilong ol wanwan.

Planti yut i kam long ol asples bai lainim gut tru wanem kain program na pasin ol yut long ol taun na siti i save mekim na tu ol yut long ol taun na siti tu bai save long wanem kain program na program ol yut long ples i save mekim.



• Ol yut bilong Mosbi i singsing na welkamim ol arapela yut i kam long ol arapela distrik.

Poto: PAULUS TALI

Wanwan yut lain bai i go pas tu long holim ol lotu na sering long ol felosip bilong apinun na soim ol drama pilai na ol singsing wantaim danis bilong ol.

Wanwan yut bilong wanwan distrik bai i gat ol poin bilong toktok long tokaut long dispela taim.

Ol bai toktok long planti hevi ol yut na famili na olgeta pipel i save bungim tude long laip na sindaun bilong ol na tu tokaut long ol ripot

bilong wok bilong ol long wanwan distrik bilong ol.

Wanem kain hevi ol i bungim na wanem kain sot ol i save bungim na wanem rot ol i mas kisim helpim long stretim ol dispela hevi bilong ol na go het long wok bilong ol.

Bai i gat ol bikpela o ol opisa i makim sampela gavman dipatmen i kamap na toktok tu long ol yut long dispela konfrens bilong ol.

Ol bikman bai i kam

olsem long opis bilong helt na edukesen, lo na oda, sosel konsen opis, agrikalsa dipatmen, sosel na welfea opis na arapela moa.

Dispela em long givim stia na skruim save bilong ol yut long karim i go bek na skulim ol yut membas bilong ol insait long wanwan distrik ol i makim na kamap long konfrens.

Papua distrik i makim NCD, Sentrel provins, Oro, Milen Be, Galp na Westen

provins we ol i go pas long lukautim dispela konfrens.

Ol wanwan kongrigesen insait long Mosbi siti i bin bungim han long bungim ol kaikai na mani bilong lukautim dispela konfrens na ol i amamas long mekim dispela nesenel yut konfrens i kamap gut na pinis gut insait long dispela 8-pela de.

Olgeta delegesen i bung long kem long Laloki yet long ples bilong konfrens.




• Ol sampela bilong arapela distrik i kamap long Mosbi na sindaun redi long bikpela yut konfrens bilong ol long las wik Fraide.



• Wanpela yut grup i redi long soim ol singsing bilong ol.

Ol poto: PAULUS TALI





# NRL - LPV VOT TOKSAVE



Fonde Oktoba 2, 2003

KAUNTING bilong ol vot long NRL-LPV niuspepa ileksen i gohet tudei long Iektorol Komisn long Pot Mosbi.

Nau em i namba 4 dei long dispela kaunting.

Ol vota long olgeta hap bilong Papua Niugini i vot long dispela NRL-LPV ileksen long ilektim husat em i nambawan NRL pilaia long ai bilong ol Papua Niugini manmeri.

Ol nius lain bilong Papua Niugini Midia Kaunsil olsem mipela long Wantok niupepa i wok wantaim Iektoral Komisn long oganaisim dispela NRL-LPV ileksen long soim kantri wei bilong LPV, Limited Preferensel Voting.

LPV em i nupela wei bilong ilektim ol Memba bilong Nesanel Palamen na bai stat neks mun long Abau bai-ileksen insait long Sentrel Provsins.

SIKSEPELA NRL pilaia i stap insait long NRL-LPV ileksen bilong Iektorol Komisn na Midia Kaunsil.

NRL-LPV voting long olgeta hap bilong kantri i stop las Fraide na kaunting i stat long Mande bilong dispela wik.

Iektorol Komisn bai kauntim olgeta vot i go inap long Sande bilong dispela wiken.

Taim National EMTV News i pinis long Sande nait, EMTV bai tokaut long wina bilong dispela NRL-LPV ileksen na tokaut tu long nem bilong wanem laki vota husat i winim bikpela laki prais long vot insait long NRL-LPV ileksen.

Taim dispela i pinis, EMTV bai soim piksa bilong NRL gren fainel long Australia.

NRL i sapotim NRL-LPV ileksen olsem gutpela wei bilong soim Papua Niugini pasin bilong LPV.

LPV em i gutpela we bilong makim ol Memba bilong Nesanel Palamen bikos husat i winim LPV ileksim i mas winim stret ebselut majoriti vot o absolute majority vote long Tok Inglis.

Long Tok Inglis gen, absolute majority vote long LPV em i moa long hap bilong olgeta fomol vot ol kaunting opisa bilong Iektorol Komisn i kandim.

Ol kendidet i no inap win tasol wantaim vot bilong ol sapota, femili, pren o wanpisin bilong ol. Nogat.

Maski kendidet i gat bikpela lain bilong em. Em i no nap win wantaim vot bilong ol tasol.

Em i mas winim planti moa LPV Namba 2 o Namba 3 vot bilong ol narapela vota insait long ileksen long winim absolute majority vote na winim ileksen.

YES. Olgeta Namba 1, Namba 2 na Namba 3 vot bilong ol vota long LPV ileksen i gat pawa tru long ilketim wina bilong ileksen.

Dispela LPV pasin bai mekim na husat i winim ileksen bai makim tru laik bilong olgeta vota insait long ileksen, na i no makim tasol laik bilong ol lain sapota, femili, pren o wanpisin bilong kendidet yet.

LPV i larim ol vota long makim 3-pela kendidet ol i laikim long balot pepa.

Dispela em i wei bilong LPV Namba 1, Namba 2 na Namba 3 vot bilong ol vota.

OL vota mas raitim Namba 1 long boks bilong Namba 1 kendidet ol i laikim, Namba 2 long Namba 2 kendidet ol i laikim na Namba 3 long Namba 3 kendidet ol i laikim.

Noken raitim Namba 1 tasol long belot pepa bilong yu, noken raitim tasol Namba 1 na Namba 2 na noken makim X long belot pepa bilong yu olsem bipo.

Dispela i rong na ol kaunting opisa i no nap kauntim vot bilong yu.

LONG taim bilong kaunting, ol kaunting opisa bai kauntim pastaim olgeta Namba 1 vot o First Preference Vote long Tok Inglis.

Sapos nogat wanpela kendidet i winim absolute majority vote, bai nogat wina na kendidet wantaim liklik vot tru bai aut na pinis long ileksen.

TASOL ol vota bilong turangu ya i no lus yet. Nogat.

Ol i gat pawa yet long ileksen bikos Namba 2 vot bilong ol long Namba 2 kendidet ol i laikim i stap yet long ileksen.

QRAIT nau bai ol kaunting opisa i kauntim Namba 2 vote bilong ol dispela vota.

Dispela samting ol i kolim distribution of preferences long Tok Inglis.

NA gen sapos nogat kendidet i winim absolute majority vote bai nogat wina na kendidet wantaim liklik vot tru bai aut tu na pinis long ileksen.

Na gen ol vota bilong turangu ya i no lus yet long ileksen. Nogat.


Ileksen pawa bilong ol i stap yet long ileksen bikos Namba 3 vot bilong ol long Namba 3 kendidet ol i laikim i stap yet long ileksen.

ORAIT nau bai ol kaunting opisa i kauntim Namba 3 vot bilong ol dispela vota.

Dispela em i distribution of preferences long Tok Inglis.

DISPELA wei bilong kauntim ol LPV 1, 2, na 3 vot bai i go i go inap wanpela kendidet i winim absolute majority vote na winim ileksen.

EM pasin bilong LPV na NRL-LPV ileksen i kamap nau long soim kantri dispela gutpela wei long stretim gut Nesanel Palamen ileksen long makim ol gutpela lida i go long Palamen.



• Prai Minista Sir Michael Somare i makim vot bilong NRL - LPV ileksen.



• Ol manmeri i bin resis long vot long dispela NRL-LPV ileksen. Vot i bin pas long las Fraide wik. Daniel Kura Kipa, wanpela wokman bilong Air Niugini em i lae man long vot. Em i putim vot bilong em i go insait long balot bokis long Brian Bell stoa. maketing Opisa Cheryl Amini na Sir Brian Bell, em yet i sanap na lukluk long sait em Ritening Opisa bilong NRL-LPV ileksen Frank Gabi.



# Black Temple sapotim gutpela sindaun long Bogenvil

Veronica Hatutasi i raitim

LONG musik bilong ol, ol ben o musik grup bilong Bogenvil i pilaim pat bilong ol long autim na karimaut ol aweanes long strongim na skruim wok long painim gutpela sindaun long kain musik ol i save pilaim. Na tu, long strongim intres bilong ol yangpela long lusim ol gan na pait na stretim Bogenvil.

Nau gutpela sindaun i kamap pinis na wok bilong ol musik grup long karimaut ol aweanes long ol hevi long Bogenvil na PNG. Em ol samting olsem HIV/AIDS, strongpela dring na hombru na vailens o pasin bilong paitim meri na moa. Tu, long musik bilong ol, ol bai helpim long wok bilong kamapim nupela Bogenvil.

Foapela Bogenvil ben i bin kam pilai long Mosbi long las mun long wanpela wokabaut ol i kolim long Bogenvil Pis na Yuniti Tua.

Bikpela tingting bilong dispela wokabaut em long resim mani long kirapim Bogenvil Misisen Asosiesen, wanpela bodi we bai lukautim intres bilong ol musik grup long ailan. Narapela em long kisim ol musik man i kam long Mosbi na ol bai save long ol arapela musik grup bilong siti na kantri na las em long lukim, yunaitem na kisim sapot long Bogenvil komyuniti long Mosbi.

Ol ben em long Politix, Nitewoks, Hermitz na Black Temple.

Long Independens De, foapela grup wantaim i bin pairap na kukim nogut tru Yunivesiti Dril Hol long Waigani.

Bogenvil Saun Studios na Menesa Simon Dasiona na Sankamap Invesmen bos Clarence Pokana i bin stretim dispela wokabaut bilong ol Bogenvil musik grup.

Wantok i bin toktok wantaim "Black Temple" ben na kisim stori bilong ol.

Mining bilong Black Temple em ol i kisim long tokples



• Ol ben memba bilong Black Temple.

bilong grup, "Tobar Upe" o "Tumbuna Haus" bilong ol belkman we long pasin kastam, ol yangpela boi i laik kamap man em ol i save stap long dispela haus na inapim ol samting na ol wokim ol tumbuna pasin na samting long soim olsem ol i kamap man tru.

Grup i gat eitpela ben memba na olgeta i kam long Tinputz eria long Not Bogenvil. Ol i save beis long Tinputz stesen yet na pilai long skul, taim ol bikpela samting i kamap long distrik, Buka na ol arapela hap bilong provins

Tim lida em long Peter Aromet na em i bekap vokolis o singa. Daniel Tukana em i namba tu bilong em na em i bosim sait bilong ol atwok. Em i save pilai kibot tu.

Anthony Vito em i lid gitaris, Patrick Aromet em i lid singa, Normol Tola em i beis gitaris, Joe Mateasi em i lid gitaris na drama na William Vailis em i beis gitaris.

Grup i save kamapim ol singsing long Tok Inglis, Tok Pisin na ol arapela tokples insait long Bogenvil na PNG. Na ol i save miksim ol kontemporeri o ples wantaim ol moden o musik bilong ausait

na singsing long kain stail olsem rege, hevi metol na long kain stail we maket i kontrolim. Long wankain taim tu, ol i save laik kamapim balens long stail bilong musik ol i kamapim long en.

Ol bin fomim dispela grup long 1994.

"Tenpela singsing we mipela i bin kamapim long dispela "Spiriti of Peace" album na ol arapela singsing we mipela i save singim long dispela taim na ol yia i kam em i sut long kirapim tingting bilong ol man long wok bilong strongim pis. Mipela i lukim musik olsem aweanes rot long skruim wok bilong pis. Long dispela rot, mipela i pulim planti yangpela pipel long kamaut lusim pait na ol gan na helpim long wok bilong painim gutpela sindaun na tu, kamapim bel isi pasin," Daniel Tukana i tok.

"Mipela i putim bikpela wok long musik bilong mipela long promotim pis," Daniel i tok.

Ol ben memba i bin save pilai wantaim ol wan wan musik grup Ina long taim bilong bikpela hevi, ol bin save singsing yet taim ol ami i singautim ol, ol skul, ol BRA na ol arapela grup moa.

Musik bilong ol i bin strongim tingting bilong ol

yangpela man na ol i stopim pait na sampela i joinim ol, sampela i kisim intres na fomim ol liklik musik grup bilong ol.

"Mipela i lukim olsem musik i helpim tru ol yangpela na givim bikpela sapot long wok bilong pis," Normal Tola i tok.

Grup i bin karimaut ol wok kontrak long Ukai'i na Ramazon Wara bris na mani ol i kisim em ol i bin baim ol instramen o ol masin bilong ben long pilaj wantaim.

Grup i save pilai long resim mani long ol sariti ogenaisesen, ol skul na ol i save sasim liklik fi tasol.


Dispela musik grup i wok long kontribuit long ol arapela sevis eria tu long Bogenvil olsem long sait bilong edulesen.

"Antap long pilaim musik na karimaut ol pis aweanes, grup ya i save skulim ol sumatin ol musik long Ekspresive Ats kias long Tinputz eria. Long dispela rot, mipela i kontribuit tu long humen developmen long Bogenvil. Mipela i save skulim ol yut grup long Wakunai, Tinputz na Buka long drama pilai, musik na maim. Mipela i no mekim musik tasol ol arapela samting tu i sut long amamas," Donald i tok.

## EM TV

<b>Fonde</b> 02/10/2003		9.30 SUNDAY NIGHT MOVIE: THE BACHELOR
5.30 JOYCE MEYER MINISTRY	6.00 NINE'S EARLY NEWS	11.27 EMTV TOKSAVE
7.00 TODAY SHOW	9.00 MALOLO CLUB	11.30 NATIONAL EMTV NEWS REPLAY
11.00 CREFFLO DOLLAR	11.30 EMTV CLASSIFIEDS	12.00 CHURCHES MAGAZINE
2.30 SESAME STREET	3.30 FLINSTONES	12.30 EMTV CLASSIFIEDS
4.00 BUSH BEAT	4.30 HOT SOURCE	
4.47 EMTV TOKSAVE	5.00 BURGO'S CATCH PHRASE	
5.29 NEWS BREAK	5.30 THE PRICE IS RIGHT	
6.00 NATIONAL EMTV NEWS	6.30 A CURRENT AFFAIR	
6.59 NEWS UPDATE IN TOK PISIN	7.00 LOTTO DRAW	
7.01 CHM SUPERSOUND	8.00 SPORTS SCENE	
9.30 NRL FOOTY SHOW GRAND FINAL	11.00 EMTV NEWS REPLAY	
11.30 NIGHTLINE	12.00 EMTV CLASSIFIEDS	
<b>Mande</b> 06/10/2003		5.30 JOYCE MEYER MINISTRY
6.00 NINE'S EARLY NEWS	7.00 TODAY SHOW	9.00 CREFFLO DOLLAR
9.00 EMTV CLASSIFIEDS	10.20 GRADE 7 SCIENCE	11.10 GRADE 7 SOCIAL SCIENCE
11.10 EMTV CLASSIFIEDS	11.50 GRADE 11 MATH A	12.00 GRADE 11 GEOGRAPHY
12.40 EMTV CLASSIFIEDS	2.30 SESAME STREET	3.30 BEETLE JUICE
4.00 WONDER WORLD	4.30 [HOT] SOURCE	4.57 EMTV TOKSAVE
5.00 BURGO'S CATCH PHRASE	5.29 NEWSBREAK	5.30 THE PRICE IS RIGHT
6.00 NATIONAL EMTV NEWS	6.30 A CURRENT AFFAIR	6.59 NEWS UPDATE
7.00 LOTTO DRAW	7.01 PRAISE	8.00 INSAIT PNG
8.35 SOUL CITY	8.57 EMTV TOKSAVE	9.00 WHO WANTS TO BE A MILLIONAIRE
10.00 RPA	10.30 EMTV NEWS REPLAY	11.00 CHM SUPERSOUND
11.30 NIGHTLINE	12.30 EMTV CLASSIFIEDS	
<b>Fraide</b> 03/10/2003		5.30 JOYCE MEYER MINISTRY
6.00 NINE'S EARLY NEWS	7.00 TODAY SHOW	9.00 MALOLO CLUB 'FINAL'
11.00 CREFFLO DOLLAR	11.30 EMTV CLASSIFIEDS	2.30 SESAME STREET
3.30 FLINSTONES	4.00 WONDER WORLD	4.30 HOT SOURCE
4.57 EMTV TOKSAVE	5.00 BURGO'S CATCH PHRASE	5.29 NEWSBREAK
5.30 THE PRICE IS RIGHT	6.00 NATIONAL EMTV NEWS	6.30 A CURRENT AFFAIR
7.01 EMTV TOKSAVE	7.05 DIY RESCUE	8.00 TOK PIKSA
8.30 FRIDAY NIGHT MOVIE: WOLVERINE - Harry Gordini is on his way to Italy for a holiday with his family. On his way he accidently picks up the wrong suitcase which holds in it hundreds of millions worth of new super drug. Now the drug dealers want the drugs back and kidnap Harry's wife and son. But unfortunately Harry isn't just anyone, he's an ex-Navy SEAL and veteran of the Gulf war, code named Wolverine. He successfully rescues his wife and kid from the drug dealers, but unfortunately their problems aren't yet over. Adolfo Jones, the head of the crime organisation, is still at large, and he's being helped by a couple of dirty DEA agents. Once again the drug dealer Jones is able to kidnap his son. So every thing must come down to a final showdown between the Wolverine and Jones. Stars Urbano Barberini, Eric Bassanesi, Alessandro Borgese.	10.30 EMTV NEWS REPLAY	11.00 NIGHTLINE
11.30 TULAIT		
<b>Sarere</b> 04/10/2003		8.00 PLANET FANTA
9.30 PINKY & THE BRAIN	10.00 THE OUTRIDERS	10.30 CHALLENGER
11.00 BURKE'S BACKYARD	12.30 EMTV SPORTS	2.30 GILLETTE SPORTS SPECIAL
3.00 SATURDAY AFTERNOON MOVIE: BEYOND THE PRAIRIE	5.00 ESCAPE WITH E.T.	5.30 FISHING NORTH AUSTRALIA
6.00 NATIONAL EMTV NEWS	6.30 CITY HALL	7.00 AUSTRALIA'S FUNNIEST HOME VIDEO SHOW
8.00 SOUTH PACIFIC MUSIC	8.57 EMTV TOKSAVE	9.30 XENA WARRIOR PRINCESS
10.30 HERCULES: THE LEGENDARY JOURNEY	11.30 EMTV NEWS REPLAY	12.00 TULAIT
<b>Sande</b> 05/09/2003		6.27 EMTV TOKSAVE
6.30 TIM HALL MINISTRY	7.00 IN TOUCH	7.30 IT IS WRITTEN
8.00 BUSINESS SUNDAY	9.00 SUNDAY	11.00 SIGN OF THE TIMES
12.00 BOOTS 'N' ALL GRAND FINAL EDITION	1.00 SUNDAY FOOTY SHOW GRAND FINAL EDITION	2.00 NRL GRAND FINAL DAY - JIM BEAM CUP GRAND FINAL
4.00 PREMIER LEAGUE GRAND FINAL	6.00 NATIONAL EMTV NEWS	6.30 GRAND FINAL PREVIEW
7.00 PREMIERSHIP GRAND FINAL		
		5.30 JOYCE MEYER MINISTRY
		6.00 NINE'S EARLY NEWS
		7.00 TODAY SHOW
		9.00 CREFFLO DOLLAR
		9.30 EMTV CLASSIFIEDS
		10.20 GRADE 7 SCIENCE
		11.10 GRADE 7 SOCIAL SCIENCE
		11.50 EMTV CLASSIFIEDS
		12.00 GRADE 11 MATH A
		12.40 GRADE 11 GEOGRAPHY
		1.30 EMTV CLASSIFIEDS
		2.30 SESAME STREET
		3.30 BEETLE JUICE
		4.00 GOOD SPORTS
		4.30 [HOT] SOURCE
		4.47 EMTV TOKSAVE
		5.00 BURGO'S CATCHPHRASE
		5.29 NEWSBREAK
		5.30 THE PRICE IS RIGHT
		6.00 NATIONAL EMTV NEWS
		6.30 A CURRENT AFFAIR
		6.58 NEWS UPDATE
		6.59 LOTTO DRAW
		7.00 HAUS AND HOME
		8.00 REPORT
		8.27 EMTV TOKSAVE
		8.30 THIS IS YOUR LIFE
		9.30 STINGERS
		10.30 EMTV NEWS REPLAY
		11.00 BABYLON 5
		12.00 NIGHTLINE
		12.30 EMTV CLASSIFIEDS
<b>Trinde</b> 08/10/2003		5.30 JOYCE MEYER MINISTRY
6.00 NINE'S EARLY MORNING NEWS	7.00 TODAY SHOW	9.00 CREFFLO DOLLAR
9.30 EMTV CLASSIFIEDS	10.20 GRADE 7 SCIENCE	11.10 GRADE 7 SOCIAL SCIENCE
11.50 EMTV CLASSIFIEDS	12.00 GRADE 11 MATH A	12.40 GRADE 11 GEOGRAPHY
1.30 EMTV CLASSIFIEDS	2.30 SESAME STREET	3.30 BEETLE JUICE
4.00 GOOD SPORTS	4.30 [HOT] SOURCE	4.47 EMTV TOKSAVE
5.00 BURGO'S CATCHPHRASE	5.29 NEWSBREAK	5.30 THE PRICE IS RIGHT
6.00 NATIONAL EMTV NEWS	6.30 A CURRENT AFFAIR	6.58 NEWS UPDATE
6.59 LOTTO DRAW	7.00 HAUS AND HOME	8.00 REPORT
8.27 EMTV TOKSAVE	8.30 THIS IS YOUR LIFE	9.30 STINGERS
10.30 EMTV NEWS REPLAY	11.00 BABYLON 5	12.00 NIGHTLINE
12.30 EMTV CLASSIFIEDS		

### Sande nait muvi long EMTV



**DISPELA muvi em stori long wanpela yangpela man husat i wok long painim wanpela meri long maritim bihain long tumbuna man bilong em i tokim em olsem sapos em inap long painim wanpela meri bilong maritim, em bai givim US\$100 milien long em.**

Chris O'Donnel, man i ekt olsem Robin long Batman na Robin em i ekt olsem dispela yangpela man, Jimmie Shannon husat i wok long painim wanpela meri long maritim. Planti meri i laik maritim em long mani bilong tumbuna man bilong em tasol. Wanpela pani muvi i soim olsem sampela taim mipela i mas lus tingting long mani tu long painim amamas tru.

### NATIONAL WEEKLY HIT PARADE

Okto 4, 2003  
Sponsa: Twistis

Song	Artist	Last Week	This Week
Miya	Sharzy & Bamzie	1	1(4)
Casino Mama	Banex	2	2(4)
Sobo	Gou Gaoma	4	3
Only Yu	Sharzy & Bamzie	5	4
Iarowari Flower	Nanex	3	5
Toku Tiare	Sharzy	6	6(5)
Nlugini Stylee	Hausboi	8	7
Pusu Image	Original Stirois	10	8
Yumi Bung Wantaim	Avenue Band	12	9
Christina	Crew 5	17	10
Binule	Kool Rootz	9	11
Goi Kiri	Augustine Emil	7	12
Yapma	Bosi Soles	19	13
Way Of Life	Kroz Britz	14	14
Pacific	Sam Sam	15	15
1962	Bahakis Slabs	13	16
Ailan	Hausboi	16	17
Aringe	Mandix	11	18
Nutin Tu Dread	Third Party	0	19
Freedom	Vanessa Quay	0	20

The Weekly Hit Parade is provided by PNG FM.



Nem: Dorcas Amissah  
 Krismas: 23 (meri)  
 Adres: C/- Albert Amissah,  
 University of Cape Coast,  
 University Hospital, W/A  
 Save laikim: Senisim poto, pos  
 kad na ol presen na kuk.

Nem: Albert Amissah  
 Krismas: 25 (man)  
 Adres: C/- Albert Amissah,  
 University of Cape Coast,  
 University Hospital, W/A  
 Save laikim: Pilai basketbol, danis  
 na senisim poto

Nem: Ismael Minao Waipalin  
 Krismas: 20 (man)  
 Adres: Kananda Investment, PO  
 Box 20, Wabag, Enga Province  
 Save laikim: Lainim nupela samt-  
 ing, pilai olgeta spot, go lotu long  
 Sabbath na ridim buk Baibel. Mi  
 save laikim ol yangpela manmeri,  
 lapun na liklik pikinini.

Nem: Masfuat George  
 Krismas: 18 (man)  
 Adres: Kinakatem Village, C/-  
 Biwat AOG Church, PO Box 1149,  
 Wewak, ESP  
 Save laikim: Go lotu, pilai soka,  
 harim musik, wokim bisnis, na  
 mekim penpren wantaim ol meri  
 na rait igokam.

Nem: Alo Tayukbin  
 Krismas: 19 (meri)  
 Adres: Tabubil Engineering Ltd,  
 PO Box 431, Tabubil, Western  
 Province  
 Save laikim: Go lotu long Sande,  
 harim gospel na pop musik, stori  
 wantaim ol pren, lukim ol gems  
 na TV, na raitim leta.

Nem: Bob Boto  
 Krismas: 18 (man)  
 Adres: Waposale Wesleyan  
 Church, PO Box 489, Mt Hagen,  
 WHP  
 Save laikim: Go lotu, pilai ol  
 spot na painim wanpela long  
 poromanim.

Nem: Linus Edy  
 Krismas: 19 (man)  
 Adres: PO Box 1113, Madang  
 Save laikim: Go lotu, mekim  
 penpren, serim tok bilong God  
 long narapela, raitim pas na  
 seninim ol presen na poto

Nem: Tobung Lelepe  
 Krismas: 19 (man)  
 Adres: Kimbe Police Station,  
 PO Box 224, Kimbe, WNB  
 Save laikim: Go raun long bus,  
 painim pisin, pilai soka na ragbi  
 na mekim penpren


Nem: Nima Tapence Yatung  
 Krismas: 27 (man)  
 Adres: Ruango Primary School,  
 PO Box 659, Kimbe, WNB  
 Save laikim: Tok pilai wantaim  
 ol pren na go raun long narapela  
 provins.



LONG bipo tru, i nogat  
 mun i stap antap long  
 skai. Orait em stori  
 bilong em i go olsem  
 long Aitape. I gat wan-  
 pela ples nem bilong em  
 Malol na long dispela  
 hap i gat wanpela man  
 na meri i stap. Tupela i  
 stap na tupela i  
 kamapim tupela pikinini  
 tasol. Nambawan em i  
 man na nambu tu em i  
 meri.

Orait wanpela taim ol i  
 nogat kaikai long wan-  
 pela nait. Papa na  
 mama i tokim tupela  
 pikinini olsem, yutupela i  
 stap bai mitupela i go  
 painim abus long wara  
 na kisim i kam kaikai  
 wantaim saksak. Em  
 nau tupela pikinini i tok  
 orait. Tupela papa na  
 mama igo long wara. Na  
 tu dispela ples i gat wan-  
 pela masalai graun i  
 raun i stap.

Taim papamama  
 bilong tupela i kambek  
 tupela i no pilai pilai long  
 ol abus bilong wara.  
 Tupela i kisim planti tru.  
 Orait tupela i kukim  
 pinis, na dispela man i  
 tokim meri bilong em  
 olsem. Noken singautim  
 tupela pikinini, larim  
 tupela. Tupela i slip pinis  
 na tu kaikai ya bai mitu-  
 pela i pinisim na taim  
 tupela i askim yu long  
 moning long kaikai,  
 tokim tupela olsem mitu-  
 pela ino painim ol sam-



pela abus mitupela i kam  
 nating.

Na taim papamama i  
 stap mekim dispela tok,  
 pikinini man i harim  
 pinis. Na tu i tulait pinis  
 em long moning taim tru  
 na dispela liklik boi i  
 kirapim susa bilong em  
 na i tokim em. Bai mitu-

pela i mas lusim papa-  
 mama bilong mitupela  
 na susa bilong em i tok  
 orait. Tupela i kalap igo  
 daun long windo na ran  
 igo long dispela ples  
 bilong masalai graun.  
 Tupela igo na askim em  
 long helpim tupela. Na  
 dispela masalai graun

ya i askim tupela long  
 wanem samting tupela i  
 laikim. Dispela masalai  
 graun i senisim tupela i  
 kamap yelo. Na dispela  
 liklik boi i askim em  
 bilong wanem, na  
 masalai i tokim tupela  
 olsem em bilong givim  
 lait long yutupela na

tupela i tok yes long em.  
 Olsem taim yu laik luk-  
 luk long mun na yu lukim  
 blakpela samting em  
 tupela liklik boi na susa  
 bilong em. Em tasol stori  
 bilong mi.

Madang  
 Madang provins

# Mi man bilong sem na mi laikim helpim

*Dia Laiplain*

**WANPELA naispela gel stret i stap long skul na mi laik prenim em. Em i gat daun pasin na em i gutpela meri stret. Olsem mi, em i wanpela Kristen tasol em i save sem long toktok long ol man.**

**Mi tu mi sem long toktok long em. Sapos mi askim em long laik na em i tok nogat long mi, bai mi sem pipia stret.**

*Bai mi wokim wanem?*

**HOPEFUL**

*Dia Pren,*

Planti taim i save kamap olsem mipela i save sem long toktok long ol lain we mipela i gat bikpela tingting na laik long ol. Mekim na mipela bai sem long toktok.

Long keis bilong yutupela, yupela ol Kristen lain na yupela i ken kisim helpim long daunim dispela hevi.

Sampela ogenaisesen na sios i save gat ol ektiviti na sans we ol manki man na meri i ken pren nating tasol bipo ol i gat ol spesel prensip.

Pastaim tru, wanem samting yu save long dispela meri? Yu save tu long nem na klas em i stap long en? Yu save tu long lotu em i memba long en? Em i save stap insait long wanpela yut grup?



Sapos yu stap insait long wanpela grup olsem spot, drama o musik, yu ken askim meri ya long kam wantaim yu. Tasol pastaim tu, yu ken tok helo long em taim yu lukim em.

Narapela rot we yu inap long painaut moa long en em long askim narapela husat i save gut long en long bungim yu. Dispela em wanpela gutpela rot long bung long ol lain i save sem bikos i gat narapela man/meri i stap husat i no sem na i gutpela long toktok na i stap long helpim yutupela. Bihain, em bai isi long toktok.

Eksampel em yu ken tokim em long ol sabjek yu laikim long skul na tu, yu askim em wanem ol sabjek em i laikim. Taim yupela i statim toktok, em bai isi long painim ol samting we yupela i ken toktok long ol, ol samting we yutupela i laikim na long dis-

pela rot, yutupela i ken sea long ol pesenel velu na wari.

Tru, taim yu laik save pastaim long narapela, yu save laik lukim ol gutpela sait bilong em. Yumi no laikim ol bai save long ol pasin yu gat i no gutpela tumas.

Tasol taim yumi laikim olsem prensip bilong yumi bai kamap strong, pren i mas save long olgeta sait. Em long gutpela na nogut sait wantaim bikos sapos ol i save gut long yu, ol bai laikim yu.

Tingim, long pastaim, noken tokim em olsem yu gat laik long en. Olsem yu tok, nogut yu sem sapos em i tok em i no laikim yu, na olsem, noken tok samting pastaim.

Long pastaim, traim na save gut long en na serim ol samting we yutupela i laikim na toktok gut long en. Sapos em i laik wokim pren pasin wantaim yu, em bai redi pastaim tasol noken hariapim em. Noken putim em long situesen we em i mas akseptim o rjektim prensip bilong yu.

Em i ken kisim sampela taim long tingting gut na tokaut wanem samting em i laikim, na olsem, givim taim long em. Long wankain taim, stap olsem gutpela pren bilong em.

Wet na lukim wanem samting bai kamap, noken fosim em o yu yet long mekim ol promis nating.

**LAIPLAIN**

**TOKSAVE**

Salim hevi na wari bilong yu i kam long - LAIPLAIN. PO Box 6047. BOROKO. NCD. Yu ken ringim mipela long telipon namba 3260011. Mipela i no inap autim trupela nem bilong yu tasol bai mipela i yusim nem tru na etres bilong yu long salim bekim pas i go long yu.



# TOK PILAI WANTAIM KANAGE OLGETA WIK



**K**anage em wanpela man Tari i maritim meri Hagen na istap long Hagen. Wanpela taim em painim sik na em igo long Kunjip hausik long Banz.

Taim Kanage igo long Kunjip hausik em painim o bungim tupela meri nes sumatin wan-tok bilong em. Tupela askim Kanage olsem yu igat wanem kain sik na Kanage tok mi ino save pispis. Bol bilong mi i solap olsem na mi hat wok tru long pispis na tu olgeta samting.

Tupela nes sumatin rausim bol bilong Kanage na tupela i laik traim putim mabol o snoka bol o olgeta samting ino inap olsem na tupela tingting igo na oporeitim wanpela dok-man na rausim bol bilong dok igo insait long bol bilong Kanage. Na tupela tokim Kanage olsem nau mitupela wantok bilong yu olsem na mitupela helpim yu pinis.

Em nau bai yu pispis gut na tu yu bai istap long narapela mak long abrusim pasin. Tupela tokim Kanage olsem yu istap wan wik long ples yu traim pispis o ol samting i nogut yu kam bek hariap long hausik mitupela bai stap yet long fiksim wari bilong yu.

Kanage igo long ples na sindaun bilong em i bagarap olgeta. Olsem na em i kam bek gen long hausik wantaim traipela komplein.

Ol dokta askim tupela nes na ol tok tupela wantok meri bilong Kanage yet i wok long em. Sori tru tupela meri Tari igo bek long ples na ino pinisim gut skul bilong tupela.

**Michael Yokosy  
Morata, NCD**

Kanage em bilong Kieta long Bogenvil Ailan. Em wanpela hapman stret bilong kilim ol pis long dainamait.

Wanpela taim nau em redim wanpela dainamait na kisim ol mangi igo long basis na sekim ol pis.

Taim ol kamap stret ol lukim planti pis na Kanage em tokim ol bois, stap isi na bai mi

skulim ol dispela pis. Em stretim olgeta samting pinis, em laitim dainamait na sut igo insait long solwara wantaim ol pis.

Em nau ol wet long dainamait long pairap tasol em i no pairap. Ol wet nogat nau na ol mangi stat long wokim fani long Kanage na lap istap.

Kanage belhat tasol kisim wanpela daiving glas putim long pes bilong em na tokim ol mangi long pul igo long dispela hap em tromoi dainamait long em. Ol pul igo na Kanage i go sindaun long nus bilong kanu no suvim het bilong em igo insait long solwara long sekim dainamait bilong em.

Seim taim het istap yet long solwara, dainamait i pairap na Kanage i pundaun igo insait long solwara. Ol mangi tu nau ol paul olgeta bikos Kanage i kamap olsem pis na longlong nambaut na paitim solwara stap.

Ol mangi pul igo na pulim Kanage ikam long kanu na kisim em igo long Tunuru misin stesin. Dispela taim em las taim Kanage i holim dainamait.

**Paolo Mateaku  
Arawa, Bogenvil**

Kanage em bilong Lamusmus ples long Kavieng Nu Ailan provins. Wanpela taim Kanage wantaim meri bilong em tupela igo long taun.

Tupela i pul bihainim rif igo long narapela sait nambis na tupela lusim kanu istap na tupela igo long rot bilong ka. Na tupela i wetim ka long rot. Wanpela ka i kam na Kanage i pasim ka na ka ikam stop long tupela na tupela i kalap long ka na igo long taun.

Apinun nau tupela ikam bek long taun na ka ikam lusim tupela long hap we kanu bilong tupela istap long em. Meri bilong Kanage i kalap i kam daun long ka na lukluk igo long solwara na solwara ino moa orait.

Liklik win na solwara i raf na meri bilong Kanage i pret long olsem na em tokim Kanage olsem bai em i kam bihain. Kanage tokim misis em orait yu slip na tumoro moning yu kam. Na Kanage itok bai mi pul isi isi bihainim rif igo long ples.

Baga pulim kanu bilong em igo daun na stat pul isi isi igo daun long basis na bungim wan-

pela poro bilong em i pul long wanpela liklik kanu bilong em. Poroman bilong Kanage em Pasta na em igo stap long miting na apinun miting pinis na em pul igo bek.

Tupela pul igo na igat hap isave nogut long taim bilong si. Taim solwara i raf si isave igo bam long ston na kam bek. Kanu bilong pasta i liklik na ino nap pul go pas long dispela hap.

Pasta i tokim Kanage olsem bai mi pulim kanu igo antap lusim long nambis na wokabout long poin ston igo.

Yu save long Kanage man bilong strong nating em tokim poro bilong em olsem, yu stap wetim mi long hia bai mi pul long kanu bilong mi igo lusim long hapsait nambis na bai mi wokabout long poin ston ikam na helpim yu.

Poro bilong em wet istap na Kanage i pul igo lusim kanu long sait nambis na wokabout ikam. Em i kam na tokim poro bilong em olsem, bai mitupela holim kanu bilong yu na wokabout long ston igo long sait nambis.

Tupela igo lusim kanu long sait na poro bilong em i pul igo pas. Na Kanage i pul long kanu bilong em na bihainim poro bilong em igo.

Tupela pul igo long wanpela liklik ples ol i kolim Olmex. Pasta igo bungim ol lain famili bilong em long dispela ples na em istap wantaim ol. Na Kanage em pul igo olgeta long hap bilong em.

**Timothy Jogaec  
Kavieng, NIP**

Kanage em i gat wanpela pikinini man igat 5-pela krismas. Dispela Junia Kanage i no go skul yet tasol em i save pinis long kolim na raitim "A" igo inap long "Z" na "1" igo inap long "200".

Wanpela taim Junia Kanage i askim mama bilong em long telepon namba bilong em long wok. Mama i kolim long em pinis na mama i kam long opis.

Ino long taim, Junia Kanage i ring i kam long mama bilong em. Taim mama i askim em i laikim wanem, Junia Kanage i tok em i ring long tok halou tasol.

Bipo Junia i hangap, em askim mama long tupela kwesten. Nambawan i askim olsem wanem feiveret kala bilong mama na mama itok

blu na nambatu em i askim telepon namba bilong papa Kanage.

Mama i givim em pinis na em hangap. Taim wok i pinis na mama bilong Junia i kamap long haus em i lukim long wanpela hap pepa wantaim telepon namba i slip long floa. Namba bilong mama em i raitim long blu, papa Kanage red, anti bilong Junia em blak na haus bilong bubu bilong Junia em orange.

Papa Kanage i wok long tingting strong nau long rausim telepon long haus long wanem Junia i save ring klostu klostu na pinisim unit bilong telepon.

Mama Kanage i laikim telepon i mas stap tasol papa Kanage i mas baim telekad na skulim Junia Kanage long yusim

Olgeta lain long haus i laikim Junia Kanage i mas go skul hariap long wanem olgeta samting ol haus igat raiting long em. Ino husat, Junia Kanage tasol.

**Xena Babu  
Erima, NCD**

Kanage bilong ples Siu na em go marit long narapela ples. Na em gat tupela pikinini boi na tupela pikinini meri na ol save stap long ples.

Yu save paps Kanage masta mainim wanpela haus kunai na ol save stap. Wanpela taim long nait ol slip stap na yu save i laik tulait long en na bikpela kolwin igo insait na holim lapun Kanage.

Kanage i kol nogut tru na i kirap na lukim olsem tulait na em stat long wokim paia na boinim skin stap.

Pikinini man bilong em i kirap na lukim olsem paps Kanage em tupela wil i kam go wansait long trausis na soni boi i pilim sem. Nogut mama wantaim ol liklik kirap na lukim paps, olsem na soni boi i go daun aninit long haus na em lukim paps sindaun wansait.

Em kisim wanpela bikpela stik na sutim stret wil bilong paps Kanage na paps het i spin na em kalap igo antap long misis Kanage na em tok misis 'I want to kiss you'.

**Dips S. Giong  
Finschafen, Morobe provins**

## KANAGE



MI  
RAUN TASOL!  
YU SAVE,  
KAIN BILONG  
EM!!

NOKEN LUS TINGTING/  
SALIM OL PANI STORI I KAM LONG  
KANAGE EM STORI PES BILONG YUMI  
OLGETA YAH!!

### KANAGE WANTAIM PORO BILONG EM GO RAUN LONG SIMBU PROVINS...



AAH, KUNDIAWA!  
FIT NATING TRU,  
YAH!

KUND

### LONG HAP WANPELA LADIN MERI SIMBU GAT LAIK LONG EM...



AYDOO! YU  
BILONG WE  
STRET?!

ER..MI..MI  
BILONG  
MOROBE!

### NAU MERI SIMBU KARIM EM IGO LONG HAUS NA KUKUM KAIKAI BILONG EM NA EM TOKIM EM LONG SILIP LONG HAP...



AYDOO! MI  
GAT LAIK...

AYDOO! MI  
DAINAU!

### NEKS DE PORO BILONG EM IGO SINGAUT LONG KANAGE



KANAGE!  
KIRAP!!  
YUMI GOBEK  
LONG PLES!!

### TASOL NOGAT, KANAGE LAIK STAP BEK...



GO TOKSAVE  
LONG DL LAU  
LONG PLES...  
KANAGE BAI,  
DAI LONG HIA!

# Wok i no ron gut long Tunde taim telefon i no wok

PLANTI bisnis na kampani long Mosbi na arapela hap tu long Papua Niugini i bin bungim bikpela hevi long Tunde taim olgeta telepon na ol rot bilong salim toktok na walis i go i kam i no bin wok.

Planti kampani i bungim hevi tru long mekim ol bisnis bilong ol bikos ol i no inap toktok i go kam long mekim wok o sevis bilong ol i go het long dispela de.

Dispela i bin wanpela bikpela hevi tru planti bisnis na kampani i bin bungim long wok bilong ol bikos i gat ripot olsem ol wok-

manmeri bilong Telikom i bin straik long olgeta hap bilong Papua Niugini.

Dispela straik i kamap bikos long ol wok bilong salim Telikom i go long praivet bisnis o kampani long baim bihain long Gavman i bin salim pinis bilong haus mani, PNGBC benk.

Ol wokmanmeri bilong Telikom i bin askim long sampela samting we i sut long wok bilong ol, pinis pe bilong ol, ol haus ol i stap long en, baim sea wantaim Telikom taim Gavman i salim na arapela hevi na wari bilong ol we ol i

askim Gavman long kam bungim ol na tokim ol.

Dispela hevi i kamap long olgeta opis long Waigani na Boroko eria long Mosbi we olgeta rot bilong toktok na mekim wok o bisnis i bin bagarap tru long Tunde dispela wik.

Long Tunde dispela wik ol wokman bilong Telikom i wok long wok hat gen long stretim ol telefon waia bilong pulim telefon long wok gen long olgeta gavman opis na ol bisnis long Mosbi siti.

# Papalain asosiesen i tok ol i no mani skim bisnis

OL OLPELA wokman bilong PNG Forest Product long Bulolo Morobe provins i kamapim wanpela asosiesen bilong askim kampani long peim gut ol wokman em i pinisim ol bai ol i ken go bek long asples bilong ol wanwan. Ol i kolim dispela asosiesen em; Ex Employees Papalain Association Inc.

Siaman bilong asosiesen Aaron Sambar i tokaut olsem ol i gat moa long

150,000 membas long Lae, Bulolo, Madang na Kainantu na ol i wok long wetim dispela pinis pe bilong ol long kam bai ol i ken go bek long asples o provins bilong ol wanwan.

Mista Aaron i tok asosiesen bilong ol i no wanpela kain mani bisnis we i save kisim mani bilong ol manmeri na givim win mani o interes i go bek long ol long bihain.

Mista Aaron i tok dispela em asosiesen we i

gat ol memba bilong em na ol i wok hat long kisim ol samting we ol i no bin kisim long hatwok bilong ol.

Mista Aaron i tok dispela asosiesen i no wankain olsem arapela kwik mani bisnis olsem U Vistract, Mani Rein na arapela mani bisnis we planti tausen manmeri i bin joinim bipo na lusim mani bilong ol long en.

Mista Aaron i mekim dispela toktok long bekim ripot bilong

Praim Minista Sir Michael Somare we i bin kamap long las wik long ol manmeri bilong PNG i noken joinim o kamap memba wantaim dispela Papalain asosiesen.

Praim Minista i mekim dispela toktok bihain long memba bilong Nawae Wesley Zurenuac na memba bilong Bulolo John Muingnepe i autim dispela toktok long palamen long las wik Trinde.

Tasol Mista Aaron i tok memba bilong Bulolo John Muingnepe i save gut tru long dispela asosiesen olsem na em i mas givim sapot na i noken tok narapela gen long hevi bilong asosiesen.

Em i tok ol i kamap long Mosbi long lukim Praim Minista long dispela hevi bilong ol wantaim PNG Forest Product long Bulolo.

Asosiesen i bin stat long 1991 na ol i bin go long kot pinis long dispela hevi bilong ol tasol kot disisen i no pinis yet na i stap yet wantaim kot, Mista Aaron i tok.



Tekova long ol diwai...

• Ol Isten Hailens nau i go pas insait long bisnis bilong planim diwai long asples bilong ol.

Planti manmeri long Goroka i amamas tru nau long wanem ol pipel tingting tru long lukautim envoirnmen bilong ol long ples. Foto: SAPE METTA

# Japan givim K3 milien long Bogenvil

GAVMAN bilong Japan bai givim moa long K3 milien long helpim pis na gutpela sindaun long go het long Bogenvil.

Ambaseda bilong Japan long Papua Niugini, Katsuo Yamashita na Gavana bilong Bogenvil, John Momis i bin sainim wanpela kontrak long Buka long Mandé.

Embesi bilong Siapan i givim K3,278,000 aninit long Grant Assistance for Grassroots and Human Security Projects seksen bilong ol.

Dispela mani bai go long helpim ol edukesen, helt na infrastraksa projek long Bogenvil.

Tripela skul bai kisim K308,000 bilong stretim ol samting bilong ol long skul na K670,000 bai go long

helpim helt sekta.

Ol rot na bris bilong Bogenvil i kisim bikpela hap long dispela mani. Japan gavman i givim K2,300,000 long Bogenvil gavman bilong stretim ol rot na bris bilong ol.

Mista Yamashita i tok olsem sapos ol dispela projek i pinis, ol pipel bilong Bogenvil bai inap long salim ol pikinini bilong ol i go long gutpela skul na bai ol i gat gutpela helt sevis.

Em i tok olsem dispela mani bai stretim olgeta rot na bris long Bogenvil na kirapim bek ekonomi bilong provins.

Mista Yamashita i tok olsem gavman bilong Japan i bin givim moa mani long Human Security Fan bilong ol bai ol inap long givim moa mani i kam long Bogenvil.

# PNG Waterboard givim tok lukaut long ol wara saplaia

OL PRAIVET kampani husat i save pamim na salim wara i go long pablik i no save tritim gud wara pastaim long ol i salim i go long ol manmeri.

Olsem na PNG Waterboard i tokaut olsem ol bai was gut long ol dispela praivet kampani bai ol i mas tingim ol kastoma bilong ol na tritim gud wara pastaim.

Menesing Dairekta bilong Waterboard, Patrick Amini i tokaut olsem ol dispela kampani i save kam long Waterboard long kisim tok orait long pamim wara na salim, tasol sampela long ol i no save tingting long tritim wara pastaim.

Mista Amini i tok olsem samting olsem 80 pesen long olgeta praivet wara kampani i no save tritim wara bilong ol pastaim long ol i salim long pablik, olsem na ol manmeri husat i dring dispela wara inap long kisim

kain kain sik bilong bel.

Em i tok olsem planti long ol dispela kampani i save pamim wara bilong ol i kam long ol hul long graun na ol han wara, na ol i no save tingting long putim marasin bilong kilim ol binatang nogut insait long wara.

Mista Amini i tromoi wanpela askim i go long olgeta ol dispela praivet wara kampani long luksave na bihainim ol gaidlain i kam long Wol Helt Ogenaisesin (WHO) we PNG Waterboard tu i save bihainim.

"Mipela tingting long laip bilong ol manmeri husat i save dring wara mipela i save givim ol. Olsem na PNG Waterboard i wok long lukluk long was long olgeta ol dispela praivet wara kampani long sekim sapos ol i bihainim ol dispela ol bilong wara," Mista Amini i tok.



• Ol mausman bilong Papalain asosiesen grup i kam daun long Mosbi na lukim Wantok niuspepa long autim wari na tingting bilong ol long kampani we i ken stretim sindaun bilong ol bikos kampani i no bin peim ol gut.

## INTEREST RATE STATISTICS PROVIDED BY THE BANK OF PAPUA NEW GUINEA

**BUSINESS INDEPENDENT MONEY MARKET**

### Rates Quoted for Term Deposits by the Commercial Banks (%)

	Westpac	ANZ	BSP	Maybank
Up to K100,000	(a)			
3-6 months	4.25	4.50	4.00	5.25
6-12 months	4.25	4.75	4.25	5.25
12-24 months	5.25	5.00	4.85	5.50
Greater than K100,000	NEGOTIABLE OR ON APPLICATION			
Indicative Lending Rate (b)	14.95	15.00	13.25	15.00
Passbook Savings (c)	3.00	2.00	1.50	3.25

(a) ANZ rates for up to K50,000. Over K50,000 negotiable or on application  
 (b) Indicative rate upon which lending rate is based.  
 (c) Passbook savings rate is paid only on the minimum monthly balance.

### ANNOUNCEMENT OF GOVERNMENT TREASURY BILL AUCTION RESULTS as at 24/06/2003


Maturity	Weighted average yield of successful bids (%)	Bids received (Kina million)	Successful bids (Kina million)
28 days	18.52	90.92	82.77
63 days	19.06	41.76	40.00
91 days	19.47	41.07	40.00
182 days	19.54	86.89	80.00

### THE BANK OF PNG IS OFFERING THE TAX FREE INSCRIBED STOCK FROM ITS PORTFOLIO

Series	Maturity	Yield (1) (%)	Holdings (Kina)
S242003	1 March 2003	8.45	9,439,300.00
S252004	1 Jun, 2004	8.60	19,193,000.00

For further details & application Telephone: 322 7360 or 322 7271 (1) Tax exempt





WANTOK

KLASIFAID

SAPOS YU LAIK ADVATAIS O SAVE MOA LONG KLASIFAID PES BILONG MIPELA, RINGIM BONNER HUI LONG 325 2500 O FEKS LONG 325 2579  
EMAIL ADRES EM wordadvertising@global.net.pg

## FRI PRAIVET KLASIFAID

## PAINIM PREN

Nem bilong mi em Hepe Maliba (man). Krismas bilong mi 24 na mi mekim wok trening wantaim wanpela kampani. Rait i kam long PO Box 1855, Boroko, NCD. Hobbies bilong mi em wokim fani, go lotu na harim musik.

Single 24 year old male, searching for an 18 to 27 years lady of Milne Bay, Manus or New Ireland and Central origin. Interested person must be single and strictly of slim build, never married. A full-time paid job will be an added bonus. Send photo with contact address and employment details to: Terence Paul, New Guinea Australia Line Ltd, PO Box 145, Port Moresby, NCD.

Nem bilong mi Sixtus Waffi. Krismas bilong 19. Adres: PO Box 3555, Lae, Morobe Province. Hobbies:

Pilai soka na pilai gita. Mi save stadi wantaim Sea World Organization.

Mi painim penpren man o meri. Nem bilong mi Patrick Sari. Mi gat 19 krismas na adres bilong mi em: C/ - Thomas Saking, PO Box 3628, Lae, Morobe Province. Mi save laikim tru long harim musik, pilai spot na rait long ol penpren.

Nem bilong mi Anthony Joel (man). Krismas bilong mi em 17. Mi painim penpren meri o man long krismas bilong ol em 16 igo long 18. Adres bilong mi em: PO Box 1022, Madang. Hobbies em go lotu, pilai gita, laikim ol arapela brata na susa na serim presen

I am David Benbon, age 19 years old single male. I come from West Papua/Irian Jaya. I can speak pidgin, motu, English, Bahasa Indonesia and Malaysia. I seek a female penpal of the

age of 19 to 25 and she must be working and also a christian. My hobbies: reading books, cracking jokes, play soccer, meet new friends, play guitar, go to church and listen to Pacific music. Any one interested, reat to me by this address: David Benbon, C/ - David Inimo, Ruatoka Primary School, PO Box 62, Kwikila, Rigo District, Central Province

My name is Jerry Kipoi and I am 19 years of age. I am a first (1st) year Economic student at the University of Papua New Guinea. I am seeking a female partner between the age of 17 and 25. She must be a student or a working person. My hobbies are: Motor cycling, visiting new places and watching TV. Write to: Jerry Kipoi, Student Services, PO Box 320, University, NCD

Laik baim laptop computer

I am a student at the UPNG. I desperately need a laptop computer.

If yours is on sale or if you know of someone selling it, please I really need it.

Would you please let me know of it. My address is: C/- Student Services, PO Box 320, University of PNG. My name is Den Joe, a humble Morobe

I am looking for a matured female, 18 years to 30 years, single or divorce or friendship.

Must be a student, nursing staff, medical doctor, business women etc.. from PNG or Pacific Island country, European and Asian region. Write to: Ricky G. Nadu, Price Rite Ltd, PO Box 649, Popondetta, Oro Province, Papua New Guinea

Natural Health Product

Mi salim ol marasin bilong Herbs, olsem kain Sexual Enhancer bilong man na meri long K65.00, Noni Juice bilong Cook Island K161.00, Aloe Vera Juice K50.00 1 Litre Australian Made Products, on sale.

Ringim Mr John Piasor long ph: 547 1192. Adres: PO Box 526, Wabag, Enga Province.

## PAINIM WOK



## VACANCY

## VNPF GENERAL MANAGER

Applications are invited for the post of General Manager of the Vanuatu National Provident Fund. It is a legal requirement that only suitable candidate with the following qualifications can be appointed to the post:

- a) He/She must have a degrees from a recognized tertiary institution in one or more of the following disciplines
  - i) business administration
  - ii) accounting, commerce, economics or law
  - iii) other field of study relevant to the office of General Manager; and
- b) Has at least 5 years experience in a senior financial management position.

At least 5 to 10 years of experience at a senior management level in a Provident Fund or Superannuation Industry is desirable.

The General Manager is the Chief Executive of the Fund and an ex-officio member of the Board. Applications should be accompanied with two recent references.

Applications should be addressed to:

**The Chairman  
VNPF Board of Directors  
PO Box 420  
PORT VILA  
Vanuatu**

**Closing date: 31 October 2003**

NB: "Post of General Manager" should be written at the top left hand corner of the envelope containing the application.

## LONG BAIM O RENTIM

## FOR SALE OR RENT



**Portion 343, Milinch of Malahang  
Fournil of Huon, Busus Road  
City of Lae.**

**Old Rothman's office and warehouse totalling 1,322.35 square metres.**

**Ample laydown area, with additional land for future development.**



For further information contact  
Jeremy Burgess General Manager  
Word Publishing on telephone  
325 2500 or fax: 325 2579,  
email: wordgm@global.net.pg.

For inspection of the site  
contact Mal Kero on  
telephone: 479 1433

**WANTOK**

**TREID DAIREKTRI**

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 2500 or Fax 325 2579 EMAIL: wordadvertising@global.net.pg

**ADALT EDUKESEN**

**NASU TECHNICAL EDUCATION AND CONSULTANTS**

- 1. ENROLMENT OPEN FOR TECHNICAL COURSES**
  - Auto Mechanic, Carpentry, Welding, etc...
  - Must have completed grade 6, 7, 8, 9 10 and above
- 2. EMPLOYMENT OR APPRENTISE**
  - Must have completed P.E.T.T. Courses, Vocational Training, I.C.S. etc.....
- 3. CASHIER/SALES COURSE FOR LADIES ONLY**
  - Must have completed grade 6, 7, 8, 9, 10 or above
- 4. SHORT COMMERCIAL COURSES**
  - Stock Taking, Bank Reconciliation, Petty Cash, Management, etc.....
- 5. COACHING OF SCHOOL CHILDREN**
  - Grade 5, 6, 7, 8, 9, 10, Code Students etc.....

Entry test opens for 2003.  
Telephone: 325 9976/326 3477/310 9376  
Location: 4 Mile


**BINS VANILLA**

**BEANS VANILLA PURITAU LTD**

Attention: Vanilla Farmers!!

We buy quality vanilla beans @ good prices.  
Freight FREE  
Tel: 311 2802; Fax: 311 2551  
Email: puritau@global.net.pg

**ELECTRICAL & ACCESSORIES**



Call in and see us For all your electronic needs

- Spare Parts
- Tools
- Equipments
- Repair to TVs, Radios, etc

We are located at the corner of Wards Road and Spring Garden Road, Hohola, NCD.

Ph: 325 1952 Fax: 325 4743

**MINING KAGO**

**THE GOLD PAN**

Liklik Maining Masin bilong Salim  
Proline Gol gredge, 2.5", 3", 4", 5" na 6" hai banka comb, Metol detekta, Silus bokis, Gol dis, Gol wil, Rok krassa, Mekuri ritot na Planti moa ol masin bilong helpim yu kisim Planti gol harap long taim yu wok gol.  
I gat ol sevis long helpim yu painim gol long Ples bilong yu.  
Mipela save baim gol na tu givim skul long Hao long baim na salim gol. Long olgeta Tunde na Fonde mipela save soim ol man we masin bilong mipela i save wok.

Contek Gol Pan  
POM - Phone/Fax: 323 6052 or fax: 325 2959  
Wewak - Phone/Fax: 856 1466

**PISIN TANIM TOK**



**TRANSLATION**

WORD PUBLISHING IS OFFERING TRANSLATION SERVICES, TRANSLATE ENGLISH TO TOK PISIN & MOTU  
FOR MORE INFORMATION CALL BONNER HUI ON  
PHONE 325 2500 OR FAX 325 2579.  
email: wordadvertising@global.net.pg

**BAIM GOL**

**Gol Baia - Metals Refining Operations**

Givim gutpela prais insait long kauntri bilong yumi. Ino namel man ibaim long yu.  
Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani  
P.O. Box 3980, Boroko, NCD  
Papua Niugini

Phone: 325 2647 or Fax: 325 2959

**LITERESI**

**Nesanel YWCA**

i sponsorim wanpela kompetisen bilong ol man na meri husait i winim 18-pela krismas long rait. Dispela em long makim dei bilong Nesanel Literesi wik, we bai i kamap long 8th igo inap long 12th Septemba long dispela yia. Dispela ol man na meri i mas stap long literesi skul o greduet pinis long kain skul.

TOPIK: Wai na em i impotent long mi long save long rid, toktok na rait long inglis? Longpela bilong stori em 1-3 peges. Yu ken rait long tokples, tok pisin o motu.

Sapos yu rait long tokples, givim long pasto, kaunsol o inglis tisa bilong yu long tanim igo long motu, tokpisin o inglis bai ol jas iken ridim. Dispela man o meri mas sain long soim olsem ol i tanim tokples.

Dispela kompetissen bai pas long 17th Ogas long dispela yia.

**MENESMEN SEVISES**



**MANPOWER**

Management Services Limited  
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications  
(Reminders automatically remitted)

Contact: Helen, Liz,  
Telephone: 321 5491 / 321 5492  
Facsimile: 321 5493  
Email: manpower@daltron.com.pg



**ISLANDS HR MANAGEMENT SERVICES LTD**

A bridge to your future career  
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at  
Suit 8 Level 1 Garden City, Angau Drive, Boroko

Email: islandshrmc@datec.net.pg  
PO Box 889, Boroko, NCD  
Ph: 323 4955; Fax: 323 4799

**MARASIN PRODAKS**

**BIO-NORMALIZER**

A Product of Scientific and Medical Research by Dr Jame Akira Osafo, a Japanese renowned Scientist and Doctor.

A PRODUCT THAT HAS ABILITY TO CURE:

- Diabetes, Disease of the Liver, Heart, Kidney, Hepatitis A, B, Paralyze, Epilepsy, Stress, Mental Disorder, High Blood Pressure and much more.

This Nutraciential product is totally safe and use by various age group including pregnant mothers, new born babies, etc...

For more information  
Phone/Fax: 323 1712

Our Office:  
Champion Parade -Town  
Garden City Ground Floor

**PLAWA GADEN**



COUNTRY CLUB

GEREHU WAIGANI BOROKO



- Plants for Sale
- Hire Plants
- Garden
- Maintenance
- Plastic Pots
- Manure

Ph/Fax:  
325 5049

**PRINTING**



For all your Printing Requirements call

**THE PRINTING HAUS**

P.O. Box 6396 BOROKO, NCD  
Ph: 325 2415, Fax: 325 4743

OR

Come in and see us we are located along the Poreporena Freeway opposite SP Brewery, Gordons.

**SKIN PROBLEM**

**SKIN PROBLEMS?**

Specialist skin doctor, Dr. Talvat is now available for Consultation in Port Moresby. Please call Sr Vivienne on 323 6700 or fax 323 0009 for enquiries and appointment. If you have no access to telephone, feel free to visit the PIH Clinic located in the Pacific Pharmacy within the RH Hypermart, Kennedy Road, Gordons.

**SEKANHAN KLOS**

**FRIENDTEX LTD WHOLESALE**  
P.O. Box 5049, BOROKO, NCD  
Ph: 323 1471 Fax: 323 1479

**NEW ARRIVALS**  
and stocks in hand

- J e
- a
- n s
- .
- S
- kirt
- P a
- n t s
- .
- Floopy,
- Hen
- ned
- Shorts
- , Blue
- J e
- a
- n s

**TREID NA EKSPOT**

**FAIRFAX EXPORTS LIMITED**

LICENSED CROCODILE SKIN TRADERS AND EXPORTERS

**We Buy Crocodile Skins**  
MON - SAT

BURNS HOUSE  
STANLEY ESPLANADE  
PORT MORESBY

Tel: 321 4755  
Fax: 321 4751

**X-RAY**

**PORT MORESBY IMAGING LTD**

X-Ray Ultrasound Scanning  
For Employment/Visa/School  
Medicals

- WE ARE FAST
- WE ARE EFFICIENT
- WE ARE THE BEST

Location: Dr. Mola's Hospital, Taurama Road  
Phone: + (675) 325 1140  
Fax: + (675) 325 9740

Email: atanu@online.net.pg



# Ol Spot Dro

## Toksave

Toksave i go long olgeta spot asosiesen insait long Harlans. Momase. Niugini Allan na Sauten rijn olsem Wantok Niuspepa bai amamas tru long yupela i ken salim ol stori bilong gem na ol spot dro o poin lata bilong yupela i kam long olgeta wik. Wantok niuspepa bai amamas long putim ol stori na dro wantaim poin lata bilong yu bai ol membasa bilong yu i ken ritim na save gut long ol gems bilong yupela na taim bilong pilai. Salim ol i kam long:

**WANTOK NIUSPEPA - SPOT**  
**P.O. Box 1982. BOROKO. NCD.**  
**Telepon namba: 325 2500**  
**Fax: 325 2579.**  
**email: word@global.net.pg**

### WIKEN RISAL

#### Ragbi Lig

**NRL**  
 Sydney Roosters 38 d Bulldogs 18  
 Penrith 28 d New Zealand Warriors 20

**League Junior Test (First)**  
 Australian Schoolboys 14 d Junior Kiwis 4

**London British League**  
 Wigan 25 d Warrington 12  
 St Helen 24 d London 6

**LAE**  
**U/17**  
 Spiders 4 d Pirates 0  
 Brothers 6 d Panthers 4

**U/19**  
 Spiders 1 d Brothers 0  
 Bulldogs 17 d Pirates 4

**Reserve**  
 Tigers 14 d Bulldogs 4 (5th play off)  
 Pirates 9 d Brothers 1  
 Crushers 18 d Tigers 16

**A Grade**  
 Spiders 20 d Pirates 16  
 Panthers 34 d Bulldogs 24

#### SOKA

**Lahi**  
**Premier**  
 Unitech 1 d Bismark 0  
 Sobou 0 v Bugandi 0  
 Guria 1 v Mungkas 1

**Women**  
 Mungas 2 d Guria 0

**Port Moresby**  
**Premier**  
 Babaka 1 d Defence 0  
 Cosmos 2 d PS Utd 2

**Womens premier**  
 Lamana 1 d Telkom 0  
 WMI 2 d Cosmos 0

**Australian - NSL**  
 Newcastle 2 d Northern Spirit 1  
 Brisbane Strikers 1 v Sydney Olympics 1  
 Marconi 2 d Wollongong 1  
 Sydney United 2 d Football Kingz 1  
 Perth 3 d Melbourne 0  
 Bye: Parramatta, South Melbourne

**English Premier League**  
 Birmingham City 2 d Portsmouth 0  
 Bolton Wanderers 1 v Wolverhampton Wanderers 1  
 Chelsea 1 d Aston Villa 0  
 Manchester Utd 4 d Leicester City 1  
 Middlebrough 1 d Southampton 0  
 Arsenal 3 d Newcastle Utd 2

**RULES**  
**AFL**  
**Grand Final**  
 Brisbane Lions 134 d Collingwood 84

### RUGBY UNION WORLD CUP

#### Pools & Schedules

#### Pool A

Australia  
 Argentina  
 Ireland  
 Namibia  
 Romania

#### Pool B

France  
 Scotland  
 Fiji  
 Japan  
 USA

#### Pool C

South Africa  
 England  
 Samoa  
 Georgia  
 Uruguay

#### Pool D

New Zealand  
 Wales  
 Italy  
 Canada  
 Tonga

#### Draws

#### Pool A

Date #	Match City	Stadium	Time
10 Oct 1	Australia - Argentina	Sydney Telstra Stadium	20:00
11 Oct 3	Ireland - Romania	Gosford Central Coast Stadium	17:00
14 Oct 9	Argentina - Namibia	Gosford Central Coast Stadium	19:30
18 Oct 14	Australia - Romania	Brisbane Suncorp Stadium	16:00
19 Oct 18	Ireland - Namibia	Sydney Aussie Stadium	20:00
22 Oct 22	Argentina - Romania	Sydney Aussie Stadium	20:30
25 Oct 26	Australia - Namibia	Adelaide Adelaide Oval	15:30
26 Oct 29	Argentina - Ireland	Adelaide Adelaide Oval	18:00
30 Oct 34	Namibia - Romania	Launceston York Park	20:00
01 Nov 38	Australia - Ireland	Melbourne Telstra Dome	20:35

#### Pool B

11 Oct 4	France - Fiji	Brisbane Suncorp Stadium	19:30
12 Oct 7	Scotland - Japan	Townsville Dairy Farmers Stadium	20:00
15 Oct 10	Fiji - USA	Brisbane Suncorp Stadium	17:00
18 Oct 15	France - Japan	Townsville Dairy Farmers Stadium	19:00
20 Oct 20	Scotland - USA	Brisbane Suncorp Stadium	19:30

23 Oct 23	Fiji - Japan	Townsville Dairy Farmers Stadium	20:00
25 Oct 28	France - Scotland	Sydney Telstra Stadium	20:30
27 Oct 31	Japan - USA	Gosford Central Coast Stadium	19:30
31 Oct 35	France - USA	Wollongong WIN Stadium	19:30
01 Nov 36	Scotland - Fiji	Sydney Aussie Stadium	16:00

#### Pool C

11 Oct 5	South Africa - Uruguay	Perth Subiaco Oval	20:00
12 Oct 8	England - Georgia	Perth Subiaco Oval	20:00
15 Oct 12	Samoa - Uruguay	Perth Subiaco Oval	20:00
18 Oct 16	South Africa - England	Perth Subiaco Oval	20:00
19 Oct 19	Georgia - Samoa	Perth Subiaco Oval	20:00
24 Oct 25	South Africa - Georgia	Sydney Aussie Stadium	20:00
26 Oct 30	England - Samoa	Melbourne Telstra Dome	20:30
28 Oct 32	Georgia - Uruguay	Sydney Aussie Stadium	19:30
01 Nov 37	South Africa - Samoa	Brisbane Suncorp Stadium	17:30
02 Nov 39	England - Uruguay	Brisbane Suncorp Stadium	17:30

#### Pool D

11 Oct 2	New Zealand - Italy	Melbourne Telstra Dome	14:30
12 Oct 6	Wales - Canada	Melbourne Telstra Dome	18:00
15 Oct 11	Italy - Tonga	Canberra Canberra Stadium	19:30
17 Oct 13	New Zealand - Canada	Melbourne Telstra Dome	19:30
19 Oct 17	Wales - Tonga	Canberra Canberra Stadium	18:00
21 Oct 21	Italy - Canada	Canberra Canberra Stadium	19:30
24 Oct 24	New Zealand - Tonga	Brisbane Suncorp Stadium	17:30
25 Oct 27	Italy - Wales	Canberra Canberra Stadium	18:30
29 Oct 33	Canada - Tonga	Wollongong WIN Stadium	18:30
02 Nov 40	New Zealand - Wales	Sydney Telstra Stadium	20:35

#### Quarter finals

Nov 8  
 1st Pool D - 2nd Pool C  
 1st Pool A - 2nd Pool B

Nov 9  
 1st Pool B - 2nd Pool A  
 1st Pool C - 2nd Pool D

#### Semi Finals

Nov 15  
 Winner QF1 - Winner QF2

Nov 16  
 Winner QF3 - Winner QF4

3rd & 4th Placing  
 Nov 20  
 Loser SF1 - Loser SF2

#### Final

Nov 22  
 Winner SF1 - Winner SF2

## HAP SPOT NIUS

### Agassi, i no inap pilai long Yurop

WASHINGTON: Adre Agassi. namba wan Amerika tenis pilaia i kam aut long tripela Yurop tonamen we bai kamap long dispela mun.

Em i kam aut long wanem em i laik stap sampela taim wantaim famili bilong em.

Agassi husat i marit long olupela wol tennis pilaia bilong ol meri, Steffi Graf, i laik stap wantaim em long dispela taim Steffi i redi long karim namba tu pikinini bilong tupela.

"Mi sori mi bai i no inap long pilai long Stockholm tonamen tasol mi ting mi bai kam bek wantaim gutpela tingting," Agassi i tok.

Agassi bai mas pilai long TMS Madrid long 13-19 Oktoba, Stockholm Open 20-26 Oktoba na TMS Paris 27 Oktoba-2 Novemba. Tasol dispela nau i no inap kamap long wanem em bai stap wantaim famili bilong em.

Narapela taim ol i makim em long pilai em long Tennis Mastas Cap long Houston, Texas (Amerika) long Novemba.

Agassi bipo i wol namba wan tasol nau i namba foa. Nau yet em i sempion bilong Australia Open. Em i kisim \$US1.83 milion olsem total prais mani long ol tonamen em i pilai long 2003.

Agassi na Graf i marit long 2001 na tupela i gat wanpela pikinini em nem bilong em Jaden Gil.

### Australia redi long pait egensim teroris long taim bilong Ragbi Wol Kap

SYDNEY: Sydney i holim wanpela bikpela kaunta terorism trening long redim em yet sapos teroris pasin i kamap long Ragbi Wol Kap taitel we bai kamap long Sydney long dispela mun.

Dispela operesin i winim operesin bilong Bali boming na long Sydney 2000 Olympiks.

Ol i ranim kainkain helikopta na bot long mekim dispela trening bilong ol.

Trening i laik bai ol komandos i mas kisim o holim pasim ol haus i stap long Garden Island Naval Base long Sydney Harbour bris.

Australia Ami na ol spesel polis fos i bungim tingting wantaim na kamap wataim dispela trening.

"Dispela em wanpela ol kain ekseesai ol i save holim we mipela i mekim bilong redin mipela long teroris atek," Spesel Operesin Komanda bilong Australia Ami Jenera Mesa Duncan Lewis i tok.

### Gordon Talis lusim tim

BRISBANE: Gordon Talis, husat mas go pas long ol Kangaroo long Inglan na Frens long narapela mun bai i no inap go wantaim tim.

Talis husat krismas bilong em i 30, i ritaita long las wik i tok bodi bilong em i no inap moa long mekim wok bilong klab (Brisbane) na Kangaroos.

Man husat Australia i save tok em i wanpela man bilong brukim strongpela banis long ragbi lig pilai nau i tok em i no inap long mekim moa long wanem bodi bilong em i n. moa strong "Go pas long Australia long wok about bilong Kangaroo i bikpela samting long mi tasol bodi bilong mi i tok em i no inap long mekim wok moa," Talis i tok.

"Mi gat wanpela moa yia long kontrak bilong mi wantaim (Brisbane) Broncos na mi laik pilaim long dispela sisen (2004) wantaim olgeta bel na tingting na mi laik lukim dispela i kamap," em i tok.





• Stail ragbi tas tim bilong ol meri long Madang taun. Go long pilai graun na lukim gem bilong ol. Foto: MICHAEL NOVINGU.

# WIKEN SPOTS EKSON



• Fredda Jerom bilong Cosmos i laik mekim baiskol kik tasol i no inap. Ol fulbek bilong WMI i pasim em gut tru. WMI i winim dispela long wiken 2-0.


• David Kaiabe bilong Souths i laik brukim banis bilong ol Brothers long Mosbi lig resis. Souths i autim ol Brothers long go insait long gren fainels tasol pilai ino kamap long las wiken bikos ol i no peim K2,000 fain moni bilong ol.



• Priscilla Raepom bilong Post Courier i redi long tromoi bai long wan tim bilong em. Ol i salensim Brian Bell insait long Pom Praivet kampani netbal resis. Brian Bell i winim dispela gem long Sande las wiken. 16-9.

• Kam na kisim bal! Yangpela Parapa bilong Taurama 1RPIR tim i kisim bal na train na abrusim birua bilong em ol Chariots. Chariots i winim-gem, 80-66.

• Tupela het i laik pas. Paula Paterson bilong Yunivesiti long raithan i laik rausim bal long het bilong em. Tupela tim i dro long 0-0 insait long Pom soka resis long Sarere. Yuni i kamap maina prima.



• Steven Mali long lephan bilong Yuni i ron i go long rausim bal long pilaia bilong Defence. Tupela tim i dro long 0-0

• Yu laik go we ah? Fulbek bilong ol Brothers Felix Tangue i painim hat long klia long han bilong ol South pilaia Ray Thomas.

• Lusim em bal bilong mi! Post Courier na Brian Bell i mekim save long las wiken gem. Brian Bell i winim dispela gem. 16-9



# Madang eben ragbi tas gren fainel

## Michael Novingu i raitim

MAC em i sempion bilong Madang taun ragbi tas bihain long ol i autim Left Overs 7-5 long gren fainel pilai long las wik.

Na long open meri divisen Left Overs i winim Stingers 5-4, long open miks Stingers i nekim Left Overs 4-3.

Moa long 500 manmeri i kamap long lukim ol dispela pilai we i kamap long Yabong spots graun.

Namba wan pilaia awod long wan wan divisen em Macca Gee bilong

Mac 49 long open man divisen, Robina Banganani bilong Left Overs long open meri na John Aban bilong Stingers long open mix.

Presiden bilong Madang Eben Ragbi Tas asosiesen Ivan Mulul i tok amamas long ol pilai i kamap gut na i tok tenk yu long ol manmeri husat i bin go long lukautim ol dispela pilai. Em i tok gupela tru olsem i nogat hevi i kamap long taim bilong ol pilai.

Seleksen komiti i makim pinis ol pilaia na salim pinis tim i go long nesanel ragbi tas sempionsip we i wok long kamap long Rabaul long dispela taim.

# Baro i king na kwin bilong Vanimo skul soka na volibal

## Ari Haba i raitim

BARO Praimeri Skul i daunim Vanimo Praimeri Skul 2-1 long kamap sempion bilong skul boi soka insait long Vanimo distrik.

Na ol meri i rausim tiket bilong Vanimo Hai Skul 2-nil set.

Ol dispela pilai i bin kamap long Vanimo pilai graun long Independens wiken we ol mangi i pilai soka na ol meri i paitim volibal.

Long soka Baro na Vanimo Praimeri Skul i kamap bihain long Baro i autim Dapu Praimeri Skul na go insait stret long gren fainel. Vanimo Praimeri i pilai wantaim Vanimo Hai Skul na i autim ol. Vanimo Praimeri gen i pilai wantaim Dapu Praimeri na Vanimo i pinisim win bilong ol. Long dispela taim Vanimo i bung wantaim Baro long gren fainel.

ol narapela skul we i kamap long ol dispela pilai em Lote na

Damili Praimeri Skul.

Ol oganaisa na Edukesen opisa i amamas long kamap bilong ol dispela pilai. Advaisa bilong Edukesen Ignas Wunum i tokim ol mangi olsem spot em i wanpela bikpela samting long program bilong skul na em i wok strong long lukim ol mangi i pilai long ol spot.

I gat ol narapela pilai olsem basketbal, baik resis na kros kantri tu i kamap.



• Junia volibal tim bilong Baro Praimeri skul i kisim bikpela sapot i kam long ol wan-skul bilong ol taim ol i pilai insait long gren fainel egen-sim Vanimo. Ol i win 2 sets - 1 set.

Poto: ARI HABA

## Oro provins i redim tim

ORO provins i tokaut long tim bilong em long go pilai Jong namba wan PNG provinsel spot we bai kamap long Goroka long narapela mun, Novemba 10-16.

Mak olsem 150 man na meri bai mekim tim we ol bai pilai long volibal, basketbal, soka, ragbi tas, netbal na dart.

I gat tim bilong man na meri long wan wan pilai.

Ol spots opisa long provins i kamapim tim bihain long ol i holim wanpela provinsel pilai long Popondetta las wik.

Long pinis bilong ol pilai etministreta bilong provins, Raphael Yibmaramba, husat kontrak bilong em bai pinis long tupela wik taim i tok em i amamas long gupela kamap bilong ol pilai we i no bin gat inap taim na samting bilong redi bipo long ol i kamap.

Yibmaramba i mas givim ol tropi em i bin baim long Pot Mosbi tasol dispela i no kamap long wanem Air Niugini i abrus na i no kisim i go.

Em i tok sori long dispela asua na long wankain taim tu i singaut long ol politisen long ol i mas strongim pasin bilong pilai long provins.

"Mipela olgeta (lidaman) i no helpim yupela. Pilai em i bikpela samting na i bungim yumi wanpela olsem kantri. Tasol ol politisen bilong yumi i no luksave long dispela samting," Yibmaramba i tok.

Em i tok i sem long lukim olsem ol lidaman i save givim mani long ol narapela samting tasol kam long sait bilong spots o pilai i nogat tru.

Na em i askim ol wan wan kaunsil long putim spot i go insait long baset bilong ol long narapela yia long givim mani.

Long ol pilai yet i luk olsem planti ol tim long taun i winim ol tim bilong ples.

Ol i pinisim gut netbal, volibal, tas

na dat tasol ol i no pinisim soka na basketbal bikos i gat sampela hevi i kamap.

Kodineta bilong ol pilai Joe Mokada i tok ol pilai i bin kamap gut na em i amamas. Tru i no bin gat inap mani long kamapim ol dispela pilai, em i tok.

"Dispela em i mak we i soim olsem spot i bungim yumi olsem wanpela na i no bruk. Em i kamap long hatwok bilong ol yangpela, ol sios, meri na komyuniti. Man i save kamap gut taim em i mekim o stap insait long kain samting olsem spot. Em i wanpela samting we i kamapim gupela sindaun long komyuniti. Taim ol man i stap strong na i stap gut ol i ken mekim ol arapela samting. Long spot ol yangpela i ken kamapim gupela tingting," Mokada i tok.

"Salens nau i stap long han bilong ol LLGs, spot etministretas na sub-distriks long lukautim dispela tingting na strongim.

Na long pinisim ol pilai deputi etministreta Dudley Aiwa i salensim ol pilaia olsem ol i mas mekim gut long ol pilai long Goroka na givim nem long provins.

Dispela namba wan PNG Provinsel pilai i namba wan taim long kamap.

Long ol dispela pilai ol oganaisa i laikim bai olgeta spot manmeri long kantri i gat sans long makim hap bilong ol na pilai long ol bikpela gems. Long wankain taim tu ol opisa bai i gat sans long painaut long ol gupela spot manmeri, kisim ol, putim ol long developmen trening program bilong ol na redim ol long ol i ken makim kantri long ol narapela bikpela pilai.

Mani bilong ispela pilai em i kam long PNG Silva Jubili Spots Program. Dispela mani (\$Aus3m- K7m) em Australia Gavman i givim olsem presen long Papua Niugini long ronim ol spots na wok bilong spots long kantri.

# Inta wod spots i kirap long Goroka

## Sape Meta i raitim

OL nupela we bilong pilai long Goroka, Isten Hailans provins i wok long kirap na ol yangpela long taun na long ol ples wod eria bai i ken stap long ol na amamas.

Ol lokel komyuniti spots kodineta wantaim helpim bilong ol wokman bilong Nesanel Spots Institut (NSI) i kirapim pinis inta wod spots we i lukim tripela spots olsem volibal, basketbal na ragbi tas i go pas long dispela yia.

Dispela program i stat wantaim ol tripela pilai tasol na bihain bai

kamapim moa ol kain pilai long program.

Long las tripela wik 8-pela tim long wod 3 na 4 i pilaim basketbal, volibal na ragbi tas long divisen bilong ol man na meri.

Long las wik ol dispela tim i pilaim gren fainel pilai bilong ol. Bihain long ol gren fainel i gat presentasin.

Kodineta bilong ol pilai Geoffrey Gideon i tok em amamas tru long lukim ol yangpela i pilai gut tru long ol dispela spots.

"I tru olsem taitel em i nupela ol spot em i wankain tasol. Na yumi statim long liklik wei.

Tasol long ol yia i kam bihain yumi bai gro bikpela," Gideon i tok.

Na tonamen dairekta Peter Aglua i sapotim dispela toktok na i tok olsem long olgeta bikpela samting em i mas stat liklik.

Na em i singaut i go long ol yangpela olsem husat bilong ol i bihainim pasin i no stret i mas lusim ol dispela samting na tek pat long ol dispela spot.

"Inta wod spot em ino samting bilong ol lain long taun tasol, nogat. Em i bilong yumi olget-long grassrut level na kam antap long olgeta kain level," Aglua i tok.



• Midfilda bilong Yunivesiti Steven Mali i traim long stapim bal long tupela Defence pilaia. Tupela tim wantaim i strong na dro 0-0 las Sarere long mesa semi fainel bilong PMSA primia divisen.

# Netbal sempionsip kamap long Lae

Paul Zuvani i raitim

MOA long 1000 meri long 14 asosiesen i kamap long dispela wik long Papua Niugini Netbal Federesen junia na sinia nesanel sempionsip long Sir Ignatius Kilage Stadium, Lae.

Ol dispela pilai i stat long las Tunde na bai pinis long dispela Sande.

Julienne Maliaki, Kodineta bilong ol pilai, i tokim Wantok olsem 600 junia pilai i kamap long pilai long anda 13, 15, 17 na 21 divisen na long ol sinia pilai em 400 pilai i kamap long A gred, B gred na Mastas divisen.

Ol asosiesen husat i kamap long pilai em Alotau, Bogenvil, Hiri, Lahi, Lorengau, Malasab, Mt Hagen, Morobe Kantri, Oro, Poreporena, Pot Mosbi, Sentral, Tabubil na Wes Niu Briten. Olgeta dispela asosiesen i afiliet long PNG Netbal Federesen.

Maliaki i tok Goroka wanpela afiliet tasol i no inap kamap long wanem ol i statim tasol kompetisen bilong ol.

"Ol narapela senta olsem Madang i no kamap long wanem ol i no afiliet long mipela. Madang em wanpela senta we i gat nem long netbal tasol i luk olsem ol i no moa ranim gut pilai bilong ol olsem na ol i no afiliet," em i tok.

"Long ol dispela pilai Pot Mosbi i go insait olsem sempion bilong sinia divisen na Lae i go insait olsem sempion bilong junia divisen. Tasol kompetisen i strong olsem na planti ol

senta i redi long winim taitel. Strongpela pilai i kam long Niugini Ailans, Hiri na Sentral.

Maliaki i tok bikpela wok bilong federesen long dispela pilai em long "talen aidentifikesin," painim ol meri i gat save na i ken pilai gut tru. Dispela wok painimaut bai i kamap insait long junia pilai.

"Taim mipela i painim ol gutpela pilai mipela bai kisim ol long junia developmen trening program bilong mipela. Na sapos ol i stap gut ol bai makim kantri long ol pilai. Ol dispela pilai tu taim ol i go bikpela ol bai makim kantri tu long sinia divisen.

"Long pilai bilong anda 21 mipela bai makim tim we bai i makim kantri long go pilai long wol series long Cook Ailans, neks yia. Mipela i laik yusim dispela sempionsip long redim wanpela gutpela tim," em i tok.

Narapela samting em i tok em long ol i lukluk long riviium straksa bilong netbal federesen na Mama Lo bilong federesen.

"Long rivium straksa em mipela i laik bai wanpela provinsal grup tasol bai makim provins na afiliet long mipela. Mipela i no laikim planti. Nau yet planti ol asosiesin long wanpela provins i ken afiliet. Mipela i no laikim dispela, mipela i laikim wanpela," Maliaki i tok taim em i givim tok piksa.

"Dispela long wanem mipela i laik bai kompetisen i strong na level bilong kompetisen tu mas i stap antap. Na long ol asosiesin i afiliet long federesen ol i mas i gat inap namba long wanwan long divisen.

# PMSA sasim PS United klab

POT Mosbi soka eksekutiv i no kamap yet wantaim wanpela disisen long mekimsave long Boroko Foodworld PS United klab long asua bilong ol sapota bilong em.

Tasol em i mekim sas olsem ol sapota bilong United klab i singaut nogut long refri we i mekim em i pret long lukautim pilai.

Eksekutiv bai mekim disisen bilong em bihain long em i kisim ansa bilong klab long wanem mekimsave em bai mekim long ol sapota bilong em.

Eksekutiv i bung long Mandena i tok ol ofisa bilong United i mas raitim pas long ol na bekim sas bilong ol olsem ol sapota bilong ol i mekim singaut nogut long sinia referi Saliu Sosogan. Dispela i mekim na Sosogan i pret long laip bilong em na i no lukautim pilai long narapela 10 minit gen.

Pilai bilong United wantaim Cosmos i dro 2-2 long luk taim na eksekutiv i laik painaut husat i wina bilong dispela semi fainal pilai na olsem ol i givim narapela 10 minit moa long pilai.

Tasol dispela i no kamap taim Sosogan i go aut long fil wantaim tupela lainsman bilong em.

Long lukluk bek long asua bilong United sapota eksekutiv i tok: "Mipela i lukim dispela pasin bilong stapim pilai wantaim Cosmos na

Boroko Fudwol PS United olsem em i pasin nogut.

"Fes samting em i olsem referi Saliu i stapim pilai long luk taim taim tupela tim i 2-2 na long dispela taim ol sapota i mekim ol tok nogut. Dispela i mekim i hat long (Sosogan) long lukautim pilai.

"PMSA disiplinari na apil komiti i putim daun ol sas long klab i gat dispela hevi. I nogut wanpela disisen i kamap yet (long sait bilong PMSA). Toksave i go pinis long klab we i gat dispela hevi long em kamap na bekim ol dispela sas long Fonde 2 Oktoba.

PMSA i sasim Klab PS United long lukautim ol sapota bilong em. I gat save olsem i gat lo long FIFA (Federesen bilong Intanesel Futbol Asosiesen) long ol sapota husat i save mekim pasin nogut. PMSA i no kamap yet wantaim disisen. Hevi nau i stap long han bilong PSUnited long givim ansa bilong em long ol dispela sas.

"Sapos (dispela) pilai i kamap gen long Sarere orait em bai kamap pas na ol sapota i no inap long kisim tok orait long go insait na lukim pilai. Dispela lo i stap wantaim FIFA long stapim ol kain sapota we kain pasin i no ken kamap long ol ofisa bilong pilai na ol pilai yet. Narapela samting em eksekutiv i ken givim win i go long narapela klab (long dispela kes em bai Cosmos).

"PMSA pilai i bin ron gut tru long yia tasol kain hevi i kamap long wiken i namba wan taim tru long sisen. Eksekutiv i givim toksave long klab olsem kain pasin bilong sapota i mas pinis olgeta. United eksekutiv i mas givim ansa bilong em long dispela wik yet.

Long wanem disisen i kamap wanpela bilong ol tupela klab (Cosmos na United) bai pilai wantaim LBC Defence long painim namba tri na foa posisen. Gren fainal pilai bai i stap name long ANZ Yunivesiti na Babaka.



• King bilong Vanimo Pikinini soka, Baro Pramereri skul.

# PMSA meri pait long gren fainel

PNG Soka kwin na PMSA maina primia tim ANZ Yunivesiti bai i pilaim Lamana GFN long dispela wiken insait long womens primia divisen long Pot Mosbi Soka preliminari final.

Husat i winim dispela gem bai go stret long gren final long tupela wik i kam. Kepten bilong ANZ Yunivesiti Serah Guyu em i wanpela pilai we Lamana i mas was gut tru long em.

Em i save sanap long midfil na i save givim gutpela bal tru long ol sentrel straikas bilong em yangpela Tokoe Norrie wantaim Maryanne Padio. Long flenk bilong Uni em Margaret Garibo na Lynna Waho bai i givim bikpela het pen long ol beklain bilong Lamana. Long expiriens long beklain, Uni i gat ol pilaias olsem Lisi Lakasa bai i stap long swipa, Josephine Waiwai i bosim stopa, na long rait na lef beks em Charlene Lawton na Juanita Kalip.

Stail meri Roxanne Komeng bai i putim strongpela banis na sanap olsem namba wan gol kipa bilong Uni. Ol dispela meri ANZ Yuni i bin pilai gut tru long sempionsip long Lae na winim dispela taitel long Telikom. Kam bek long Pot Mosbi, Telikom i pilaim ANZ Yuni long lukim husat bai i kamap maina primia bilong Pot Mosbi Soka. ANZ Yuni i

bin winim dispela gen na sindaun wetim wina bilong las wiken gem em Telikom na Lamana we Lamana i win na na bai bungim Yuni nau.

Long sait bilong Lamana, em golkipa bilong ol Tina Davies bai igo pas long ol yangpela gels bilong em. Long las wik ol i pilai gut tru na daunim Telikom wantaim wanpela gol. Maski Telikom i pilaim gutpela na stail futbol, ol i painim hat long skorim gol. Long winim dispela gem, Lamana i mas stopim ol birua long hafwei lain na noken larim Norrie na Padio raun long laik long sait bilong Lamana. Midfida bilong Lamana Marybah Steven na Fiona Waram i mas givim gutpela bal long sta strai-ka Ambang Eric na Pauline Boyamo long skorim gol bilong ol.

Husat bilong dispela tupela tim i lus bai i mitim wina bilong gem namel long WMI na Telikom. Long dispela gem yet bai i gutpela tru long lukim long wanem lusa bai i tok gut-bai long PMSA fainels. May Liosi bai i go pas long WMI wantaim tupela Modagai sistas Melanie na Petronilla long pinisim Telikom long fainels. Tasol Telikom tu i gat tingting long kambek bihain long ol i lusim tupela gem bilong ol. Straikas bilong Telikom Regina Sui na Cecilyn Dobbins i mas bungim tingting long skoa.

**WINIM**  
**K250**  
**PRAIS MONI**

**PAINIM BAL**  
**RESIS NAMBA 7**

**RUL BILONG PILAI"**

1. makim X long poto yu ting bal i stap long en insait long bokis stret.
2. makim X long pen tasol.
3. Katim poto long sisos na salim long **PAINIM BAL RESIS NAMBA 7** Wantok niuspepa. P.O. Box 1982, Boroko NCD.
4. Nambawan entri i makim stretpela hap bai i stap, em bai win.
5. Las de bilong kisim ol entri em pinis bilong olgeta mun.
6. Long Wantok bilong Januari 30 bai gat niupela K250 prais moni resis. Bai gat reisi bilong olgeta mun i go inap mun Desemba, 2003
7. Disisen bilong komiti i makim wanpela wina em fainol.
8. Wina bai kisim sek mani, na i no long kes moni.
9. Sapos nogat wina bai skruim win moni i go antap long narapela resis.
10. Yu ken salim moa longwanpela entri, tasol noken yusim poto kopi.
11. Ol wokmanmeri na pikinini bilong Wantok niuspepa i no stap long dispela resis.

Raitim nem na adress bilong yu long hia

Nem:.....

Adres:.....Krismas:.....





# Panthers bungim gren fainel bihain long 1991

PENRITH Panthers bungim Sydney City Roosters insait long gren fainel bilong NRL bihain long 1991 taim em i bin winim gren fainel long dispela taim.

Panthers i soim strong bilong em bihain long planti nupela senis long dispela yia wantaim nupela kosa bilong ol John Lang na ol sampela nupela pes long Penrith klap.

Long dispela yia kepten na hapbek bilong Panthers Craig Gower i winim namba wan awod bilong top hapbek bilong dispela yia na tu top pilaia bilong dispela yia.

Faivet Preston Campbell tu i gat nem olsem wanpela top faiveit bilong NRL long dispela yia. Tasol kepten bilong Sydney City Roosters Brad Fittler i kisim top awod bilong faiveit bilong dispela NRL long dispela yia.

Panthers i stap wantaim planti amamas bihain long ol i

winim maina primiasip taitel bilong dispela yia na taim kosa na ol pilaia bilong ol i winim ol top awod bilong NRL. Las wik win bilong ol egensim New Zealand Warriors 28-20 i soim tru strong na pawa bilong ol long winim NRL primiasip taitel long dispela yia.

Roosters em sempion bilong las yia na em bai strongim taitel bilong em gen long dispela yia. Ol i winim Canterbury Bulldogs 28-18 long go insait long gren fainel long dispela wik wantaim Panthers.

Roosters i nogat wanpela bikipela hevi long tim bilong em long sait bilong ol pilaia i bagarap.

Panthers tu i nogat bikipela bagarap long ol pilaia bilong ol tasol fowet Tony Puletua i bin wokabaut krangi liklik i kam ausait long pilai graun long las wiken taim ol pilai wantaim Warriors. Tasol i nogat ripot olsem em i orait o em i gat

bagarap long lek bilong em.

Tupela tim wantaim bai pilai strong tru na dispela bai wanpela bikipela na hatpela gem tru. Ol fowet bilong tupela tim wantaim i strong na i gat spit. Ol beklain tu em ol top pilaia nau i save pilai gut tru long olgeta gem bilong dispela yia.

Fulbek Rhys Wesser bilong Panthers na Anthony Minichiello em tupela top fulbek bilong NRL long dispela yia we tupela i save pilaim top gem tru long ol gems bilong ol i kam inap nau long taim bilong gren fainel.

Roosters senta Shannon Hegarty na Ryan Girdler bilong Panthers tu i pilai hat tru long ol gems bilong ol i kam na i stap redi long mekim ol kainkain stail pilai bilong tupela long dispela wiken.

Kosa bilong Roosters Ricky Stuart em wanpela top NRL hapbek pilaia na insait long tripela yia kosa, em i soim tru

save bilong em long gem taim em i winim tupela gren fainel pinis. Namba wan gren fainel em i winim em wantaim risev gret bilong Canterbury Bulldogs long 2001 na long 2002 em i winim gren fainel wantaim Roosters primia klap. Nau bai namba tri gren fainel bilong em.

Panthers kosa John Lang i kamap tasol long Penrith na karim dispela klap i kam olgeta long gren fainel bihain long Panthers i bin stap long aninit bilong poin lata planti krismas i kam inap nau.

Dispela i soim save na eksperiens bilong Lang long bungim ol pilaia na bungim gem bilong ol wanwan wantaim na kamapim gem plen we tim i ron long en long kamap long gren fainel nau.

Dispela bai strongpela na gutpela gren fainel tru long lukim.

## Gavman na ol poro helpim PNG anda 19 kriket tim

LAS Fraide Nesanel Gavman, Papua Niugini Spots Federesin na Oil Search i givim K60,000 long PNG Anda 19 Kriket tim long go pilai long Wol Kap kwalifaia long Namibia, Afrika.

Lady Carol Kidu, Minista bilong Welfe na Sosial Sevis na Spots na tu Mema bilong Mosbi Saut i makim gavman na givim K50,000 na Spots Federesin na Oil Search i givim K5,000 wantaim.

Dispela presentesin ol i mekim long Spots Opis bilong Brian Bell stua long Boroko. Na Sir Brian yet i givim unifom, beg na ol samting bilong pilai.

Ol yangpela ya i lusim kantri long Mande na ol i wok long pilaia sampela traime gem long Namibia bipo long ol i stap pilai tru long Sarere.

"Mi gat bilip long yupela olsem yupela bai mekim samting stret wankain olsem ol sinia pilaia bilong yupela husat i winim gol medol long Saut Pasifik Gems long Fiji," Lady Carol i tok taim em i givim sek long ol.

Na bos bilong Kriket long kantri William Maha i amamas long helpim na tok mani i givim bikipela sapot long tingting biong ol long pilai.

"Mipela i amamas long sapot long wanem

mipela i sot long K16,000 we totel kos bilong wokabaut em K40,000. Nau mipela i gat inap mani na dispela i ken kisim mipela i go long Namibia," Maha i tok.

Em i tok mani ol bai yusim long tiket, unifom, ol samting bilong pilai na helpim wok bilong ol upisa.

Papua Niugini i bin pilai pinis long tupela wol kap, Saut Afrika long 1998 na Niu Silan long 2002. Pilai bilong ol long Niu Silan i mekim ol i kwalifai long pilai long dispela wol Kap kwalifaiing siries.

Na tim menesa Brian Amini i tok: "As tingting bilong mipela em long go long Bangladesh na long dispela mipela i laik mekim samting stret- winim pilai bilong mipela."

Papua Niugini i stap long grup A wantaim Uganda, Nigeria na Zambia. Na grup B i gat Namibia, Fiji, Kenya na Tanzania.

Papua Niugini i pilai wantaim Zambia long Sarere Oktoba 4, bihain Nigeria na bihain Uganda.

Ol pilaia em- John Boto na Mahuru Dai (tupela vais kepten), Vivian Kila, William Harry, Kila Pala, Mavara Tamasi, Vali Vali, Jack Low, Kupana Amini, Kapena Arua, Assad Vala, Paul Morea na Gavera Dai.

## Hailans soka tonamen i kamap gut tru

### Developim soka long Hailans

HAGEN i kamap sempion bilong Hailans rijon bihain long em i winim Porgera 1-0 long fultaim insait long Hailans rijonal soka tonamen long las wiken long Hagen siti.

Dispela foapela de soka tonamen i bin kamap gut tru na ron gut tru long Kimininga plis bareks na pinis long Sande.

6-pela Hailans senta i bin kamap long dispela tonamen em Tari, Mendi, Porgera, Wabeg, Simbu na Hagen yet. Goroka, Kutubu na Erave i no bin salim tim i kam long dispela tonamen bikos long ol sampela hevi bilong redim na salim tim long dispela taim.

Gren fainel bilong ol meri i stap namel long Wabeg na Mendi we ol meri Wabeg i winim wantaim 1-0 soka long fultaim.

Tim bilong ol man na meri husat i winim dispela gren fainel i bin kisim K1,000 prais mani wantaim David Chung kap. Ol lain i kam namba tu i bin kisim K500 na ol lain long namba tri i kisim K350 na namba foa em ol i kisim K150.

Dispela tonamen em Papua Niugini Futbol Asosiesin (PNGFA) i luksave long en tasol Hailans Rijonal Soka Asosiesin presiden David Chung i sponsarim long kos olsem K10,000.

Chung i tok em i save yusim mani bilong em yet long sponsarim soka tonamen taim em i kamap presiden long 1996. Em i tok em i mekim dispela long developim soka insait long hailans rijon.

Em i tok long olgeta tonamen em i save go pas long en insait long rijon, em i save lusim moa long K10,000.

Vais presiden bilong Hailans rijon soka Ananias Popo i tok dispela soka tonamen i bin ron gut tru na olgeta pilaia na ol sapota i amamas tru we i nogat trabel na olgeta lain i amamas long lukim gutpela tonamen i kamap gut na pinis gut tru.



• Ol pilaia bilong Roosters i mas was gut long liklik namba 6 bilong Panthers, Preston Campbell. Sapos ol i no holim em gut em bai lus long han bilong ol na helpim long kamapim ol trai o skoa em yet.

## Australia helpim PNG Hoki Federesen

### Presen long amamasim 28 Indipendens bilong Papua Niugini

#### Paul Zuvani i raitim

PAPUA Niugini Hoki Federesin long las wik i kirapim wanpela bikipela program long helpim ol yangpela long kantri long lainim hoki.

Dispela program em Operesin Jubili na bai kisim ol yangpela, planti em ol skul pikinini.

PNG Hoki Federesin i statim dispela program bihain long Australia Gavman i givim K30,000 long Federesin.

Dispela mani em hap mani bilong K7 million (\$Aus3m) em Australia Gavman i givim long Papua Niugini Gavman olsem 28 Indipendens aniveseri presen long 2000 bilong em long ronim ol spots na wok bilong spots long kantri.

Sekreteri general bilong Hoki, Keith Long, i amamas na i tok dispela helpim nau i strongim dispela tingting bilong ol long lainim spot namel long ol yangpela.

"Tenk yu Australia Gavman mipela nau bai kisim hoki i go long planti hap bilong kantri wantaim tripela as tingting," Long i tok.

"Mipela bai kisim hoki i go long olgeta provinsial senta na lainim ol pikinini long dispela pilai.

"Mipela i laik tokaut long ol mangi i long stap pilai hoki na long developim hoki namel long ol yangpela olsem nau em i taim bilong pilai.

"Mipela i laik kamapim na strongim gutpela laip. Na laikim bai ol mangi i kisim gutpela tingting long stap long komuniti.

"Long strongim na kamapim wok bilong hoki namel long ol yangpela mipela i gat tripela program- Minkey Kids Hoki we i stap long ol skul bilong Australia, Junia yut program we i stap long Koral Sis (solwara) festival program.

"Namba tri em long helpim wanwan ol asosiesin long mani long ronim ol pilai bilong ol mangi," Long i tok.

Dispela program bai kamap long Pot Mosbi, Lae, Madang, Goroka, Tabubil, Aiotau, Rabaul na Lihir.

Long makim maus bilong Australia gavman em Hai Komisina bilong Australia, Michael Potts i tok dispela Operesin Jubili bilong strongim tingting bilong ol

mangi long kantri long pilai hoki.

"Dispela program i givim ol mangi sans long pilai hoki we sapos i nogat mani, na ol samting bilong pilai bai i hat long ol i lainim dispela pilai na pilai long em," Potts i tok.

"Australia i amamas long givim sapot long Operesin Jubili na hop olsem dispela program bai helpim federesin long ronim wok bilong em long kantri.

Papua Niugini Hoki Federesin bai kisim sapot taim Time Evans, em man Australia, Federesin i makim bilong ronim ol kos i mekim wokabaut bilong em.

Ol samting bilong pilai em Intenesinel Hoki Federesin na Coca Cola Amatil i givim. Ol dispela samting em stik bilong pilai, bal, kons na narapela ol trening samting.

Las wik PNG Hoki i opim dispela program long Korobosea Intenesinel Skul. Long dispela taim ol skul mangi i gat sans long lain long pilai bipo long ol opisa bilong PNG Hoki Federesin, PNG Spots Federesin, Australia Hai Komisen, Silva Jubili program na niusman.

LAE  
BISCUIT



WANTOK

# Spots

LAE  
BISCUIT



NRL gren fainel



• Brad Fittler, kepten na hap bek.



• Shannon Hegarty, senta.



• Luke Ricketson, lok..



• Anthony Minichiello, fulbek.

# Roosters VS Panthers

SYDNEY City Roosters bai kam aut long winim gen primiasip taitel bilong NRL we em i bin winim long las yia taim em i bungim Penrith Panthers long dispela wiken.

Roosters i sanap feveret bilong dispela gren fainel bikos long ol eksperiens pilaia em i gat we sampela i mekim nem pinis long pilaim ol strongpela gem bilong Stet ov Orjion na tu mekim nem insait long Kangaroo tim. Ol eksperiens pilaia olsem Anthony Minichiello, Shannon Hegarty, Chris Walker, Brad Fittler, Craig Wing, Craig Fitzgibbon, Luke Ricketson na Michael Crocker. Kepten Fittler i bin winim awod bilong sempion faiveit bilong NRL long dispela yia na Michael Crocker i winim awod bilong sempion yutiliti pilaia bilong NRL long dispela yia.

Eksperiens bilong las yia gren fainel i stap yet na dispela em sem tim i bin pilai wantaim na winim NRL gren fainel long las yia olsem na ol inap mekim wankain samting gen.

Fowet bilong tupela tim wantaim i wankain tasol long difens em Roosters i strong liklik moa long Panthers.

Long beklain em Panthers i gat



• Man nogut bilong Panthers, Preston Campbell. Taim em i brukin banis na tekov, bai yu save pinis olsem Rhys Wesser bai stap klostu long em.

moa spit na bekap bilong ol i gutpela moa long Roosters. Taim Preston Campbell i brukim lain na tekov, wantu tasol Rhys Wesser i save kamap pinis long givim sapot. Wankain tu taim Wesser i tekov bai Campbell tu i stap klostu long em hariap tasol. Bekap bilong Panthers i moa gutpela long Roosters.

Kik bilong kepten Fittler na Craig Gower bilong Panthers i wankain

olsem na husat i winim moa lain na surukim narapela i go bek long graun bilong ol bai putim narapela long bikpela wok bilong banisim mak.

Gem bilong Chris Walker long Roosters i wok long kamap gut tru nau na em bai wanpela birua man tru long Panthers i stopim em. Wankain tu Ryan Girdler bilong Panthers i wok long kamapim ol

stail pilai i kam na em bai givim sampela hatwok liklik long Roosters long stopim em taim em i bekap na ron long spes. Girdler tu em wanpela man bilong stilim bal na dispela inap mekim Roosters i kirap nogut sapos ol i tromoi bal i go i kam na pas long han bilong em.

Ol pilaia bilong Penrith Panthers: Rhys Wesser, Luke Lewis, Ryan Girdler, Paul Whatuira, Luke Rooney, Preston Campbell, Craig Gower, Joel Clinton, Luke Priddis, Martin Lang, Joe Galuvao, Tony Puletua, Scott Sattler, Ben Ross, Trent Waterhouse, Shane Rodney, Luke Swain, Colin Ward.

Ol pilaia bilong

Sydney City Roosters: Anthony Minichiello, Todd Byrne, Ryan Cross, Shannon Hegarty, Chris Walker, Brad Fittler, Brett Finch, Jason Cayless, Craig Wing, Ned Catic, Adrian Morley, Craig Fitzgibbon, Luke Ricketson, Michael Crocker, Andrew Lomu, Chad Robinson, Chris Flannery.

Arrow  
Proudly  
made in  
PNG



Liklik prais-bisket oltaim! Always hits the spot



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.